

今文尚書經說考

今文尙書經說攷卷三

三之上

侯官陳喬樞學

虞夏書十七 夏書一

禹貢第十七

今文尙書三

禹傳土

史記夏本紀禹乃遂與益后稷奉帝命命諸侯百姓興人徒以傳土○裴駟集解曰尙書傳字作敷馬融曰敷分也○司馬貞索隱曰大戴禮作傳土故此紀依之傳卽付也謂付工屬役之事令人分布理九州之土地也

禹敷土

漢書地理志堯遭洪水襄山襄陵天下分絕爲十二州使禹治之水土旣平更制九州列五服任土作貢曰禹敷土

案作傳者今文尙書也作敷者古文尙書也歐陽大小夏侯之學皆出於倪寬寬事歐陽生受今文尙書又受業孔安國故今尙書三家文字間有不同時亦兼存古字史據歐陽本班據夏侯本故與史記文字偶或有異也鄭君周禮大司樂注云禹治水傳土言其德能大中國也詩商頌長發禹敷下土方箋云禹

敷下土正四方定諸夏廣大其境訉義與周禮注同
是傳敷古今字之異耳偽孔傳於州十有二師云一
州用三萬人功九州用二十七萬庸卽襲取史記興
人徒語以爲之說也

隨山栞木奠高山大川

夏本紀隨山表木定高山大川○集解曰馬融云定其
差秩祀禮所視也駟案尙書大傳曰高山大川五嶽四
瀆之屬○索隱曰表木謂刊木立爲表記尙書作隨山
刊木

地理志隨山栞木奠高山大川○師古曰栞古刊字奠

定也言禹隨行山之形狀而刊斫其木以爲表記決水
通道故高山大川各得安定也

案說文木部棧識从木𠂔闕夏書曰隨山栞木讀
若刊篆文从开許所引書作栞據古文也漢書引作
栞栞卽栞之篆文三家今文用栞而訓義竝同史記
以故訓代經文故云行山表木表卽棧識之義謂棧
其木爲表識以表其道也尙書正義引鄭注曰必隨
州中之山而登之除木爲道以望觀所當治者則規
其形而度其功焉訓誼與史記畧同是古文今文師
家竝無異說莫史記作定亦以故訓代經文也馬融

云定其差秩卽據史記故訓之字爲說

尙書大傳曰高山大川五嶽四瀆之屬五嶽謂岱山霍山華山恒山嵩高也五嶽皆觸石而出雲扶寸而合不崇朝而雨天下江河淮濟爲四瀆大川相間小川相屬東歸於海五嶽視三公四瀆視諸侯其餘山川視伯小者視子男○鄭注云四指爲扶所視者謂其牲幣粢盛籩豆爵獻之數非謂尊卑

釋名釋地曰山產也產生物也川穿也穿地而流也

冀州旣載壺口治梁及岐

夏本紀禹行自冀州始冀州旣載壺口治梁及岐○集

解曰鄭元云兩河間曰冀州地理志壺口在河東北屈縣之東南梁山在左馮翊夏陽岐山在右扶風美陽西北梁山西南○張守節正義曰括地志云壺口山在慈州吉常縣西南五十里冀州境也梁山在同州韓城縣東南十九里岐山在岐州岐山縣東北十里二山雍州境也

地理志冀州既載壺口治梁及岐○師古曰載始也冀州堯所都故禹治水自冀州始也壺口山在河東梁山在夏陽岐山在~~美~~陽卽今之岐州岐山縣箭括嶺也禹循山而西治衆

案尙書正義引鄭君注云載之言事事謂作徒役也
禹知所當治水又知用徒之數則書之於策以告帝
徵役而治之鄭君訓載爲作徒役之事卽史記所謂
命諸侯百姓與人徒是也師古以載爲始非尙書本
義陸氏釋文云載如字謂載於書也馬同鄭韋昭云
載事也知古文今文家說略同正義又引鄭云於此
言治梁及岐者蓋治水從下起以襄水害易也河從
雍州經梁岐間而流於冀疏其下流乃能承受上流
之水故云治水從下起易爲功也

河東郡北屈云禹貢壺口在東南○應劭曰有南故稱

北○臣瓚曰汲郡古文翟章救鄭至于南屈

左馮翊夏陽云禹貢梁山在西北

右扶風美陽云禹貢岐山在西北

案江聲云史記集解載鄭尙書注多引地理志鄭君所引之志今不可見其語與班史時有不合而竅諸後漢書郡國志則無不合後漢書志敘云推檢舊記先有地理則東漢別有地理志矣鄭君當東漢之末據其當代之書故不盡同班史之志司馬彪撰東漢之史必從東漢之志故郡國志郡縣之名悉與鄭注所引地理志合也

淮南子曰正中冀州曰中土

案楊士勛穀梁疏云冀州者天下之中唐虞夏殷皆都焉是天子之常居今攷漢書地理志河東郡平陽注應劭曰堯都也

爾雅釋地兩河間曰冀州李巡注曰兩河間其氣清厥性相近故曰冀冀近也

案徐彥公羊疏引鄭尙書注云兩河間曰冀州不書其畛者時帝都之使若廣大然王鳴盛曰以今輿地約之山西太原平陽汾州潞安蒲州澤州大同甯武朔平等府平定忻代保德解絳吉陽遼沁等州河南

則懷慶彰德衛輝等府直隸則順天永平保定廣平
順德宣化等府及眞定河間之西北境東北則奉天
錦州等府北則踰塞直抵陰山下西起東受降城之
北東訖于大遼水皆冀州域也

曾旼曰按呂氏春秋云龍門未闢呂梁未鑿河出孟
門之上大湓逆流無有卽陵高阜滅之名曰洪水大
禹疏而通之謂之孟門按地理志謂壺口在北屈之
東南而酈道元水經注謂孟門在北屈之西南則壺
口孟門之東山也龍門在梁山北則梁山龍門之南
山也以是言之其先河出孟門之上橫流而出則知

其東之壺口其南之梁山其西之岐山皆墊於水矣
禹於壺口之西闢孟門而始事於壺口於梁山之北
闢龍門而終事於梁山而其餘功又及岐山焉

胡渭禹貢錐指曰水經注云河水南逕北屈縣故城
西有孟門山卽龍門之上口也實爲黃河之巨阨此
石經始禹鑿河中激廣夾岸崇深傾崖返捍巨石臨
危若墜復倚其中水流交衝鼓若山騰濤波頽疊於
下口又水經河水南出龍門口注云昔大禹導河積
石疏決梁山謂斯處也卽經所謂龍門矣魏土地記
曰梁山北有龍門山大禹所鑿通孟津河口廣八十

步巖際鑄迹遺功尙存水經又云河水又南逕梁山
原東山在夏陽縣西臨於河上渭按梁山之崩壅河
則俯瞰河流可知信爲禹鑿之餘所稱呂梁卽此山
之別名矣詩大雅云弈弈梁山惟禹甸之傳曰甸治
也禹治梁山除水害箋曰梁山之野堯時俱遭洪水
禹甸之者決除其災使成平田定貢賦於天子渭按
此言正可以發治梁及岐之故蓋洪水方割自孟門
大湓而西入鄜延之境汜濫而南注于渭勢若建瓴
平田皆爲巨浸其受患者梁西岐東數百里之地故
壺口事畢遂西治梁蓋自龍門治西河南至於華陰

所謂決川距海也治梁之餘因而及岐蓋決渭之下
流入於河兼治梁山之野使可耕作所謂濬畎澮距
川也

劉熙釋名釋州國曰冀州亦取地以爲名也其地有險
有易帝王所都亂則冀治弱則冀強荒則冀豐也州注
也郡國所仰注也

案釋名釋冀州之取義蓋本於尙書今文家解詁也
水經山澤篇梁山在馮翊夏陽縣西北河上岐山在扶
風美陽縣西北

既修太原至于嶽陽

夏本紀既修太原至于嶽陽○索隱曰嶽太嶽卽冀州之鎮霍大山也按地理志霍太山在河東猗縣東○正義曰括地志云霍山在沁州沁原縣西七八十里地理志既脩太原至于嶽陽○師古曰太原卽今之晉陽是也嶽陽在太原西南

太原郡云在晉陽屬并州晉陽故詩唐國○臣瓚曰所謂唐今河東永安是也

河東郡猗云霍大山在東冀州山○應劭曰猗順帝改曰永安

案尙書釋文云岳字又作嶽今據史記漢書皆作嶽

字從今文也岳古文嶽見說文水經汾水注云汾水南過永安縣西故猗縣也又東與猗水合出東北太岳山禹貢所謂岳陽卽霍太山矣山有岳廟

又案北禹道汾水入河之事也地理志太原郡汾陽

云北山汾水所出西南至汾陰入河過郡二行千三

百四十里冀州寢水經注云汾水出太原汾陽縣管

涑山東南流逕晉陽縣東晉水從縣東南流注之地

理志晉陽云晉水所出東入汾是也山海經曰管涔之山汾水出焉

西流注于河淮南子曰汾出燕京燕京亦管涔之異名也汾水又南逕大陵縣東

迤左爲鄔澤地理志鄔縣云九澤在北是爲昭餘祁

并州數是也汾水又南逕永安縣西與猗水合又南逕霍城東又南霍水入焉水出霍太山西南流注于汾又南逕臨汾縣東屈從縣南西流至汾陰縣北西注于河此汾水所經之道也史記云禹鑿龍門通大夏大夏卽太原也杜預春秋釋例曰晉大鹵太原大夏參虛晉陽一地六名曾岐曰太原汾水之所出岳陽汾水之所經修太原至岳陽道汾水也葉夢得曰傳言禹能修鯀之功則鯀功不皆廢也蓋有因而修之者焉鯀惟知治太原而不知道壺口以及梁岐此功所以不成故禹必先事壺口梁岐而後修鯀之舊

迹自太原以至岳陽也胡渭曰左傳子產曰昔金天
有裔子曰昧爲元冥師生允格臺駘臺駘能業其官
宣汾洺障大澤以處太原帝用嘉之封諸汾川然則
汾洺之待治自古有然矣

楊雄冀州箴曰岳陽是都

案岳陽就霍大山之南言之據揚雄箴則堯都平陽
亦岳陽也閻若璩云陽字所包者廣蓋旣修太原二
句直舉一千餘里用功而言也

劉熙釋名釋地曰廣平曰原原元也如元氣廣大也

案此卽禹貢大原之訓誼當本於三家尙書章句也

覃懷底績至于衡漳

夏本紀覃懷致功至于衡漳○集解曰鄭元云懷縣屬河內○索隱曰按河內有懷縣今驗地無名覃者蓋覃懷二字或當時共爲一地之名也○正義曰括地志云故懷城在懷州武陵縣西十一里衡漳水在瀛州東北百二十五里平舒縣界也

地理志覃懷底績至于衡章○師古曰覃懷近河地名也底致也績功也衡章謂章水橫流而入河也言禹於覃懷致功以至衡章也

上黨郡長子云鹿谷山濁漳水所出東至鄴入清漳又

沾云大陂谷清漳水所出東北至邑城入大河過郡五行千六百里冀州川

案周禮職方氏疏引鄭注云衡漳漳水橫流入河覃懷爲縣各屬河內漳水出上黨沾大陂谷東北至安平阜城入河王鳴盛曰說文水部云清漳水出沾大陂谷陂字乃要之誤古要字作與與陂相似故誤爾邑成當作昌成郡國志云安平國故信都阜成故昌成攷班志信都國集注引應劭曰安帝改爲安平其屬縣有昌成然則云邑成者誤也王說良確漳漢志作章文消耳王肅云衡漳二水名酈元水經注以濁

漳爲衡水又謂之橫水續漢志劉昭注補引上黨記云潞濁漳也皆以衡漳爲二水與鄭注異

又案水經注云濁漳水出上黨長子縣西發鳩山東過其縣南又東逕屯留縣南屈逕其城東絳水注之

又東逕壺關縣北又東北逕潞縣北

關關曰有潞水爲冀州浸卽漳

水也故世人亦謂濁漳水爲潞水

又東逕武安縣南清漳水自涉縣

東南來注之謂之交漳口又東出山逕鄴縣西又東逕三戶津又東逕武城南又東逕梁期城南又東逕平陽城北又東逕斥丘縣北卽裴縣南又東北逕列人縣故城南又東逕肥鄉縣故城北又東逕斥漳縣

南尚書所謂覃懷底績至于衡漳者也胡渭曰按漢志鄴縣東有故大河北入海又廣平斥章縣注應劭曰漳水出治北入河通典云衡漳入河在肥鄉縣界蓋河由鄴東而北漳從鄴北橫流至肥鄉斥章二縣界入河故酈氏以爲禹貢之衡漳也禹治河之餘汜濫雖除而田間積潦不可不疏洩况漳南河北五百里間有洸水沁水清水淇水蕩水洹水諸川左右翼帶禹時並注于河亦猶河汾之間包有涑澮等水無論大小皆當盡力此濬畎澮距川之事所謂滌源者也

又案衡漳釋文引馬融云衡水名正義引王肅亦以
衡漳爲二水名惟鄭君讀衡爲橫謂漳水橫流入河
引地理志云清漳水出上黨沾大要谷攷漢志漳有
二源濁漳出長子鹿谷山清漳出沾大要谷則衡漳
當是清濁二水於義始備鄭以濁漳入清漳雖異源
而合流故祇舉清漳爲主酈道元水經注則以清漳
爲入于濁漳與鄭不同然據漢志言清漳發源注河
濁漳至鄴入清漳則宜以清漳爲主也

淮南墜形訓曰清漳出楊戾濁漳出發○注云楊戾山
在上黨發包山一名鹿谷山亦在上黨長子二漳合流

經魏郡入清河

水經曰濁漳水出上黨長子縣西發鳩山之漳水焉東過其縣南屈從縣東北流注過平舒縣南東入海○又曰清漳水出上黨沾縣西北少山大阻谷南過縣西又從縣南屈東過涉縣西屈從縣南東至武安縣南委舊邑入于濁漳

厥土惟白壤

夏本紀其土白壤

地理志厥土惟白壤

白虎通曰土主吐含萬物土之爲言吐也

劉熙釋名曰壤讓也肥濡意也

案說文土部云土地之吐生萬物者也壤柔土也尙書釋文引馬融曰壤天性和美也訓義竝相近

後漢書明帝紀永平十三年詔曰今五土之宜反其正色○注曰周禮曰山林川澤邱陵墳衍原隰謂之五土也色謂其青黃白黑之類

厥賦惟上上錯

夏本紀賦上上錯

地理志厥賦上上錯

案尙書正義引鄭云此州入穀不貢禮記王制正義

引鄭云賦之差一井上上出九夫稅上中出八夫稅
上下出七夫稅中上出六夫稅中中出五夫稅中下
出四夫稅下上出三夫稅下中出二夫稅下下出一
夫稅通率九州一井稅五夫鄭以禹貢九州有上中
下九等出沒不同故以井田計之以一州當一井假
令冀州上上出九百萬夫之稅兗州下下出一百萬
夫之稅是九州大較相比如此非謂冀州之民皆出
上上兗州之民皆出下下江聲曰一井上上出九夫
稅一井之中九夫各以所收之什一爲稅上中出八
夫稅謂通九夫共出八夫所收之什一爲稅以下至

一夫皆謂通出其什一也通率九州一井稅五夫者有九夫稅有一夫稅合之共十夫均分之則各五夫其八夫通二夫七夫通三夫六夫通四夫均之則皆然是率一井稅五夫也通而計之則一夫之地惟稅五十畝熊安生禮疏曰夏政寬簡一夫之地惟稅五十畝是也喬樅謂如鄭說則此州賦上上第一等雜出第二等之賦而尙書釋文引馬云地有上下相錯通率第一馬蓋用古文說故與鄭義異五經異義田稅云今春秋公羊說十一而稅天下之中正是鄭釋禹貢所言亦從今文家說也

厥田惟中中

夏本紀田中中

地理志厥田中中

案尙書正義引鄭云地當陰陽之中能吐生萬物者曰土據人功作力競得而田之則謂之田田著高下之等當爲水害備也鄭解土字與白虎通合此今文說也說文云田陳也樹穀曰田象四口十阡陌之制也此古文說也

恒衛旣從大陸旣作

夏本紀常衛旣從大陸旣爲○集解鄭元曰地理志恒

水出恒山衛水在靈壽大陸澤在鉅鹿○索隱曰此文
改恒山恒水皆作常避漢文諱改也常水出常山上曲
陽縣東入滹水衛水出常山靈壽縣東入滹沱

地理志恒衛既從大陸既作○師古曰恒衛二水名恒
水出恒山衛水在靈壽大陸澤名在鉅鹿此言恒衛之
水各從故道大陸之澤已可耕作也

常山郡上曲陽云恒山北谷在西北有祠并州山禹貢
恒水所出東入滹○又代郡靈邱云滹河東至文安入
大河過郡五行九百四十里并州川

靈壽云禹貢衛水出東北東入滹沱○又代郡幽城云

虢沱河東至參合入虢沱別過郡九行千三百七十里
鉅鹿郡鉅鹿去禹貢大陸澤在北○應劭曰鹿林之大
者也

案胡渭禹貢錐指以恒卽滏水衛卽虢沱古今異名
耳王鳴盛曰據漢志恒入滏衛入虢沱四水截然不
相假借史記集解載鄭引地理志恒水出恒山衛水
在靈壽續志云中山國上曲陽故屬常山恒山在西
北劉昭注云有泉水泉水卽恒水其衛水出常山靈
壽則與前志同也惟因水經滏水篇云滏水東過中
山上曲陽縣北恒水從西來注之酈注言自下滏水

兼納恒川之通稱卽禹貢所謂恒衛旣從也如其說則涇水皆恒水矣然酈亦祇就恒水言之耳近儒因此遂謂衛水亦卽庠沱憑臆衍說皆非也王說爲長又地理志鹵城下云庠沱河東至參合入庠沱別案參合當作參戶蓋轉寫因郡有參合而誤水經注云庠沱別河逕參戶亭北又東北逕平舒縣注庠沱是也

又案史記集解引鄭注云大陸澤名在鉅鹿北尙書正義云爾雅釋地晉有大陸孫炎等皆云今鉅鹿縣北廣阿澤也續漢志鉅鹿郡云鉅鹿故大鹿有大陸

澤劉昭注云有廣阿澤呂氏春秋九藪趙之鉅鹿高誘注云廣阿澤也山海經曰大陸之水史記紂益鉅橋之粟許慎云鉅鹿之大橋也王鳴盛曰此郡所屬又有廣阿縣殆因此澤綿亘二縣境故名之尙書正義旣引爾雅孫郭注又綴以魏獻子所田大陸此則與禹貢無涉呂氏春秋九藪旣言晉之大陸又言趙之鉅鹿決非一澤而兩見故劉昭專引趙之鉅鹿以當禹貢大陸鉅鹿在戰國實趙地非晉也若晉之大陸在太原縣班固云晉大夫司馬彌牟邑九澤在縣北是爲昭餘祁并州藪呂氏春秋謂之大陸是也與

禹貢無涉王說是也既作禹貢作既爲詁訓字也

釋名釋地曰高平曰陸陸澍也水流澍而去也

案高平之地水患去則可耕作矣故曰大陸既作

鳥夷皮服

夏本紀鳥夷皮服○集解鄭元曰鳥夷東北之民賦食
鳥獸者○正義曰括地志云靺鞨國古肅慎也在京東
北萬里巴下東及北各抵大海其國南有白山鳥獸草
木皆白其人處山林間土氣極寒常爲穴居以深爲貴
至接九梯象豕食肉衣其皮冬以猪膏塗身厚數分以
禦風寒貴臭穢不潔作厠於中圍之而居多勇力善射

弓長四尺如弩矢用楮長一尺八寸青石爲鏃葬則交木爲槨殺猪積槨上富者至數百貧者數十以爲死人之糧以土上覆之以繩繫於槨頭出土上以酒灌酌繩腐而止無祭祀也

地理志鳥夷皮服○師古曰此東北之夷搏取鳥獸食其肉而衣其皮也一說居在海曲被服容止皆象鳥也案師古此注前一說讀鳥如字與鄭君合後一說讀鳥爲島與僞孔合尙書正義云孔讀鳥爲島島是海中之山鄭元云鳥夷東方之民搏食鳥獸者也王肅云鳥夷東北夷國名也與孔不同據此知鄭王本皆

作鳥字僞孔本亦同作鳥但僞傳讀鳥字爲鳥耳尙
書釋文云鳥當老反馬云鳥夷北夷國當老反卽鳥
字之音此從僞傳讀鳥爲鳥也又引馬云云者謂馬
讀鳥如字也改經文爲鳥乃衛包之失非陸氏之舊
也集韻三十二皓云鳥古作鳥可證

夾右碣石入于海

夏本紀夾右碣石入于海○集解徐廣曰海一作河○
索隱曰地理志云碣石山在北平驪成縣西南太康地
理志云樂浪遂成縣有碣石山長城所起又水經云在
遼西臨遼縣南水中蓋碣石山有二此云夾右碣石入

于海當非北平之碣石

夾右碣石入于河

地理志夾右碣石入于河○師古曰碣石海邊山名也
右北平驪成云大碣石山在縣西南莽曰碣石

遼西郡莽云有碣石水南入官

案尙書正義云鄭元曰戰國策碣石在九門縣今屬
常山蓋別有碣石與此名同今驗九門無此山也夾
右者鄭云禹由碣石山西北行盡冀州之境還從東
南行入河治水既畢更復行之觀地肥瘠定貢賦上
下鄭以北行則東爲右南行則西爲右故夾山兩傍

山常在右也攷鄭君所引戰國策今無此文則亡佚矣惟續漢志常山國九門縣劉昭注曰碣石山戰國策云在縣界史記蘇秦傳燕南有碣石雁門之饒索隱云戰國策碣石在常山九門縣所引竝同若驪成碣石在今永平府撫甯昌黎二縣界是也

王鳴盛曰漢志右北平驪成縣云大碣石山在縣西南遼西郡繁縣云有碣石水南入官不言有山蓋驪成有大碣石則繁縣有小碣石可知後漢省驪成縣說者遂不數大碣石專以小碣石言之故文穎注武紀曰碣石在遼西繁縣今罷入臨渝此石著海

旁續漢志遼西郡臨渝下劉昭注曰碣石山在縣南
晉省臨渝入肥如後魏地形志曰肥如縣有碣石山
隋唐省肥如入新昌爲盧龍故隋志曰盧龍縣有碣
石山括地志曰碣石在盧龍縣南二十三里通典曰
平州盧龍縣有碣石山碣然而立在海旁故名之盧龍
後僑置營州柳城縣遼改曰廣甯金又改曰昌黎自後漢至隋唐曰素縣曰
臨渝曰肥如曰盧龍名四變而山則一皆據小碣石
言之至唐志及寰宇記則云石城縣有碣石山而歐
陽忞輿地廣記曰石城故驪成也是又據大碣石言
之按唐志于平州盧龍縣則注云本肥如武德二年

更名又置撫甯縣七年省于石城縣則注云本臨渝
萬歲通天二年更名今直隸永平府撫甯縣之東南
昌黎縣之東皆濱大海撫甯之南境西南境與昌黎
界自漢以來縣名經屢改屢省之後壤地交錯不可
得詳而漢驪成故城大約在今撫甯縣界案縣故城
大約在今昌黎縣界漢書于驪成言碣石山于案縣
言碣石水則小大碣石並舉自文潁以下諸說偏舉
一處者皆不免望漏惟郭璞山海經注曰碣石在臨
渝或云在驪成兩存其說而酈元水經注亦兼舉二
說按水經第四十卷禹貢山水條曰碣石山在遼西

臨渝縣南水中注曰大禹鑿其石右夾而納河又第

五卷河水條注曰漢司空掾王璜

漢書儒林傳瑯琊王璜平仲傳古文

尙書溝洫志作王橫疑是一人

言往昔天嘗連北風海水溢西南出

侵數百里故張君云碣石在海中蓋淪于海水也又

第十四卷濡水條注云濡水自樂安亭南與新河故

瀆合又東南至索縣碣石山文潁曰碣石山在遼西

索縣并屬臨渝地理志曰大碣石山在右北平驪成

縣西南漢武帝亦嘗以望海而勒石於此今枕海有

石如甬道數十里當山頂有大石如柱形在海中潮

水大至不動不沒世名天橋柱韋昭亦指此爲碣石

濡水於此南入海按酈氏既兼舉漢志驪成文潁潁縣二說而今昌黎撫甯乃漢驪成縣境則其爲碣石者自昌黎北撫甯南諸山皆是矣而所謂枕海有石如甬道者今在昌黎東南又仙人臺碣石之頂也在昌黎縣治北十里撫甯之西其臺崇廣絕壁萬仞頂石爲天橋柱人罕能至此山距海三十里今現在而酈云淪海者蓋海水偶潮及山下非眞泯沒蕩然焉也碣石當以今在昌黎北及撫甯西南者爲正釋名釋地曰海晦也主承穢濁其水黑如晦也

濟河惟沈州

夏本紀濟河惟沅州○集解鄭元曰言沅州之界在此
兩水之間

沛河惟兖州

地理志沛河惟兖州○師古曰沛本濟水之字从水
言此州東南據濟水西北距河

河東郡垣云禹貢王屋山在東北沅水所出東南至武
德入河軼出滎陽北地中又東至琅槐入海過郡九行
千八百四十里

案地理志常山郡房子云贊皇山濟水所出東至廆
陶入沅沛濟二字音同義別班書明列爲二水出贊

皇者不得爲四瀆之水禹貢所言皆沛也說文水部
云沛沅也東入于海从水市聲沅水出河東垣王屋
山東爲沛从水允聲重文沿云沿古文沅又云濟水
出常山房子贊皇山東入沅从水齊聲分別二水與
漢志合後人混沛與濟爲一非是續漢書郡國志云
河東郡垣縣有王屋山沅水出又云常山國房子贊
皇山濟水所出皆與班志合言沅水不言沛水沅卽
沛也亦以別于房子之濟耳然沛濟古以音近得相
假借故史記夏本紀作濟河漢書地理志作沛河是
其假借通用之證應劭風俗通義山澤篇以濟水出

常山房子贊皇山者當四瀆之一因載其說曰濟者
齊也齊其度量也此必三家今文尙書有作濟者故
爲之說如此非應仲遠所能臆造也漢人書濟瀆字
不皆作沛恒假濟字用之而應氏遂誤仍爲房子之
濟水將沛濟一水淆亂不分斯乃失之不審矣

又案錢大昕云沈州本以沈水得名尙書作兗州由
隸變立水爲橫水又誤三爲六耳段玉裁曰說文口
部云谷山間陷泥地从口从水敗兒讀若沈州之沈
九州之渥地也故以谷名焉今本譌舛文義不通水
部曰古文沈亦謂此也故臣鉉等云口部已有此

重出今本水部譌作沿與緣水而下之沿相複口部
又云商古文𠂔蓋古文尙書作商州今文尙書作沈
州𠂔卽商之字故水部又謂𠂔爲古文沈口部謂古
文以𠂔爲沈州之沈而商字轉寫旣久漢碑皆作堯
則參合商沈二體成此一字今隸又省作究非立水
改橫水又誤作六之謂叔重云九州之渥地故以𠂔
爲名此比傳山間陷泥地爲說此古文家說也古文
尙書蓋沈水字作沈商州字作商不以水名爲州名
也喬樅謂釋名釋沈州實云取沈水爲名當是本今
文家尙書說

爾雅釋地濟河間曰兖州李巡注曰濟河間其氣專質厥性信謙故曰兖兖信也

案李巡此注與說文所傳古文誼異當亦本今文家尙書說也王鳴盛曰沛自滎至菏此沅州之西南與豫分畛處自菏至會汶則南與徐分畛處自會汶後東北行則東與青分畛處河自大伾北過降水至于大陸又北播爲九河同爲逆河入于海此沅州之西北與冀分畛處也喬樞謂鄭言沅州之畛在此兩水之間王氏此說實足以證明其義王氏又云以今輿地約之河南衛輝府東南境直隸大名府及真定河

間二府東南境山東東昌府及兗州曹州濟南青州
四府之西北境皆兗州盼也

釋名釋州國曰兗州取兗水以爲名也

釋名釋水曰天下大水謂之四瀆江河淮濟是也瀆獨
也各獨出其所而入海也濟濟也源出河北濟河而南
也河下也隨地下處而通流也

九河旣道

夏本紀九河旣道

地理志九河旣道○師古曰九河河水分爲九各從其
道一說道讀爲導導治也

溝洫志河隄都尉許商以爲古說九河之名有徒駭胡
蘇鬲津今見成平東光鬲界中自鬲以北至徒駭間相
去二百餘里今河雖數移徙不離此域

地理志勃海郡成平云虡沱河民曰徒駭河○東光云
有胡蘇亭○平原郡鬲云平當以爲鬲津

案此與許商所言皆九河之三也許商事周堪治大
夏侯尙書平當事林尊治歐陽尙書歐陽有平陳之
學大夏侯有孔許之學皆今文家尙書說也

爾雅釋水九河徒駭大史馬頰覆釜胡蘇簡絜鈎盤鬲
津李巡注曰徒駭禹疏九河以徒衆起故云徒駭大史

禹大使徒衆通其水道故曰大史馬頰河勢上廣下狹
狀如馬頰也覆釜水中多渚往往而處形如覆釜胡蘇
下流故曰胡蘇胡下也蘇流也簡大也河水深而大也
絜言河水多山石治之苦絜絜苦也鈎盤言河水曲如
鈎屈折如盤也鬲津河水狹小可鬲以爲津也○孫炎
曰徒駭禹疏九河用功雖廣衆懼不成故曰徒駭胡蘇
水流多散胡蘇然其餘與李巡同

案爾雅本今文之學李巡孫炎所解九河名義蓋皆
本今文家尙書說也

春秋寶乾圖曰移河爲界在齊呂填闕八流以自廣

案此見尙書正義引春秋緯又尙書中候說同攷詩
周頌正義引鄭注禹貢云河水自上流盛而地平無
岸故能分而爲九以衰其勢壅塞故通利之也九河
之名徒駭大史馬頰覆釜胡蘇簡絜鉤盤鬲津周時
齊桓公塞之同爲一河今河間弓高以東至平原鬲
津往往有其遺迹焉鄭君蓋卽據春秋緯及中候文
以爲齊桓公塞之言闕八流拓境則塞東流八枝使
歸於徒駭也

鄭志趙商問曰禹貢道河至于大陸又北播爲九河然
則大陸以南固有未播也在于沈州安得有九至於何

時復得合而爲一然後從大陸以北復播爲九也鄭君
荅曰沈州以沛河爲畋河流分沈州畋文自明矣復合
爲一乃在下頭子走南北河所求平觀子所云似徒見
沈州之畋不及九河而青冀分之故疑之爾旣知今亦
當知古

案江聲云據郡國志則東漢時河間勃海皆屬冀州
平原屬青州故鄭以爲青冀分之其初本沈州之城
故云亦當知古是則九河之故迹實有可據者矣王
鳴盛曰酈道元於水經河水注云自鬲津盤東光河
間樂成以東城地並存川瀆多亡又於漳水注云九

河既播八枝伏絕遺跡故稱徃徃時存迺唐以下諸家紛紛訪求各自立說皆不如許商所言約略在三百里間者爲可信也喬樞謂許商言自鬲津以北至徒駭其間二百餘里是知九河所在徒駭最在北鬲津最在南蓋徒駭是河之本道東出分爲八枝大史馬頰覆釜在東光之北成平之南簡絮鈎盤在東光之南鬲縣之北也其河填塞時有故道故李尋解光皆云議者常欲求九河故迹而穿之攷漢書溝洫志云哀帝初平當使領河隄奏言九河今皆實滅按經義治水有決河深川而無隄防雍塞之文宜博求能

浚川疏河者又王莽時徵能治河者御史臨淮韓牧
曰爲可略於禹貢九河處穿之縱不能爲九但爲四
五宜有益然則九河故道漢時雖皆寘滅而其迹尙
略可尋也于欽齊乘曰某嘗往來燕齊西道河間東
履清滄熟訪九河故道蓋昔北流衡漳注之河旣東
徙漳自入海安知北流之漳非古徒駭歟踰漳而南
清滄二州之間有古河隄岸數重地皆沮洳沙鹵大
史等河當在其地滄州之南有大連澱西踰東光東
至海此非胡蘇河歟澱南至西無棣縣百餘里間有
曰大河曰沙河皆瀕古隄縣北地名八會口縣城南

枕無棣溝茲非簡絜河歟東無棣縣北有陷河關數
里西通德棣東至海茲非鈎盤河歟濱州北有土傷
河西踰德棣東至海茲非鬲津河歟土傷河最南比
他河差狹是爲鬲津無疑于氏之論可謂博而篤矣
風俗通山澤篇曰河出燉煌塞外崑崙山發源注海易
河出圖聖人則之禹貢九河旣道厖在河南滎陽縣河
隄謁者掌四瀆禮祠與五嶽同

雷夏旣澤雍沮會同

夏本紀雷夏旣澤雍沮會同○集解鄭元曰雍水沮水
相觸而合入此澤中地理志曰雷澤在濟陰成陽○正

義曰括地志云雷夏澤在濮州雷澤縣郭外西北雍沮
二水在雷澤西北平地也

地理志雷夏既澤雍沮會同

濟陰郡成陽云禹貢雷澤在西北

風俗通山澤篇尙書雷夏既澤

案水經注云雷澤在成陽故城西北十餘里其陂東
西二十餘里南北十五里卽舜所漁也又云雷澤西
南十里許有厯山山北有小阜澤之東北有陶墟郭
緣生言舜耕陶所在墟阜聯屬濱帶瓠河其北卽廩
邛縣瓠河濮水俱東流水經所謂瓠子河過廩邛爲

濮水者也胡渭曰據酈言則雷澤在瓠河之南城陽故城之西北陶邨之西南厯山之東北矣喬樅案雍沮二水漢志不載攷周禮職方氏兗州其浸盧維鄭君注云盧維當爲雷雍字之誤也禹貢曰雷夏既澤雍沮會同雷夏在城陽賈疏云地理志禹貢無盧維又字類雷雍故破從之引禹貢爲證也史記集解引鄭尙書注云雍水沮水相觸而合入此澤中間若璩以爲下一觸字鄭蓋以目驗知之殆無可疑今攷元和郡縣志云澠水沮水二源俱出雷澤縣西北平地去縣十四里又云雷夏澤在縣北郭外澠沮二水會

同此澤元豐九域志云濮州有沮溝卽禹貢澠沮會
同者按雍沮字本作雝雍者雝之隸變尙書古文作
雝字今文作雍字皆不從水作澠也晉人始改爲澠
遂與蒙縣之澠水相混說文水部汧下云汧水受陳
畱浚儀陰溝至蒙爲澠水東入于泗澠下云河澠水
在宋从水雍聲與沅州之雍水無涉段玉裁云尙書
釋文曰雍王於用反蓋王肅以壅塞釋之故云爾也

水經山澤篇雷澤在濟陰成陽縣西北

釋名釋地曰下而有水曰澤言潤澤也

桑土旣蠶民乃降卽度土

夏本紀桑土既蠶於是民得下卽居土

地理志桑土既蠶是降卽宅土○師古曰降下也宅居也言此地宜桑先時人衆避水皆上卽陵今水害除得以蠶織故皆下卽居平土也

風俗通山澤篇卽謹案尙書民乃降卽度土堯遭洪水萬民皆山棲巢居以避其害禹決江疏河民乃下卽營度爽塏之場而邑落之故卽之字二人立一上一者地也四方高中央下像形也

案詩譜正義引鄭尙書注云其地尤宜蠶桑因以名之今濮水之上地有桑間者尙書正義引鄭注云此

州寡于山而夾川兩大流之間遭洪水其民尤困水
害既除于是下邳居士以其免于厄尤喜故記之是
鄭釋降邳宅土句卽取史記語爲解用今文家說也
應劭亦從今文說故與鄭誼同宅土訓爲居士者古
宅度字同故宅亦通作度今尙書說亦有以營度爲
解者故應劭云爾然居訓已包營度之義堯典云五
度三居是其驗也段玉裁曰風俗通所引今文尙書
也是字作民乃二字宅作度此文字異者七百有餘
之目也凡古文尙書宅字今文皆作度楊子方言云
度居也夏本紀云於是民得下邳居士司馬所據今

文尙書亦當作民乃降卬度土度土訓作居士亦如
度西曰柳谷作居西也地理志云是降卬宅土蓋或
後人轉寫依古文尙書改之耳胡渭曰堯州少山而
卬頗多其見於經傳者曰楚卬帝卬旄卬鐵卬琅卬
清卬廩卬郭卬皆在濮水之濱桑土之野故經繫降
卬宅土於桑土旣蠶之下說文云卬土之高者廣雅
小陵曰卬究地最卑卬非山比當汜濫之時而其上
猶可以居人益信襄山襄陵謂孟門之洪水而非泛
言九州之災矣

厥土黑墳厥草惟繇厥木惟條

夏本紀其土黑墳草繇木條

厥州惟繇

地理志厥土黑墳州繇木條○師古曰州古草字也繇
悅茂也條脩暢也

案段玉裁云夏本紀草繇木條皆無其惟字而揚州
有之地理志則二州皆無厥惟疑今文尙書本皆無
厥惟字史記揚州有之者後人增之又云草說文作
艸地理志作州說文一篇曰州艸木初生也讀若徹
古文或以爲艸字按班書多以州爲艸說文艸部曰
繇艸盛皃从艸繇聲夏書曰厥州惟繇小徐本艸作
草大徐本繇

作蘇按陸德明王伯厚皆不引說文厥艸惟蘇爲異字

今攷楚金本作繇

說文有繇無繇
繇卽今繇字也

繇隨從也此引書

以証蘇字从艸繇會意繇古音讀如由馬注尙書云

繇抽也說文當云从艸繇亦聲或當日從略或後

人轉寫脫誤未可知也喬樅謂史記以詁訓代經文

故厥字作其又引草繇木條二句無其惟字地理志

亦無厥惟字蓋皆文省耳又尙書釋文云墳韋音勃

債反起也馬云有膏肥也馬韋訓各不同馬從古文

家說韋當是從今文家說也

厥田惟中下厥賦貞作十有三年迺同

夏本紀田中下賦貞作十有三年迺同○集解鄭元曰
貞正也治此州正作不休十三年乃有賦與八州同言
功難也其賦下下

地理志厥田中下賦貞作十有三年迺同○師古曰貞
正也州第九賦亦正當也

案九州之賦唯缺下下充賦至少固當第九集解引
鄭注云其賦中下中下當爲下下之誤胡渭曰韓康
伯注易貞勝曰貞正也一也貞訓正兼有一義厥賦
貞謂十二歲之中賦法始終如一也蓋禹制五畝之
稅視歲之豐凶以爲多寡而沈獨有異受患最深墾

闢不易萬立一至少之則歲以爲常雖遇豐年亦不多取而寬以待之至一紀之後第十三載然後賦法同於他州亦視其豐凶以爲多寡故不曰厥賦惟下下而曰厥賦貞也易文言曰貞固足以幹事是貞亦兼有固義內卦爲貞外卦爲悔本卦爲貞之卦爲悔皆其不動不變者厥賦貞當作此解

又案年梅賾本作載釋文曰馬鄭本載作年王鳴盛曰爾雅唐虞曰載夏曰歲商曰祀周曰年僞古文斤斤守之不失豈知古人臨文正不拘堯典百姓如喪考妣三載孟子作三年洪範云惟十有三祀劉歆引

伊訓云維太甲元年是皆通稱此載字當從馬鄭本作年段玉裁云按夏本紀地理志皆作十有二年則今文尙書同也

厥貢漆絲厥篚織文

夏本紀其貢漆絲其篚織文

厥棐織文

地理志厥貢漆絲厥棐織文○師古曰棐與篚同篚竹器篚屬也

食貨志禹平洪水定九州制土田各因所生遠近賦入貢棐

案段玉裁云依說文漆爲木汁漆爲水名周禮漆林之征故書漆林爲漆林杜子春云當爲漆林然則自古通用也篚依說文當作匪今俗匡匪字皆加竹地理志作槧下皆同喬樅謂據班志則今文尙書本作槧字卽匪同音之假借史記引書或存古文作匪字其作篚者後人轉寫從俗改之也尙書正義引鄭注云貢者百功之府受而藏之其實于篚者入于女功故以篚篚別之又詩甫田正義引鄭志云凡所貢匪之物皆以稅物市之隨時物價以當邦賦者鄭以冀州入穀不貢他州有貢皆卽穀稅市所貢匪之物以

當邦賦也

浮於濟漯通於河

夏本紀浮於濟漯通於河○集解鄭元曰地理志云漯水出東郡東武陽○索隱曰濟水出河東垣縣王屋山東其流至濟陰故應劭云濟水出平原漯陰縣東漯水出東郡東武陽北至千乘縣而入于海

浮于沛漯通于河

地理志浮于沛漯通于河○師古曰浮以舟渡也因水入水曰通

東郡東武陽云禹治漯水東北至千乘入海過郡二行

千二十里○應劭曰武水之陽也

案地理志平原郡高唐縣下云桑欽言漯水所出胡
渭曰水經亦云委粟津河北卽東武陽也漯水出焉
桑欽地理志曰漯水出高唐余按穆天子傳稱丁卯
天子自五鹿東征釣于漯水以祭淑人丁巳天子東
征食馮于漯水之上尋其沿厯逕趣不得近出高唐
桑氏所言蓋津流出次於所間也俗以是水上承於
河亦謂之源河矣源河乃漯之再出者桑欽唯知此
而不知起東武陽則疎矣河旣與漯合復分爲二漯
由漯陰故城河由平原故城東蓋自高唐以西至武

陽河在南而漯在北自高唐以東則漯在南而河在北矣濟漯之漯說文本作濕云水出東郡東武陽入海从水𩇑聲桑欽云出千乘高唐漢千乘郡有濕沃縣漯水之所經故名而地理志訛爲溼司馬彪魏收皆承其誤惟水經注作漯沃當從之禹時濟實通漯書疏云從漯入濟自濟入河所次水道與經文不合朱長孺禹貢長箋以爲當是從濟入漯從漯入河其濟與漯通之處按水經鄧里渠與將集合北逕茌平縣東臨邑縣故城西北流入于河河水又東北逕四瀆津注云河水東分濟亦曰濟水受河也自河入濟

自濟入淮自淮達江水徑周通故有四瀆之名蓋其
時濟漯之間爲河所隔故云河分濟亦云濟受河在
禹時則固漯分濟或濟受漯也漢臨邑在今茌平縣
東四瀆津在臨邑故城東北當爲古濟漯通波處也
又案王鳴盛曰禹貢山水見前志者或言古文則是
孔安國壁中真古文或言禹貢或言禹則是周漢相
承舊訓卽不言禹貢但稱某縣有某山某縣有某水
要亦目驗而知的確鄭所引地理志間有異者特因
據當代書郡縣時有更改耳實亦同也至續漢志則
多與鄭合尤爲可據故今日說禹貢鄭注外以兩漢

志爲正此條濕水鄭與兩志並合確不可易者也東武陽在今曹州府朝城縣應劭曰在武水之陽酈道元謂武水卽濕水其故城在今縣西至漢志言濕水所經除東武陽尙有四縣一平原郡高唐桑欽言濕水所出二濕陰應劭曰濕水出東武陽東北入海三千乘郡千乘四濕沃所謂過郡三者謂東郡平原千乘也鄭專舉東武陽者高唐之水當爲濕水別支此州在沛河之間州本言禹巡行所屆東南浮沛西北達河則濕是首受河者故不及別源餘三處皆濕經行之地非其本派故亦不數也水經注無濕水惟弟

五卷敘畢河事更說河之支流其文云河水又東北
逕委粟津河北卽東武陽縣也濕水出焉又云濕水
又東北逕援縣故城西又逕高唐縣故城東又東北
逕濕陰縣故城北又云東北逕千乘二城間又東北
爲馬常坑坑東西八十里南北三十里亂河枝流而
入于海此皆古濕水所經也河渠書云禹導河至大
伾于是禹以爲河所從來者高水湍悍數爲敗迺
二渠以引其河溝洫志同斯作醴孟康曰醴分也二
渠其一出貝邱西南南折者卽河之經流也其一則
濕川也河自王莽時遂空惟用濕耳酈道元亦云二

渠引河一則濕川今所流也一則北瀆王莽時空故
世俗名是瀆爲王莽河也然攷之王莽時河之北瀆
已空固已若武陽以下河濕仍自別行應劭謂河盛
則通津委海水耗則微涓絕流謂濕自高唐以東以
河之消長爲釣酒非謂河奪濕以入海也故道元又
云河于涕濕之北別流注海今所輟流者惟濕水耳
見水經第八卷然則濕入海處後魏時雖已輟流故道尙存
未嘗爲河所占況漢世乎孟康言未可泥要之孟康
言河徙惟用濕雖似小誤其以禹醴二渠一爲濕川
則與地理志及鄭注合此周漢古義不可易也自宋

時河決濬滑東之商胡朝城流絕舊迹不可復見惟
指唐宋以後所行之大清河爲故濕小清河爲故洧
今日求禹迹誠有難者自應以鄭注漢志爲正蓋河
之經流自是北瀆河南折而稱北瀆者對濕在南故稱北濕是河之支
流委粟以下自是禹所疏濬故漢經師說如此河形
多曲大伾降水之下折而南再折而北以至于大陸
無不可者故班鄭皆以濕受河于武陽在委粟以下
其委粟以上則是河非濕也以今輿地言之朝城莘
縣堂邑聊城清平博平禹城臨邑濟陽漳卽鄒平齊
東青城高苑諸州縣界中皆古濕水所經也

又案段玉裁曰史記兗州作通于河青州作通于濟
徐州作通于河楊州作通淮泗惟豫州作達于河達
者通之誤也漢書兗州作通于河楊州作通于淮泗
而青徐皆作達達亦通之誤也凡古文尙書皆作達
凡今文尙書皆作通顧命用克達殷漢石經作通殷
是可以得其例史記多以故訓之字易其本字而通
字則仍今文之舊非易字也漢書述禹貢不易字而
皆作通此可證今文尙書本如是論語天下之通喪
三年問曰天下之達喪古音達讀如撻與通雙聲

夏本紀海岱惟青州○集解鄭元曰東至海西至岱東
嶽曰岱山○正義曰按舜分青州爲營州遼西及遼東
地理志海岱惟青州

泰山郡博云有泰山厖岱山在西北

風俗通山澤篇泰山山之尊一曰岱岱始也

案續漢書郡國志泰山郡下與前志同三國志云公
孫度爲遼東太守越海收東萊諸縣置營州刺史攷
爾雅九州無青州而曰齊有營州詩齊風釋文云齊
地在禹貢青州班志云齊地皆屬青州知堯時青州
當越海而有遼東也舜爲十二州分青州越海東北

地遼東爲營州漢末遼東卽越海西南收東萊諸縣
置營州足見兩州實一州也太康地記云東方少陽
其色青其氣清歲之首事之始故以青爲名焉王鳴
盛曰以今興地約之山東登州萊州青州等府及濟
南泰安二府之北境東北跨海爲今奉天錦州等府
及朝鮮國皆青州域也

釋名釋州國曰青州在東取物生而青也

嶠夷旣略

夏本紀嶠夷旣略○集解馬融曰嶠夷地名用功少曰
略○索隱曰嶠夷今文尙書及帝命驗並作禺鐵在遼

西鐵古夷字也

地理志嶠夷既略○師古曰嶠夷卽陽谷所在

案胡渭云索隱引鐵當作𨔵𨔵字見說文金部云古文鐵从夷从夷則可讀爲夷矣不當作鐵其作鐵者後人傳寫之誤段玉裁曰司馬貞所云今文尙書蓋漢一字石經拓本在於秘府及民間者也堯典釋文亦云尙書攷靈耀及史記作禹𨔵凡緯書出於漢故攷靈耀帝命驗皆今文尙書也喬樅攷說文田部云略經略土地也許以略爲經略與馬融古文尙書注異當是據今文家說左氏傳曰天子經略諸侯正封

古之制也封略之內何非君土又曰封畛土略又曰
侵敗王略略皆訓界經略猶言經畛也孟子書云夫
仁政必自經畛始經畛既正井地既均穀祿既平分
田制祿可坐而定也田土如是封域亦然故特紀之
後漢書東夷傳東夷有九種曰畎夷干夷方夷黃夷白
夷赤夷元夷風夷陽夷昔堯命羲和宅嵎夷曰暘谷蓋
日之所出也○贊曰宅是嵎夷曰乃暘谷巢山潛海厥
區九族

案漢書地理志云元菟樂浪武帝時置皆朝鮮濊貊
句驪蠻夷應劭曰元菟故真番國樂浪故朝鮮國也

後漢書東夷傳云濊及沃沮句驪本皆朝鮮之地也
漢元封三年滅朝鮮分置四郡至昭帝始元五年罷
臨頌真番以并樂浪元菟元菟復徙居句驪自單大
屯以東沃沮濊貊悉屬樂浪胡渭曰此元菟樂浪二
郡之地東窮大海皆古嶠夷地也元菟北與夫餘挹
婁連壤故爲之封畛使北國不得南侵樂浪南與三
韓分海故爲之封畛使島夷不得北侵而中外之防
峻矣蓋碣石之功畢禹卽東行至遼東經略嶠夷然
後渡海而南治濊淄二水也

濊淄旣道

夏本紀濰淄既道○集解鄭元曰濰水出琅邪淄水出泰山萊蕪縣○正義曰括地志云密州莒縣山濰水所出淄水淄川縣東北七十里原山淄水所出俗傳云禹治水功畢土石黑數里之中波若漆故謂之淄水也
惟留其道

地理志惟留其道○師古曰惟留二水名皆復故道也
惟水出琅邪箕屋山留水出泰山萊蕪縣惟字今作維
留字或作淄古文通用也一曰道讀曰導導治也
琅邪郡箕云禹貢維水北至都昌入海過郡三行五百
二十里兖州寢也

泰山郡萊蕪云原山留水所出東至博昌入沛幽州寢
案尙書釋文濰音惟本亦作惟又作維溜側其反顧
炎武曰地理志朱虛下箕下作維靈門下橫下折泉
下又作淮王子侯表城陽頃王子東淮侯類封北海
北海郡別無淮水亦濰之異文通鑑梁武紀魏李仁
叔擊邢杲於惟水胡三省注惟當作濰其字消水作
維或省糸作淮又或从心作惟總是一字也喬樅攷
說文有留字無溜字留或省作留周禮夏官職方氏
云幽州其浸留時是以留爲溜也然說文水部云濰
水出琅邪箕屋山東入海徐州浸夏書曰濰溜其道

从水維聲許於灘字下既引夏書作溜則溜字不見
水部者當是傳寫脫佚也其既古字通用此三家尙
書之異文江聲曰京氏易中孚六四月迓望荀爽本
作既詩嵩高往迓王舅鄭箋云聲如彼記之子之記
而今詩作彼其之子然則迓既記其四字古書皆相
通用也

又案王鳴盛曰今刻漢志箕縣下與北海縣俱作昌
都此誤倒耳續漢志琅邪國無箕縣併改也酈道元
云灘水導源灘山許慎吕忱云出屋山淮南子云出
覆舟山廣異名也箕縣故城在今山東沂州府莒州

東山在州西北九十里尚書正義引班志淄水至博
昌入海海當作沛傳寫誤也續志與班志略同但云
淄水出亦傳寫誤也原山淮南作飴山齊乘作岳陽
山萊蕪故城在今青州府益都縣西南近分置博山
縣山在縣東南二十五里水經云濰水出琅邪箕縣
東北過東武城縣西又北過高密縣西又北過濰于
縣東又東北過都昌縣東又東北入于海留水出秦
山萊蕪縣原山東北過臨留縣東又東過利縣東又
東北入于海案漢志留水東至博昌入沛則水經言
入海者乃魏以後語與漢志且不合况禹貢哉禹貢

甌水當自利縣東至博昌入沛而止此所謂其道也
河渠書于齊通淄沛之間故淄得由博昌入沛入沛
之後乃復由馬車瀆以下至琅槐與沛同入海琅邪
今壽光縣也

厥土白墳海瀕廣潟

夏本紀其土白墳海濱廣潟厥田斥鹵○集解徐廣曰
潟一作澤又作斥○鄭元曰斥謂地鹹鹵○索隱曰鹵
音魯說文云鹵鹹地東方謂之斥西方謂之鹵

地理志厥土白墳海瀕廣潟○師古曰瀕水厓也潟鹵
鹹之地

案隸古定本尙書作海濱廣斥攷說文鹵部云鹵西
方鹵地从鹵省象鹽形安定有鹵縣東方謂之廣西
方謂之鹵青州東方故以斥言之廣韻云渴鹵土也
周禮草人鹵蕪疏云逆水之處水寫去其地爲鹵鹵
通作烏溝洫志民歌史起曰終古烏鹵兮生稻梁注
云烏鹵卽斥鹵呂氏春秋烏作斥蓋古字斥與渴通
也段玉裁曰史記河渠書云漑澤鹵之地索隱云澤
一作烏本或作斥按斥依說文當作𡗗隸省作斥俗
寫作斥殊不可通作斥者古文尙書也作渴者今文
尙書也夏本紀有厥田斥鹵誤贗史記述禹貢厥皆

作其不應此獨云厥蓋斥鹵係潟字之注厥田本下屬以厥田上下爲句厥乃其字之誤斥聲鳥聲古音同在第五魚模部蓋二字同音集解引鄭注曰斥謂地鹹鹵而讀者疑正文無斥字乃增之曰厥田斥鹵此其原委也索隱鹵音魯乃爲鄭注作音耳胡渭云鄭康成周禮注云東西曰廣南北曰輪廣者東西之地形也合登萊二府東西長八九百里三面濱海皆可以煮鹽海濱廣斥蓋謂此也昔太公以齊地負海鳥鹵少五穀迺通魚鹽之利而人物輻輳桓公管仲復修其業通魚鹽之利於東萊及靈公滅萊而有其

地爲利益溥東萊之地斗入大海中以三面計之鹹
土不下二千里是一州而兼數州之斥故特書之
厥田惟上下厥賦中上厥貢鹽絺海物惟錯

夏本紀田上下賦中上厥貢鹽絺海物惟錯○集解鄭
元曰海物海魚也魚種類尤雜

地理志田上下賦中上貢鹽絺海物惟錯○師古曰葛
之精者曰絺海中物產旣多故雜獻

案史記引田賦二句均無厥字惟字蓋文省耳又班
引貢上無厥字亦文省也後仿此

岱畎絲枲鉛松怪石

夏本紀岱畎絲枲鉛松怪石

地理志岱畎絲枲鉛松怪石

案尙書釋文云徐本作畎谷蓋畎上無岱字畎下有谷字也段玉裁云按く當是古文畎當是籀文畎則篆文也壁中本當作岱く

釋名釋山篇曰山下根之受雷處曰畎畎吮也吮得山之肥潤也

按此條專爲禹貢岱畎羽畎釋訓若今四川貴州於山足下受雷處層遞爲田豬水以種稻是其名畎宜矣

萊夷作牧厥篚禽絲

夏本紀萊夷爲牧其篚禽絲○索隱曰按左傳云萊人劫孔子孔子稱夷不亂華又云齊侯伐萊服虔以爲東萊黃縣是今按地理志黃縣有萊山恐卽此地之夷爾雅云廐山桑是蠶食廐之絲也

厥斐廐絲

地理志萊夷作牧厥斐廐絲○師古曰萊山之夷地宜畜牧廐廐桑也食廐之蠶絲可以弦琴瑟

案段玉裁云夏本紀廐作禽廐者古文尙書禽者今文尙書也二字古音同讀如音毛詩慝慝夜飲韓詩

卷三
作惜惜古音同也蓋今文尙書作會而太史公仍之
斷非太史公好爲改易矣其義則當爲六書之假借
班志不作會或班用正體或後人改易之汗簡西部
云會古文壓出尙書此乃依傳史記說文等爲贗書
非眞見壁中本如是也集韻曰壓通作會亦因史記
云然尙書釋文及正義中絕無壓讀爲會之說是無
惑於汗簡等之作僞可也

浮於汶通於濟

夏本紀浮於汶通於濟○集解鄭元曰地理志汶水出
泰山萊蕪縣原山西南入濟

浮于汶達于沛

地理志浮于汶達于沛

泰山郡萊蕪云禹貢汶水出西南入沛汶水桑欽所言也

琅邪郡朱虛云東泰山汶水所出東至安邱入維有三山五帝祠○師古曰前言汶水出萊蕪入濟今此又言出朱虛入維將桑欽所說有異或者有二汶水乎五帝祠在汶水之上

案王鳴盛曰班志泰山萊蕪縣下旣云原山畱水出云云其下卽云又禹貢汶水出西南入沛汶水桑欽

所言是汶與淄同出一山而異流也班氏於淄水不冠禹貢不指誰說蓋目驗而知汶水則冠以禹貢系以桑欽其分析慎重如此鄭與桑俱傳古文尙書故采其說比上文淄水一條獨詳也續志萊蕪縣下劉昭注引杜預曰汶水出杜劉與桑鄭合水經云汶水出泰山萊蕪縣原山西南過嬴縣南又東南過奉高縣北訕從縣西南流過博縣西北又西南過蛇邱縣南又西南過岡縣北又西南過東平章縣南又西南過無鹽縣南又西南至安民亭入沛之處卽禹貢浮汶達沛之道也喬樅謂班志萊蕪下汶水引桑欽言

此據古文尙書說也朱虛下東泰山汶水所出云云
此據今文尙書說也何以明之說文水部曰汶水出
琅邪朱虛東泰山入濰又曰桑欽說汶水出泰山萊
蕪西南入洸許以今文古文尙書二說不同故兩存
之前說據今文家言後說據古文家言故以桑欽說
別之班志之兼存兩說意亦猶是也淮南子云汶出
弗其西流入洸高誘注云弗其山名在朱虛縣東是
卽入濰之汶水後人以別於萊蕪之汶遂謂出朱虛
者爲東汶淮南高誘皆據今文尙書爲說也蓋汶水
有二出萊蕪入洸徐州之汶也出朱虛入濰者青州

之汶也原山延袤實跨青徐二州之境汶雖徐水其
導源處猶爲青城故青州之貢道言浮于汶達于涉
古文說以出萊蕪者當之若東汶之出朱虛入濰者
實爲青州之水故今文家解禹貢青州下浮於汶卽
以出朱虛者當之漢去禹迹久遠經師既有兩說故
班許並兩存之蓋其慎也

淮南地形訓曰汶出弗其西流合于濟○注云弗其山
名在北海朱虛縣東

海岱及淮惟徐州

夏本紀海岱及淮惟徐州

地理志海岱及淮惟徐州

李巡爾雅注云淮海間其氣寬舒稟性安徐故曰徐徐舒也

案公羊傳莊十年疏引鄭尙書注云徐州界又南至淮水蓋鄭君于海岱惟青州旣言東至海西至岱則此徐州之海岱卽蒙上青州之文故但言又南至淮水也王鳴盛曰以今輿地約之江南徐州府泗州海州及鳳陽淮安二府北境山東兗州沂州二府濟甯州泰安府南境曹州府東南境皆徐州域也

風俗通山澤篇曰淮出南陽平氏桐柏大復山東南入

海禹貢海岱及淮淮沂其乂詩云淮水湯湯廟在平氏縣

釋名釋州國曰徐州徐舒也土氣舒緩也

淮沂其乂

夏本紀淮沂其治○集解鄭元曰地理志沂水出泰山蓋縣○索隱曰水經云淮水出南陽平氏縣胎簪山北過桐柏山沂水出泰山蓋縣艾山南過下邳縣入泗地理志淮沂其乂

南陽郡平氏云禹貢桐柏大復山在東南淮水所出東南至淮陵入海過郡四行三千二百四十里

泰山郡蓋云沂水南至下邳入泗過郡五行六百里青州寢

案說文水部云沂水出東海費東西入泗从水斤聲
一曰沂水出泰山蓋青州浸許君兼存兩說後一說
與班志合是據今文尙書說然則前一說蓋據古文
家言也鄭君注尙書與班志同亦用今文家說續漢
志云泰山蓋沂水出與班志鄭注均合而皆不言山
惟周官職方氏青州其山鎮曰沂山其浸沂沭鄭彼
注云沂山沂水所出也在蓋王鳴盛曰此經注據伏
無忌等書但不言山其實則與彼注同也班志臨樂

山疑山本名沂山則以水名山其實是一山但班志於臨樂山下先言洙水出西北至蓋入泗水然後云又沂水南至下邳云云當亦如萊蕪原山淄汶同出一山之北水經則別出艾山又分列沂水出蓋縣艾山洙水出蓋縣臨樂山而酈氏于艾山下仍云鄭曰沂山且云亦或曰臨樂山酈以異名實一山水經疑非也今沂山在沂水縣北一百十里接臨朐縣界隋唐祀爲東鎮寰宇記云卽東泰山也今此山無沂源臨樂山卽艾山一名雕崖山在縣西北一百七十里蒙陰縣東北一百三十里今沂水出此山二山相去

五十里非一山元于欽疑沂山水源今竭而移于雕
崖山常熟黃儀則云古蓋以雕崖山爲沂山康成所
云正指此隋唐始移沂山之名于東泰山因山名移
易有異非康成與漢志異黃氏此言是也段玉裁云
父今文尙書作艾於漢石經鴻範殘字知之也夏本
紀引作治故訓字也

蒙羽其藝

夏本紀蒙羽其藝○集解鄭元曰蒙羽二山名○索隱
曰蒙山在泰山蒙陰縣西羽山在東海祝其縣南殤
之地

地理志蒙羽其藝

泰山郡蒙陰云禹貢蒙山在西南有祠顓臾國在蒙山
東海郡祝其云禹貢羽山在南縣所廼

案論語季氏將伐顓臾孔子曰昔者先王以爲東蒙
主邢昺疏云山在魯東故曰東蒙是東蒙卽禹貢之
蒙山也後魏以蒙陰地改置新泰縣故後魏地形志
新泰縣有蒙山劉芳徐州記云蒙山高四十里長六
十九里西北接新泰縣界而元和郡縣志乃云蒙山
在新泰縣東八十八里費縣西北八十里東蒙在費
縣西北七十五里分蒙與東蒙爲二山誤矣于欽齊

乘曰龜山在今費縣西北七十里蒙山在龜山東二
山連屬長八十里禹貢之蒙羽論語之東蒙正此蒙
山也後人惑於東蒙之說遂以龜山爲蒙山蒙山爲
東蒙非是羽山有二處胡渭云舜典之羽山在青城
禹貢之羽山在徐域此祝其地太近非荒服放流之
宅今登州有蓬萊縣有羽山寰宇記云在縣東十五
里卽殛鯀處有鯀城在縣南六十里以近殛鯀之地
而名也喬樅謂班志於祝其羽山云鯀所殛必今文
尙書家有此說故志據之爲言攷左傳昭七年載晉
侯夢黃熊入于寢門鄭子產對韓宣子曰昔堯殛鯀

卷三
于羽山其神化爲黃熊以入于羽淵實爲夏郊三代
祀之杜預注亦云羽山在東海祝其縣西南續漢志
東海郡祝其有羽山劉昭注引博物志曰縣東北獨
居山西南有淵水卽羽淵也俗謂此山爲懲父山是
漢以來舊說相傳有如此矣

水經山澤篇蒙山在泰山蒙陰縣西南羽山在東海祝
其縣南也

大野旣都

夏本紀大野旣都○集解鄭元曰大野在山陽鉅野北
名鉅野澤

大壑既豬

地理志大壑既豬

山陽郡鉅野云大壑澤在北兗州數

案爾雅十藪魯有大野左傳哀十四年西狩于大野
獲麟杜注云在高平鉅野縣東北大澤是也史記彭
越漁於鉅野澤中卽此地漢元光三年河決濮陽瓠
子注鉅野通淮泗後二十餘年始塞水經注云濟水
東北出巨澤引何承天曰鉅野湖澤廣大南通淮泗
北連清濟舊縣故城正在澤中是皆大野矣蓋自漢
以來河水衝決壅淤高下易形久已禹迹之舊不可

復識矣

又案說文里部云野古文作𡗗此𡗗字蓋三家今文
尙書之存有古文者都豬聲同亦三家尙書之異文
也禮記檀弓洿其宮而豬焉鄭注云豬都也南方謂
都爲豬段玉裁曰都音同豬一字皆者聲也堯典作
都禹貢作豬實是一字古文尙書作豬而鄭注周禮
引禹貢熒播旣都又曰望諸明都此鄭以正字易其
假借也若夏本紀凡豬皆作都蓋今文尙書然也

水經山澤篇大野澤在山陽鉅野縣東北

東原底平

夏本紀東原底平○集解鄭元曰東原地名今東平郡
卽東原○索隱曰張華博物志兖州東平郡卽尙書之
東原也

地理志東原底平

案地理志東平國云景帝十六年別爲濟東國武帝
元鼎元年爲大河郡宣帝甘露二年爲東平國屬兖
州攷東原在州西北而謂之東者以其在沛東故也
其地卽今之東平州及泰安之西南境是也江聲曰
知東平卽東原者地理志東平在沛東爾雅云沛東
曰徐州則東平固在徐州矣爾雅曰廣平曰原楚大

卷三
夫屈平字原則原以平爲誼也喬樞謂東原地蓋在
岱之西南沛之東汶之北左傳僖元年公賜季友汶
陽之田杜注云汶水北地水經汶水篇云自汶之北
平暢極目蓋東原乃汶濟之下流禹陂太野使水有
所豬又浚東原之畎澮注之汶濟然後其地底平始
可以耕作也

厥土赤埴墳草木漸包

夏本紀其土赤埴墳草木漸包○集解徐廣曰埴黏土
也

地理志厥土赤埴墳草木漸包○師古曰漸包言相漸

及包裹而生

釋名釋地曰土黃而細密曰埴埴臙也黏昵如脂之臙也

案尙書釋文埴市力反鄭作戠徐鄭王皆讀曰熾韋昭音試漸如字本又作𦵏字林才冉反草之相包裹也包必茅反或作苞非叢生也今據劉熙解埴字與鄭王古文尙書訓異劉蓋從今文家說也埴或作戠者直聲戠聲古音皆在之哈職德弟一部釋文所引韋音當是據漢書音義漢書時存古字或三家尙書異文有作戠者故漢書亦作戠字而韋昭音試也集

韻七志戠式吏反本此晉成公綏天地賦云海岱赤
墉華梁青黎此用鄭本古文尙書加土于戠旁也玉
篇土部埴黏土也戠赤土也此分採今文古文之訓
廣韻亦同集韻類篇則合埴塹戠爲一字疑戠旣通
埴當亦有黏義易豫九四朋盍簪簪虞翻作戠訓爲
叢合其義與黏近又攷工記凡昵之類不能方故書
昵作櫟鄭君謂櫟讀如脂膏敗埴之埴埴亦黏也埴
與埴通櫟與戠通是戠得與埴訓誼同也漸包薪苞
亦古今文之異說文艸部薪艸相薪苞也从艸斬聲
書曰艸木斬苞段玉裁曰漸當依別本作薪字林卽

本說文也至於苞字說文引禹貢正從艸爾雅釋故
曰苞森茂豐也釋言曰苞稂也釋木曰如竹箭曰苞
馬以相包裹訓經之苞古六書假借之法如是說文
解字繫傳苞字下曰尙書草木漸苞詩如竹苞矣皆
當作包不從艸徐說甚誤亦正可以證南唐時尙書
作從艸之苞合於說文解字史記漢書作包皆非善
本其蘄字紀志皆作漸疑今文尙書作漸僞孔傳以
漸長釋漸字依今文爲說也

厥田惟上中厥賦中中厥貢惟土五色

夏本紀其田上中賦中中貢維土五色○集解鄭元曰

土五色者所以爲大社之封○正義曰韓詩外傳云天子社廣五丈東方青南方赤西方白北方黑上冒以黃土將封諸侯各取方土苴以白茅以爲社也太康地記云城陽姑幕有五色土封諸侯錫之茅土用爲社此土卽禹貢徐州土也今屬密州莒縣

地理志田中上賦中中貢土五色

蔡邕獨斷曰天子大社以五色土爲壇皇子封爲王者授之大社之土以所封之方色苴以白茅使之立社謂之茅社

釋名釋地曰徐州貢土五色青黃赤白黑也

案逸周書作雒解曰諸侯受命於周乃建大社於國中其壇東青土南赤土西白土北黑土中央疊以黃土將建諸侯鑿取其方一面之土包以黃土苴以白茅以爲土封此貢土五色當亦以爲是用也漢書武帝賜齊王閔策曰受茲青社燕王旦曰元社廣陵王胥曰赤社是古之遺制至漢猶存故郊祀志曰元始五年令徐州牧歲貢五色土各一斗也

羽畎夏翟陽孤桐

夏本紀羽畎夏翟陽孤桐○集解鄭元曰地理志嶧山在下邳今下邳西葛嶧山也

羽畎夏狄

地理志羽畎夏狄嶧陽孤桐○師古曰羽畎羽山之谷也夏狄狄雉之羽可爲旌旄者也羽山之谷出焉嶧陽嶧山之陽也山南曰陽孤桐特生之桐也嶧山之南生焉

案周官夏采鄭注云夏翟羽也禹貢徐州貢此夏翟之羽有虞氏以爲綏後世或無故染鳥羽象而用之翟漢書作狄古字通用此亦三家今文之異字也

又東海郡下邳云葛嶧山在西古文以爲嶧陽

案說文山部嶧字云葛嶧山在東海下邳从山睪聲

夏書曰嶧陽孤桐續漢志云下邳國本屬東海葛嶧山本嶧陽山劉昭注云山出名桐伏滔北征記曰今樂根往往而存諸說竝與班志及許鄭合是古文今文尙書說同也水經注云泗水厯下邳縣逕葛嶧山東秦刻嶧山以頌德曰刻此樂石蓋嶧山近泗水樂石卽磬石下文所云泗濱浮磬指此磬石也

水經山澤篇嶧陽山在下邳縣之西

風俗通義曰梧桐出嶧陽山採東南孫枝以爲琴聲甚清雅

泗濱浮磬

夏本紀泗濱浮磬○集解鄭元曰泗水出濟陰乘氏也
○正義曰括地志云泗水至彭城呂梁出石磬

泗濱浮磬

地理志泗濱浮磬○師古曰泗水之涯浮出好石可爲
磬也泗水出濟陰乘氏縣

又魯國卽縣云泗水西南至方與入洙過郡三行五百
里青州川○師古曰卽春秋僖十七年夫人姜氏會齊
侯于卽者也

又洙陰郡乘氏云泗水東南至睢陰入淮過郡六行一
千一百一十里○應劭曰春秋敗宋師于乘卽是也

案王鳴盛曰班志有兩泗水攷水經泗水出魯下縣北山酈注則云出下縣故城東南然則前志下縣一條正敘泗水之源而鄭偏不引又下縣泗水至方與入沛其實是入濇所謂濇沛也水經無濇水一目濇是沛水所苞注以成澤在定陶縣東北其支流說文目爲濇澤水至魚臺縣北方與故城東又入沛若前志乘氏之水則本是沛水水經謂沛水至乘氏縣西分爲二其經流自是東北流合汶而獨入海者其支流則東南流至方與會濇澤水遂爲濇水自是至魚臺縣南湖陵故城南而入泗自是而過呂梁以至淮

陰而入淮則皆泗水之正流矣若然自汴縣至方與
泗也非濇沛也自乘氏至方與濇也卽目爲濇已太
早况可目爲泗乎而漢志目以泗者方與至湖陵濇
沛泗三水合流不過幾十里湖陵以南自是泗之正
流而濇沛反假泗以入淮矣何不可因下流而并目
爲泗况濇之列四瀆而獨入海者與此無涉此是濇
支流故以泗目之而於汴縣仍存泗本源乃若康成
之引乘氏不引汴縣者水經注云泗水自彭城又東
過呂縣南水上有石梁故曰呂梁晉太康記曰水出
磬石書所謂泗濱浮磬者也呂梁當湖陵之下流乃

泗水正流潞沛皆因泗入淮浮磬實產其地若引下縣則泛而不切故引乘氏此康成經學之精也

淮夷蠙珠泉魚 淮夷玼珠泉魚

夏本紀淮夷蠙珠泉魚○集解鄭元曰淮夷淮水之上民也○索隱曰蠙一作玼泉古暨字泉與也言夷人所居淮水之處有此蠙珠與魚也又作濱濱畔也

地理志淮夷蠙珠泉魚○師古曰蠙或作玼

案尙書釋文云淮夷鄭云淮水之夷民也馬云淮夷二水名蠙音蒲邊反字又作玼韋昭薄迷反蚌也今攷經所云淮夷皆謂淮上之夷馬獨以淮夷爲二水

者蓋古文家說與今文異鄭從今文說王肅則從馬
古文說故亦以淮夷爲水名與鄭異解也又攷說文
玉部玼珠也从玉比聲宋宏云淮水中生玼珠玼玼
之有聲者又出蠙字云夏書玼从虫賓是蠙與玼實
一字也段玉裁曰大戴禮保傅篇玼珠以納其間盧
氏注云玼亦作蠙蓋今文尙書作玼古文尙書作蠙
朱仲子說淮水中出玼珠玼蚌之有聲者此今文尙
書淮夷玼珠訓故也釋文引韋氏之音及義系諸玼
字下其義用仲子說此韋本漢志作玼之明證漢志
用今文尙書之明證也用此知史記漢志之一作玼

者皆是原本其作蠙者乃後人用古文尙書改之古文尙書作蠙是原本其一作玼者乃或用今文尙書改之蠙入真先韻玼入齊韻各以其諧聲爲之其得爲古今字雙聲語轉也索隱云蠙又作濱濱畔也此恐是蠙之譌字毛詩泮水正義引禹貢徐州淮夷蠙珠泊魚此可證唐初本蠙有作泊者以泉臯陶例之壁中本蠙皆作泉後有改易耳夏本紀地理志皆作泉魚則今文尙書與古文尙書同也段說甚確胡渭曰嘗攷水中之獸有名魚者詩小雅采薇曰象弭魚服采芑曰簟第魚服毛傳云魚服魚皮也正義云以

魚皮爲矢服左傳歸夫人魚軒服虔曰魚獸名陸璣
疏曰魚獸似猪東海有之其皮背上班文腹下純青
今以爲弓韃步以其皮雖乾燥爲弓韃矢服經年海
水潮及天將雨其毛皆起海潮還及天晴則毛復如
故雖在數千里外可以知海水之潮自相感也周書
王會解言禹四海異物有海南魚革注云今以飾小
車纏兵室之口魚之名見於毛詩左傳其皮可以飾
器物故貢之喬縱謂服虔陸璣皆以魚爲水中之獸
胡氏據以解禹貢亦足以備一說

夏本紀其篚元織縞○集解鄭元曰織細也祭祀之材
尙細

厥棐元織縞

地理志厥棐元織縞○師古曰元黑也織細縞也縞鮮
支也卽今所謂素也言獻黑細縞及鮮支也

浮于淮泗通于滄

夏本紀浮于淮泗通于河○正義曰括地志云泗水源
在兖州泗水縣東陪尾山其源有四道因以爲名
地理志浮于淮泗通于河

又山陽郡湖陵云禹貢浮于淮泗通于河水在南○應

劭曰尚書一名湖章帝封東平王蒼子爲湖陵侯更名湖陵

案淮泗山陽郡下作泗淮誤倒之非是達紀志皆作通今本漢書作達誤也山陽郡下作通仍不誤河字皆潁之譌說文水部潁字下云潁澤水在山陽湖陵禹貢浮于淮泗達于潁从水苛聲許說文卽本之班志此志敘首述禹貢旣譌作河于此亦譌史記夏本紀譌字同皆當依說文作潁字爲正王鳴盛曰漢湖陵在今魚臺縣之東南安得有黃河乎水在南謂潁水在縣南潁本澤名沛水所緒在今曹州府定陶縣

東北爲豫之東北徐之西北境導沅水之東至于清
是主澤言卽豫州之潁澤也此達于潁則是自乘氏
以至湖陵乃潁澤之枝流說文名曰潁澤水者也水
經卷二十五云泗水南過方與縣東潁水從西來注
之又屈東南過湖陸縣南又東南入淮又卷八沛水
篇云沛水東過方與縣北爲潁水潁水又東過湖陸
縣南東入于泗水酈注云潁水卽沛水之所苞注以
成湖澤也而東與泗水合于湖陵縣西六十里穀庭
城下湖陵卽湖陸也水經歷敘泗水潁水原委其泗
水從淮陰入淮卽禹貢浮淮達泗之道潁水從湖陵

入泗卽禹貢浮泗達潁之道也

又案段玉裁曰水經注泗水篇湖陸地理志故湖陵縣也潁水在南王莽改曰湖陸應劭曰尙書一名湖陵章帝封東平王蒼子爲湖陸侯更名湖陸也酈注引應劭語湖下衍陵字仲達謂尙書潁水一名湖潁湖語之轉漢人潁讀如荷故書經古本水經注舊本亦或作荷漢之湖陵縣以潁水得名潁者古經湖者方言也韋昭注漢書曰潁胡阿反韋讀如荷雙聲則爲湖也郡國志山陽郡湖陸故湖陵章帝更名劉昭注云前漢志王莽改曰湖陸章帝復其號按此謂王

莽改陵爲陸至光武時則仍稱湖陵而章帝因封侯國仍避陵呼陸今本地地理志應劭語二陸字皆譌爲陵今本說文潯字下山陽湖陵據太平御覽所引正作湖陸許時不得名湖陵猶前書不得名湖陸御覽本是也劉注又引博物記曰苟水出苟正潯字之誤蓋潯誤爲苟復誤爲苟此亦如尙書執柯之爲執拘苟之字止句其繆相埒又按班志之例凡已見於禹貢經文則曰禹貢某山在某禹貢某水在某此正例也此條乃變例別潯水潯澤之不同故於沛陰郡下曰禹貢潯澤在定陶東於山陽郡湖陵下曰禹貢浮

于淮泗通于潁潁水在南必複舉禹貢文者謂此經
文之通于潁乃潁水而非潁澤也若但云禹貢潁水
在南則恐混於潁澤矣孟堅分別潁水潁澤而叔重
潁字下云潁澤水表其上游爲澤下游則爲水而在
湖陸孟堅分中有合叔重合中有分也作水經者志
禹貢山水澤地所在凡六十潁澤在定陶縣東潁水
在山陽湖陸縣南全依漢志以說經後人鮮有分析
如此者王氏尙書後案謂禹貢三言潁惟徐州達于
潁在湖陵其餘豫州及導水皆王澤言在定陶與湖
陵無涉其言至爲明哲矣

淮海維楊州

夏本紀淮海維楊州

地理志淮海維楊州

爾雅釋地江南曰楊州李巡注曰江南其氣燥勁厥性輕揚故曰楊州

案公羊傳莊十年疏引鄭注云楊州畋自淮而南至海以東攷禹貢篇末云東漸于海則青徐楊之海皆主東言之故鄭云至海以東也楊字今人多从才作揚江聲曰曾全碑云沈豫荆楊郭忠恕佩觿云楊柳也亦州名據此楊當从木段玉裁曰廣雅云楊揚也

攷毛詩王風揚之水釋文云或作楊然則毛傳楊激
揚也正廣雅之所本古人字多假借所重惟音則州
名當依古從木也王鳴盛曰以今輿地約之江南江
淮蘇松安徽三布政司所轄及江西浙江西則河南
之汝甯湖北之黃州等府皆揚州域也

釋名釋州國曰揚州州界多水水波揚也

又釋水曰淮圍也圍繞揚州北界東至海也

彭蠡既都陽鳥追居

夏本紀彭蠡既都陽鳥所居○集解鄭元曰地理志彭
蠡澤在豫章彭澤西○索隱曰都古文尙書作豬鄭元

曰南方謂都爲豬則是水聚會之義○正義曰蠡音禮
括地志云彭蠡湖在江州潯陽縣東南五十二里

彭蠡既豬

地理志彭蠡既豬陽鳥道居

又豫章郡彭澤云禹貢彭蠡澤在西

彭蠡既豬陽鳥攸居

論衡書虛篇彭蠡既豬陽鳥攸居

水經山澤篇彭蠡澤在豫章彭澤縣西北

案尙書釋文蠡音禮張勃吳錄云今名洞庭湖按今
在九江郡界攷彭蠡地理志明係之豫章郡張勃吳

錄豈得名以洞庭疑洞庭二字是宮亭之誤劉昭續
漢志注引釋慧遠廬山記曰山在尋陽南南濱宮亭
湖北對小江山又曰其南嶺臨宮亭湖下有神廟水
經注云廬山南嶺下有神廟號曰宮亭故彭蠡湖亦
有宮亭湖之稱也都瀦古字通用古文作豬是假借
字疑漢志亦當作瀦與論衡所引文同追讀若攸見
說文乃部爾疋釋言攸所也故史記云陽鳥所居以
故訓字代經文也詩匏有苦葉正義引鄭注云陽鳥
鴻雁之屬隨陽氣南北攷呂氏春秋孟春紀候雁北
高誘注云候時之雁從彭蠡來北過至北極之沙漠

仲秋紀候雁來注云從北漠中來過周洛之彭蠡季
秋紀注亦云候時之雁從北方來南之彭蠡八月來
者其父母是月來者其子羽翼稚弱故在後也季冬
紀雁北鄉注云雁在彭蠡之澤是月皆北鄉將來至
北漠也是則彭蠡爲鴻雁之所常居處故云陽鳥攸
居也

又案王鳴盛曰漢彭澤縣今江西九江府之湖口彭
澤南康府之都昌三縣地澤周四百五十里浸南昌
饒州南康九江四府境亦曰鄱陽湖以中有鄱陽山
名是湖受江南徽州及江西各府之水其下流北過

星子都昌德化至湖口入江彭蠡所瀦有九水劉歆
云湖漢等九水入彭蠡是也前志豫章郡贛縣豫章
水出西南入大江雩都縣湖漢水東至彭澤入江又
鄱陽縣有鄱水餘汗縣有餘水艾縣有脩水南城縣
有盱水建成縣有蜀水宜春縣有南水南壠縣有彭
水又長沙國安成縣有廬水皆入湖漢水湖漢豫章
源異流同諸書每互稱彭水卽豫章上源亦非有二
水是湖漢豫章與鄱餘脩盱蜀南廬爲九水也水經
則總稱贛水卷三十九云贛水出豫章南壠縣西北
過贛縣東又西北過廬陵縣西又東北過新淦縣西

又北過南昌縣西又北過彭澤縣西北入于江酈注
云贛水摠納十川同湊一瀆俱注彭蠡按劉歆云九
水酈云十川者除去經流豫章水不計外又加淦水
僚水也

三江旣入震澤底定

夏本紀三江旣入震澤致定○索隱曰韋昭云三江謂
松江錢塘江陽江今按地理志有南江中江北江是爲
三江其南江從會稽吳縣南東入海中江從丹陽蕪湖
東北至會稽陽羨縣東入海北江從會稽毗陵縣北東
入海故下文東爲中江又東爲北江孔安國云有北有

中南可知也震一作振地理志云會稽吳縣故周太伯所封國具區在其西古文以爲震澤又左傳稱笠澤亦謂國此也

地理志三江旣入震澤底定○師古曰三江謂北江中江南江也震澤在吳西卽具區也底致也言三江旣入則震澤致定

又會稽郡吳縣云具區澤在西楊州藪古文以爲震澤南江在南東入海楊州川

又毗陵云北江在北東入海楊州川

又丹陽郡蕪湖云中江出西南東至陽羨入海楊州川

案徐堅初學記地部引鄭注云左合漢爲北江會彭蠡爲南江岷江居其中則爲中江故書稱東爲中江者明岷江至彭蠡與南北合始得稱中也又尙書正義引鄭注云三江分于彭蠡爲三孔東入海江聲云下經道漾東流爲漢至于大別南入于江東匯澤爲彭蠡東爲北江故云左合漢爲北江從西向東故以北爲左也彭蠡繇漢入江而匯爲澤其澤則匯于江之南故云會彭蠡爲南江下道江云東迤北會于匯鄭注以東迤爲南江也漢在北彭蠡在南則江在中矣故云岷江在其中則爲中江下道江云東爲中江

入于海是也據下經北江中江皆言入于海而南江
未見於經漢書地理志云南江在會稽吳南東入海
是亦一證也則三江皆入海也喬樅謂禹貢揚州言
三江旣入故地理志每於北江中江南江下特言揚
州川江之分爲三孔而皆入于海猶河之分爲九派
而同入于海也九河之實一河猶三江之實一江也
以經證經最爲明晰鄭注與班志解亦相同知鄭君
所述是尙書今文家說也其餘各家紛紛異說俱無
取焉又周官職方氏揚州其澤數曰具區鄭君注云
具區在吳南江聲以爲鄭不云會稽者蓋東漢分置

吳郡吳屬吳郡也鄭言吳南班云吳西者蓋具區廣
袤八百里在吳西而又經其南也今攷後漢書郡國
志丹陽蕪湖云中江在西又吳郡云吳本國震澤在
西後名具區澤又毗陵云季札所居北江在北皆與
前志合鄭云會彭蠡者爲南江卽指豫章水而言南
史王僧辨傳云陳霸先自嶺南起兵討侯景出南江
行至湓水胡三省云贛水謂之南江是豫章水自昔
有南江之稱矣蘇軾書傳云豫章江入彭蠡而東至
海爲南江岷山江之經流會彭蠡以入海爲中江漢
自北入江會彭蠡爲北江三江入海則吳越始有可

宅之王而水所鍾者獨震澤而已其說是也振震古
書通用廣雅釋地作振澤當是三家尙書之異文底
史記作致致者底之故訓字也

釋名釋水曰江公也小水流入其中公共也

水經山澤篇震澤在吳縣南五十里

篠簜旣敷厥草維天厥木維喬

夏本紀竹箭旣布其草維天其木維喬

地理志篠簜旣敷出天木喬○師古曰篠小竹也簜大
竹也敷謂布地而生也

案爾雅釋草篠竹箭郭璞注云別二名也又簜竹李

巡注云竹節相去一丈曰簞孫炎注云竹闊節者曰
簞史記以故訓字代經文故作竹箭既布也尙書釋
文簞或作簞卽簞之消文篠說文作筱竹部云筱箭
屬小竹也簞大竹也夏書曰璫琨筱簞又寸部云專
布也儀禮大射儀疏及戴凱之竹譜注引鄭云簞箭
簞大竹也是古文今文說同天尙書釋文引馬云天
長也

厥土維塗泥厥田維下下厥賦下上上錯

夏本紀其土塗泥田下下賦下上上雜○集解馬融曰
漸澤也

地理志厥土塗泥田下下賦下上錯○師古曰塗泥濊
洳濕也田第九賦第七又雜出諸品

案漢書東方朔傳朔對郭舍人隱語云涂者漸洳徑
也江聲云涂下或加土非洳卽澤之消文易睽上九
見豕負涂虞翻注云坎爲豕爲雨坤爲土土得雨爲
泥涂則泥涂爲濕土故云漸澤也

厥貢維金三品瑤琨篠簜齒革羽旄

夏本紀貢金三品瑤琨竹箭齒革羽毛○集解鄭元曰
銅三色也○正義曰周禮考工記云犀甲七屬兕甲六
屬郭云犀似水牛猪頭大腹庠脚脣角好食棘也亦有

一角者按西南夷常貢旄牛尾以爲旌旗之飾書詩通
謂之旄故尙書云右秉白旄詩云建旄設旄皆此牛也
瑤瓊篠簜

地理志貢金三品瑤瓊篠簜齒革羽毛○師古曰三品
金銀銅瑤瓊皆美玉名也齒象齒也革犀革也羽旄謂
衆鳥之羽可爲旄者也瓊音昆

案師古以三品爲金銀銅者用王肅注說也王注見
詩魯頌泮水疏鄭以金三品爲銅三色當是今文家
說攷史記貨殖傳云吳東有章山之銅漢書吳王濞
傳云吳有豫章郡銅山韋昭注云此有豫字誤也但

當言章郡卽今故章也漢書地理志云丹陽郡故鄣
郡武帝元封二年更名丹陽屬揚州有銅官其屬縣
有故鄣桓寬鹽鐵論曰丹章有金銅之山孟康注食
貨志云赤金丹陽銅也江聲曰章山之銅蓋卽章郡
銅山所產然則楊州有銅山矣檢禹貢之文厥貢鏐
鐵銀鏤鉛錫惟獨無銅故知金卽銅也金三色者蓋
青白赤也其中不得有金銀王肅以爲金銀銅非也
琨尙書釋文云馬本作瑱韋昭音貫案說文琨字重
文作瑱則琨瑱實一字也段玉裁云凡釋文引韋昭
者皆本漢書音義此蓋今文尙書作瑱古文尙書作

琨故說文竝列之如玼璣之例馬本則同今文者也
喬樅攷說文玉部云瑤玉之美者琨石之美者虞書
曰揚州貢瑤琨王鳴盛據詩衛風木瓜釋文云瑤美
玉也說文云美石謂今本作玉之美者乃傳寫之誤
王逸注九歌云瑤石之次玉者亦以瑤爲美石也羽
毛史漢皆當作旄據史記正義云西南夷常貢旄牛
尾詩書通謂之旄知正文本作旄字再證以下文荆
州羽旄齒革尙作旄字益可見矣漢書亦揚州作毛
荊州作旄然揚州注內仍作羽旄此足證正文之本
作旄也又篠簜下隸古定本尙書有惟木二字今攷

史記漢書皆全載此文皆無惟木字可知今文尙書
本無此二字或古文尙書有之或僞孔氏妄增之不
足爲據故江聲集注音疏以爲衍文也

島夷卉服厥篚織貝厥包橘柚錫貢

夏本紀島夷卉服其篚織貝其包橘柚錫貢○集解鄭
元曰貝錦名也詩云成是貝錦凡織者先染其絲織之
卽成文矣錫貢有錫則貢之或時乏則不貢錫所以柔
金也

島夷卉服厥篚織貝

地理志島夷卉服厥篚織貝厥包橘柚錫貢○師古曰

烏夷東南之夷善捕鳥者也卉服絺葛之屬柚似橘而大其味尤酸橘柚皆不耐寒故包裹而致之也錫貢者須錫命而獻之言不常來也

案錫貢尙書正義引王肅曰橘與柚錫其命而後貢之不常入當繼荊州之無也下荊州包匭菁茅正義引王肅云楊州厥包橘柚從省而可知也王鳴盛曰包匭連文自屬一事截包作句以爲橘柚割裂穿鑿之甚且揚州明言橘柚荊州則並無橘柚字反謂荊州常貢而揚州特繼其乏亦殊違反江聲曰說文木部引厥包橘柚之文不聯引錫貢則錫貢自是別爲

一句且金銀銅鐵鉛皆入貢錫亦器用所需不應獨缺而他州無文惟見於此又周禮職方氏揚州其利金錫則揚州實產錫不應不貢足證鄭誼精確王肅說非也

釋名釋水曰海中可居者曰島島到也人所奔到也亦言鳥也物所赴如鳥之下也

案鳥夷史記作島夷江聲以爲此是裴駰据偽孔書改之其實史記亦作鳥也喬樞謂据釋名訓誼是島字本取義於鳥之赴下疑三家今文尙書揚州之鳥夷卉服本亦有作島字者史記用歐陽今文故作島

字與漢書用夏侯今文者異劉熙釋名語當是本於
歐陽家章句必以史記島字爲裴駰据僞孔書所改
殆未必然也

均于江海通于淮泗

夏本紀均江海通淮泗○集解鄭元曰均讀曰沿沿順
水行也

地理志均江海通于淮泗○師古曰均平也通淮泗而
入江海故云平

案尙書釋文云沿悅專反鄭本作松松當爲沿馬本
作均云均平段玉裁曰按今文尙書作均夏本紀地

理志皆云均江海可證馬本依今文尙書也鄭本作松松者沿之字誤故云當爲沿此蓋壁中文轉寫以木水混淆公台不分而鄭正之若裴駟集解引鄭曰均讀曰沿或疑裴所據何以與陸所據異答曰裴依史記正文作均耳裴此條當云均鄭本作松松讀曰沿乃合也禮記正義終始相巡鄭注巡讀如沿漢之沿三年間反巡過其故鄉孫卿禮論篇巡作鉛楊倞注鉛與沿同循也按均之與沿猶巡之與鉛也巡徐仙民養純反均古音同勻勻均巡循沿鉛六字一聲之轉今文尙書假均爲沿孫卿子假鉛爲巡也馬季

長釋均爲平殊未安喬樅謂今文尙書均字當是徇之譌徇循音同徇者循之假借字說文循行順也與沿字訓順水行也義亦相近

荆及衡陽維荊州

夏本紀荆及衡陽維荊州

地理志荆及衡陽維荊州

又南郡臨沮云禹貢南條荆山在東北漳水所出東至江陵入陽水陽水入沔行六百里○應劭曰沮水出漢中房陵東入江○師古曰沮水卽左傳所云江漢沮漳楚之望也

又長沙國湘南云禹貢衡山在東南荊州山

爾雅釋地漢南曰荊州李巡注曰漢南其氣慘剛稟性
強梁故曰荊荆強也

揚雄荊州牧箴曰江漢朝宗其流湯湯風慄以悍氣銳
以剛有道後服無道先彊

案公羊傳莊十年疏引鄭云荊州畛自荆山南至衡
山之南今湖北襄陽府南漳縣有荆山卽漢臨沮地
湖北衡州府衡山縣有衡山卽漢湘南地釋名釋州
名云荊州者取荆山之名也李巡解州名則與揚雄
荊州牧箴合蓋皆本今文尙書說也王鳴盛曰以今

輿地約之湖北武昌漢陽安陸黃州德安荊州宜昌
施南等府及襄陽之南境湖南全省及四川敘州重
慶夔州等府之江南地廣西桂林貴州遵義等府皆
荊州域也

釋名釋州國曰荊州取名於荆山也必取荆爲名者荆
警也南蠻數爲寇逆其民有道後服無道先彊常警備
之也

江漢朝宗于海

夏本紀江漢朝宗于海○正義曰括地志云江水源出
岷州岷山南流至益州卽東南流入蜀至瀘州東流經

三峽過荊州與漢水合又云漢水源出梁州金牛縣東
二十八里蟠冢山

地理志江漢朝宗于海○師古曰江漢二水歸入于海
有似諸侯朝于天子故曰朝宗宗尊也

案尙書正義引鄭注云江水漢水其流過疾又合爲
一其赴海也猶諸侯之同心尊天子而朝事之荆楚
之域國有道則後服國無道則先彊故記其水之義
以著人臣之禮鄭君此注亦用今文家說故與揚雄
語合

風俗通山澤篇曰江出蜀郡渝流互徼外嶓山入海詩

云江漢陶陶禹貢江漢朝宗于海廟在廣陵江都縣
論衡書虛篇曰夫地之有百川也猶人之有血脈也血
脈流行汎揚動自有節度百川亦然其朝夕往來猶人
之呼吸氣出入也經曰江漢朝宗于海其發海中之時
漾馳而已入三江之中殆小淺狹水激沸起故騰而爲
濤

虞翻注易習坎有孚曰水行往來朝宗于海不失其時
如月行天

案此皆用今文家說也段玉裁云說文水部曰淖水
朝宗于海从水朝省聲衍水朝宗于海見也从水行

按淖者今之潮字以淖釋朝宗于海此今文尙書說也
也淖水之時江漢不順軌不與海通海淖不上至禹
治之江漢始與海通於揚州曰三江既入三江北江
中江南江也北江者漢也既入者入于海也於荊州
曰江漢朝宗于海言海淖上達直至荊州也今海潮上至安
慶而止海淖上迎江漢之水下赴如君臣一德一心呼
吸相通與前此壅閼者異矣二州之交相爲表裏也
又案胡渭曰郭璞江賦云巴東之峽夏后疏鑿絕岸
萬丈壁立赧駭水經江水東逕廣谿峽注云三峽之
首自昔禹鑿以通江郭景純所謂巴東之峽夏后疏

鑿者又江水東逕西陵峽歷禹斷江注云南峽北有北谷村而山間有水清深潭而不流者舊傳言昔是大江及禹治水此江小不足瀉水禹更開今峽口水勢并衝此江遂絕謂之斷江今夷陵州西南有斷江山是其遺迹蓋江之有三峽猶河之有龍門也禹治冀之河自龍門始則治荆之江亦必自三峽始矣

九江孔殷

夏本紀九江其中○集解鄭元曰地理志九江在潯陽南皆東合爲大江○索隱曰按潯陽記九江者烏江蚌江烏白江嘉靡江沙江吠江廩江隄江箇江又張鎮九

江圖所載有三里江五州烏土白蚌九江之名不同
地理志九江孔殷○師古曰孔甚也殷中也言江水於
此州畧分爲九道甚得地形之中

又廬江郡尋陽云禹貢九江在南皆東合爲大江

案尙書釋文九江下引潯陽記云云又引張須元緣
江記一曰三里江二曰五州江三曰嘉靡江四曰烏
土江五曰白蚌江六曰烏江七曰箇江八曰沙提江
九曰廩江參差隨水長落或百里或五十里始於鄂
陵終於江口會于桑落州太康記曰九江劉歆以爲
湖漢九水入彭蠡澤也尙書正義引鄭注云殷猶多

也九江從山谿所出其孔叅多言沿之難也地理志
九江在今廬江潯陽縣南皆東合爲大江喬樞謂劉
歆以此九江爲湖漢九水入彭蠡澤者當是據古文
尙書說王鳴盛曰案湖漢水亦得名九江莽改豫章
曰九江以此但九水注于彭蠡前言彭蠡旣滿盡之
矣與大江經流無涉且導水云過九江而後云東池
北會于滙如湖漢九水爲九江則是九江卽滙矣劉
歆說非是鄭引地理志云云者楚考烈王自陳徙都
壽春秦滅楚以其都置九江郡酈道元淮水注云秦
九江郡治壽春兼得廬江豫章之地故以九江名郡

按江北廬江有尋陽九江江南豫章有湖漢九水二處皆可稱九江然郡治在江北究以尋陽九江得名漢尋陽在江北今黃州府蘄州東潯水城一名蘭池城是故云九江在南東晉咸和中溫嶠始移于江南則九江在縣北矣今德化縣西十五里是非漢之尋陽也又江圖云始鄂陵終江口會桑落州者今桑落洲在九江府城東北五十里江中鄂陵今黃州府武昌縣又水經注云江水東逕軹縣故城南城對五洲江中有五洲相接故以爲名漢軹縣今蘄水縣五洲江在此縣界寰宇記云岷江五阜洲在黃梅縣南一

百十里是潯陽九江遺迹唐宋猶存也江聲曰郡國志亦云廬江郡潯陽南有九江東合爲大江杜預兩志廬江郡皆屬揚州又別九江郡亦屬揚州經於荊州記九江者蓋九江至潯陽東而合九江郡與潯陽相近當九江始合之處故郡取名爾其東合于江之時則在潯陽之上固是荊州地也故經於此言之乃應劭注地理志謂江自廬江潯陽分爲九派如其說則九江不在荊州矣恐非是鄭說爲正史記云九江甚中謂水由地中行也孟子云禹掘地而注之海驅龍蛇而放之菹水由地中行是其誼也喬樞案王江兩

說皆主鄭注鄭君之解是據今文家說較古文家爲近是竊嘗反覆攷之史記集解所引鄭注與尙書正義所引文各不同疑裴駙所採非此荊州下九江孔殷之注也觀鄭釋殷爲多云九江自山谿所出其孔衆多言治之難也似是指澧沅瀟湘等九水皆出自山谿注川者故云其孔衆多治之實難若尋陽之九江乃禹因江漢合流水勢澎湃故鑿分九派以疏其流非治山谿之水也惜尙書鄭注已亡無以證明之矣

漢書司馬相如傳大人賦曰竭度九江越五河○張揖

曰九江在廬江尋陽縣南皆東合爲大江者

案胡朏明禹貢錐指曰九江諸家皆謂在潯陽其以

洞庭爲九江者自宋初胡旦始而晁以道曾彥和皆

從之曾氏曰沅漸元辰敘酉湘資醴水

元當作無蓋無訛爲无又

轉作元也漢志武陵無陽縣無水首受故且蘭南入沅行八百九十里醴與澧同

皆合洞庭

中東入于江是爲九江道江云過九江至于東陵東

陵今之巴陵巴陵之上卽洞庭也因九水所合遂名

九江水經九江在長沙下雋縣西北楚地記云巴陵

瀟湘之淵在九江之間是也渭案今岳州府巴陵縣

本漢下雋縣地縣西南有洞庭湖山海經云洞庭之

山帝之二女居之是常遊於江淵澧沅之風交瀟湘之浦是在九江之間出入必以飄風暴雨楚地記本此朱子九江辨亦云經言九江孔殷而後及夫沱潛雲夢則見其決非今日江州甚遠之下流然則九江卽洞庭既有山水二經爲根據而又得朱子此辨其不在潯陽亦明矣九江至春秋時爲江南之夢戰國時稱洞庭五渚韓非子謂之五湖而九江之名遂隱水經湘水注云湘水會資沅微澧四水同注洞庭而北會大江名之五渚戰國策曰秦與荆戰大破之取洞庭五渚也按周禮荊州無九江蓋已包在雲夢茲

澤之中矣太史公不敢言山海經然其中亦有可信者如謂澧沅瀟湘在九江之間賴此一語而九江遺跡猶可推尋其有造於禹貢不小也喬樅案禹貢九江凡三見於荊州曰九江孔殷於道山曰過九江至于傅淺原於道江曰過九江至于東陵自漢以來說者紛紛不一以愚攷之山海經所云澧沅瀟湘是在九江之間此洞庭之九江也楚地記亦云巴陵瀟湘之淵在九江之間是禹貢荊州之九江孔殷當指此言之故其文在沱潛既道雲土夢作乂之前如以尋陽之九江當之則文當繫之揚州不當繫之荊州矣

江氏叔漣謂九江東合于江之時在尋陽上固是荊
州之地不知江圖明云九江始鄂陵終江口會于桑
落洲桑落洲在今德化縣界合于大江實在此地是
禹貢揚州之域而非荊州之域也道江云過九江至
于東陵東陵在廬江郡金蘭縣西北今爲湖北蘄州
之東興國州之西地過九江始至東陵則九江皆在
東陵以上可知若尋陽之九江則亦有在東陵以下
者不得云過九江至于東陵也以此言之荊州之九
江孔殷其爲洞庭中澧沅瀟湘等之九水殆無疑義
惟道山之過九江至于敷淺原當以尋陽之九江實

之地理志豫章郡歷陵下云傳易山傳易川在南古文以爲敷淺原水經云九江地在長沙下雋縣西北敷淺原在豫章歷陵縣西南攷下雋故城在今武昌府蒲圻縣畋歷陵縣地在今南康府星子縣畋則道山之過九江指尋陽南禹所疏鑿者而言亦無疑義矣

沱沔旣道

夏本記沱沔已道○集解鄭元曰水出江爲沱漢爲沔○索隱曰沔亦作潛沱出蜀郡郫縣西東入江潛出漢中安陽縣西北入漢故爾正云水自江出爲沱漢爲潛

○正義曰括地志云繁江受鄆江禹貢曰岷山導江東別爲沱源出益州新繁縣潛水一名復水今名龍門水源出利州綿谷縣東龍門山大石穴下也

水經山澤篇荊州沱水在南郡枝江縣洿水出漢中商鄭縣東南旱山北至安陽縣南入于沔

沱潛既道

地理志沱潛既道○師古曰沱潛二水名自江出爲沱自漢出爲潛潛音潛一曰道讀曰導導治也

又南郡枝江云江沱出西東入江○師古曰沱與漢別出者也

又漢中郡安陽云鰲谷水出西南北入漢

案水經云江水過夷道縣北又東過枝江縣南酈注引地理志曰江沱出西南東入江是也水經又云又南過江陵縣南注云縣江有洲曰枚回州江水自此兩分爲南北江尙書正義引鄭注云爾疋釋水水自江出爲沱漢爲潛今南郡枝江縣有沱水其尾入江耳首不於江出也華容有夏水首出江尾入沔蓋此所謂沱也潛則未聞象類此解荊州之沱潛發源此州也喬樅案釋文沱潛下引馬云沱湖也其中泉出而不流者謂之潛如馬此解則荊州之沱潛非爾疋

所云出自江漢之沱潛也馬義與鄭異馬治古文尙書則鄭注蓋從今文家說班志以枝江爲沱據今文家說而鄭又與班氏異者蓋三家說有不同耳攷地理志南郡華容云夏水首受江東入沔行五百里班於夏水言首受江則是水自江出矣是志兼存兩說也又江夏郡云屬荊州應劭音義曰沔水自江別至南郡華容爲夏水過郡入江故曰江夏夏水卽沔水言水自江別則是江之沱矣仲遠所稱當亦今文家說然則鄭君以夏水爲沱蓋非無徵也水經云夏水出江流于江陵縣東南又東過華容縣南又東至江

夏雲杜縣入于沔酈注云江津豫章口東有中夏口
是夏水之首江之沱也閻若璩云江之沱也今本誤
作江之汜也水自江出爲沱此正夏水初分出江處
也於沱爲合水決復入爲汜此非夏水至雲杜入沔
處也于汜不合道元水經注亦以夏水爲沱與鄭說
同知其爲今文尙書家相傳有此說也潛史記作沔
漢書作灋古字相通此三家尙書之異文也胡渭禹
貢錐指曰左思蜀都賦云演以潛沫劉逵注云水潛
行曰演此二水伏流故曰演以潛沫荊州之潛亦必
漢水伏流從平地涌出故謂之潛承天府志云漢水

白鍾祥縣北三十里伏流爲蘆伏河經潛江縣東南
復入于漢卽古潛水也按潛江縣本竟陵江陵二縣
地唐大中十一年置徵科巡院於白泚見實字記宋乾德
三年升爲潛江縣韻會泚伏流也或作泚今漢水之
分流者名蘆伏而其地又名白泚皆取伏流之義此
水起鍾祥縣北訖潛江縣東南行可三百里以爲古
之潛水庶幾得之蓋禹時本自伏流湧出復入于漢
及乎後世通渠漢川雲夢之際見河渠書則開通上源以
資舟楫之利禹迹遂不可考耳

雲土夢作乂

夏本紀雲土夢爲治○索隱曰夢一作曹鄒誕生又音
蒙按雲土夢本二澤名蓋人以二澤相近或合稱雲夢
耳知者據左傳云昭王寢于雲中又楚子鄭伯田于江
南之夢則是二澤各別也韋昭曰雲土今爲縣屬江夏
南郡華容今按地理志云江夏有雲杜縣是

雲夢土作乂

地理志雲夢土作乂○師古曰言沱瀾二水旣從其道
則雲夢之士可爲畋漁之治也

又南郡華容云雲夢澤在南荊州數

水經山澤篇雲夢澤在南郡華容縣之東

案尙書釋文雲徐本作云云卽雲之省文段玉裁曰作雲夢上者古文尙書也作雲土夢者今文尙書也史記漢書作雲夢土者史記漢書之誤者也今本古文尙書之誤始于唐石經而宋太宗復揚其波僞孔傳云雲夢之澤在江南其中有平土卽水去可爲耕作猷猷之治據孔傳則經作雲夢土故釋土于雲夢之下平土卽謂平土之虛說文虛大卽也僞孔本多襲馬鄭王之舊此雲夢土作土必馬鄭王本固然李吉甫元和郡縣志曰左傳邲子之女棄子文于夢中無雲字楚子濟江入雲中復無夢字以此推之則雲

夢二澤本自別矣而禹貢及爾疋皆曰雲夢者蓋雙
舉二澤而言之此李氏所據禹貢尙作雲夢不作雲
土夢也何以知今文尙書作雲土夢也今史記各本
皆作雲夢土而史記索隱單行本大書雲土夢三字
小注云雲土夢二澤名引韋昭云雲土今爲縣屬江
夏解之曰地理志江夏有雲杜縣是其地也然則史
記作雲土夢確然可證而小司馬所引韋昭語乃漢
書音義也則漢書作雲土夢又確然可證今本地理
志作雲夢土小顏注雲夢之土可爲畋漁之治皆用
尙書妄改之本耳小顏漢書本誤字最多卽如韋作

玼而顏作蟻章作戠而顏作埴章作雲土夢而顏作
雲夢土其顯然者蓋古文尙書別本作雲土夢者此
用史漢改尙書是爲以今文尙書改古文尙書也史
漢之或作雲夢土者此用尙書改史漢是爲以古文
尙書改今文尙書也

儀禮士虞禮記曰浴沐不櫛注云今文曰沐浴又浴沐櫛搔剪

注云今文曰沐浴搔剪此亦如土夢夢土之不同今本經文作沐浴則注今文曰沐浴不可通矣幸正義中猶有改之未盡者耳

古土杜通用如韓詩桑杜毛傳作桑土
毛詩自土漆沮齊詩作自杜是也本呼雲土單呼之
爲雲此類甚多又按楚語云有數曰雲連徒州卽雲
土也此如穀於菟之類皆方俗語言徒土杜一字也

雲土長言之爲雲連迂州猶恂贅二字荀卿書則曰
傳猶贅儒今文尙書未必全非伏生執其舊業非有
所改易也段說誠然喬樅又攷地理志南郡編縣云
有雲夢宮江夏郡西陵縣云有雲夢宮編卽今之荆
門州西陵卽今之蘄州黃岡麻城皆在江北華容今
之監利石首二縣地監利在江北石首在江南雲杜
今之京山縣地水經沔水注云雲杜縣東北有雲夢
城又夏水注云夏水東逕監利縣南縣土卑下澤多
陂陲西南自州陵東階逕于雲杜沔陽爲雲夢之藪
州陵今沔揚州沔陽今漢陽地皆江北也又引郭景

純言華容縣東南巴邛湖是江南之夢又引杜預云
枝江縣安陸縣有雲夢蓋踰川且陽兼苞勢廣矣以
今輿地約之江北之荊門京山沔陽監利安陸漢陽
黃岡麻城蘄州江南之枝江石首巴陵皆古雲夢所
在也

厥土惟塗泥厥田下中厥賦上下厥貢羽旄齒革惟金三
品

夏本紀其土塗泥田下中賦上下貢羽旄齒革金三品
地理志厥土塗泥田下中賦上下貢羽旄齒革金三品
橐幹栝柏

夏本紀杔幹枯柏○集解鄭元曰四木名

地理志杔幹枯柏○師古曰杔木似樗而實幹柘也枯木柏葉而松身

案尙書釋文杔木名又作樗幹本又作幹枯馬云白枯也攷說文木部杔木也夏書曰杔幹枯柏或从熏作樗鄭注周禮攷工記亦引作樗幹枯柏當是三家之異文枯爾疋釋木作檜枯檜一聲之轉集韻檜或作樗通作枯

厲砥砮丹

夏本紀礪砥砮丹

地理志厲砥砮丹

案史記礪字當從漢書作厲爲正詩公劉取厲取鍛
禮記儒行砥厲廉隅左傳哀十六年勝自厲劍皆不
從石作礪又釋元應衆經音義引尙書砮砥砮丹此
必據馬鄭本古文古文假砮爲厲字然則史記漢書
作厲皆三家今文也尙書正義引鄭注云礪磨刀刃
石也精者曰砥此順僞孔本文之文故作礪耳說文厂
部厲旱石也底柔石也重文砥云底或從石喬樞謂
旱者悍之消文猶言粗石也底石比厲爲精故云柔
石司馬相如子虛賦言雲夢之石曰城功元厲張揖

云元厲黑石可用磨也穀梁傳曰天子之桷斷之鑿
之加密石焉密石卽禹貢所謂砥者也磬說文石部
云磬石可以爲矢鏃夏書曰梁州貢磬丹攷禹貢梁
州下貢磬磬荊州下貢磬丹說文引書梁州當爲荊
州之誤也丹說文云巴越之赤石也外象采丹象井
中丹形胡渭曰按周書王會解卜人以丹砂孔晁注
云卜人西南之蠻丹砂所出王應麟補注云太平御
覽卜人蓋今之濮人也伊尹爲四方獻令正南百濮
牧誓注濮在江漢之南左氏傳巴濮楚鄧吾南土也
然則卜人實荊城故貢丹砂也

維箛箛栝三邦底貢厥名

夏本紀維箛箛栝三邦致貢其名○集解徐廣曰一作箭足杆杆卽栝也音怙箭足者矢鏃也或以箭足訓釋箛箛乎駟案鄭元曰箛箛聆風也馬融曰言箛箛栝三國所致貢其名善也

地理志惟箛箛栝三國底貢厥名○師古曰箛箛竹名栝木名也皆可爲矢言此州界本有三國致貢斯物其名稱美也

案尙書釋文箛韋昭一名聆風栝馬云木名可以爲箭毛詩艸木疏云葉如荆而赤莖似蒼說文竹部云

銘籒銘也从竹路聲夏書曰惟籒銘枯又重文銘云
古文銘从輅木部云枯槩也从木古聲夏書曰惟籒
輅枯木名也喬樅謂許君銘字下所引夏書作惟籒
銘枯據今文尙書也枯字下所引夏書作惟籒輅枯
據古文尙書也說文銘下明言古文从輅作銘則枯
下引夏書當本作銘其作輅者傳寫脫去竹耳枯本
訓槩其訓木名者別爲一義說文又引枯字云木也
引詩榛楮濟濟爲證以古文尙書旣引於枯字下故
不復引耳鄭與馬均治古文字皆當作銘作枯爲正
史記漢書均用今文字皆當作銘作楮爲正鄭云木

類馬云木名所以別於竹也又案徐廣史記音義云一作箭足杆段玉裁以爲箭足非矢鏃正謂矢橐疑今文尙書箇銘作箭足喬樅謂箭足二字蓋以故訓代經文非今文之異字又杆卽楷者杆于聲枯古聲同在古音第五部今史記集解杆字作杆非也

包匭菁茅

夏本紀包匭菁茅○集解鄭元曰匭纏結也菁茅茅有毛刺者給宗廟縮酒重之故包裹又纏結也○正義曰括地志云辰州盧溪縣西南三百五十里有包茅山武陽記云山際出包茅有刺而三脊因名包茅山

地理志包匭菁茅

案尙書正義云鄭元以厥名下屬苞匭菁茅今據史記集解引馬融云言籒籀枯三國所致貢其名菁也是以厥名連上三邦底貢爲句與鄭讀異馬從古文尙書則鄭讀當是從今文尙書也王鳴盛曰鄭以厥名下連包匭菁茅爲句則句法與厥土厥田厥賦厥貢厥篚一例當從之馬讀非也

厥篚元纁璣組九江納錫大龜

夏本紀其篚元纁璣組九江入賜大龜

厥棐元纁璣組

地理志厥朶元纁璣組九江納錫大龜○師古曰元黑
色纁絳璣珠之不圓者組綬類也大龜尺有二寸錫命
而納不常貢也

案錫納夏本紀作入賜尚書釋文引馬云納入也攷
堯典出內朕命史記亦作出入又寅餞納曰伏生大
傳引作入日則入納內三字古通下文錫土姓史記
亦作賜土姓則錫賜字通段玉裁曰古以錫爲賜假
借之法也說文云贛賜也賜予也古者下之予上亦
得云賜堯典云師錫帝曰禹貢云九江納錫大龜洪
範云惟時厥庶民于女極錫女保極皆是也此義不

尙書有作沿于江海者故鄭君注尙書讀松字爲沿從大傳文也

原陞底績

尙書大傳曰下而平者謂之陞陞之言溼也

案此見太平御覽五十七地部引又毛詩陞桑正義引夏傳曰下陞曰陞

嶓冢道養

漢書地理志隴西郡氐道禹貢養水所出至武都爲漢案杜佑通典曰嶓冢山有二一在天水上邽一在漢中金牛衡陽王夫之書經稗疏云以地考之無有確

於此者在上邽者今秦州西南六十里之嶓冢西漢
水所出也地理志隴西郡西禹貢嶓冢山西漢水所
出郡國志曰漢陽郡西故屬隴西有嶓冢山西漢水
水經注曰今西縣嶓冢山西漢水所導也凡此皆秦
州之嶓冢在金牛者今甯羗北九十里之嶓冢東漢
水所出也水經曰漾水出隴西氏道縣嶓冢山東至
武都沮縣爲漢水水經之意以東漢水至獻口循通
谷水合西漢水入江爲西漢水不
依班固以西縣嶓冢爲西漢源也觀注引劉澄之郭
璞庾仲雍之說而曰經云漾水出氏道縣東至沮縣
爲漢水東南至廣魏白水診其沿注似與三說符而
未極西漢之源矣則經紋氏道縣是獻口以上之津
逕曉然無疑矣注又云班固司馬彪袁崧並言漢有
二源東出氏道西出西縣嶓冢愈可見自來無有言

西漢出氏道者而水經斷不得以其道爲西漢源矣其連東漢獻口言之者蓋當時經說以西漢爲潛自獻口分漢循通谷而西南郭璞曰嶓冢山在武都氏又東南入江也說見下

道南漢中記曰嶓冢以東水皆東流嶓冢以西水皆

西流故俗以嶓冢爲分水嶺

引見水經漢水注

地形志曰華

陽郡嶓冢縣有嶓冢山漢水出焉凡此皆甯羗之嶓冢兩嶓冢相去數百里中隔故道水似不可相通然以山海經考之又有不然者大時之山沔水出焉北流注於渭清水出焉南流注於漢水當是大白山也沔清卽褒斜也又西三百二十里曰嶓冢之山漢水出焉而東南流注於沔水出焉北流注於湯水張

衡曰終南大一連岡乎嶓冢

山海經南山西百八十里大時之山又西三百

二十里嶓冢之山三山相連卽平子所本

甯羗嶓冢無北流之水又不連

大一似嶓冢乃故道水之源山在今寶雞鳳縣之間其水三分西南爲故道水東南入沔水而今無復嶓冢之名矣惟故道水之源爲嶓冢故循故道之西南至秦州爲西漢之源又循西漢之東北盡於沔漢之交皆嶓冢又循故道之東南至甯羗爲東漢源又循東漢之南而東至巴嶺皆嶓冢蓋古人命名廣遠後人或舉其峯巒而忘其聯絡兼包之勢故多閼隔也由是言之則經中岷嶓之嶓故兼二漢之原隰而孟

云出獲壘護舉卽獲輿是也江聲曰逾雒至南河將
治豫州也禹施功之敘於此可見九州先後之次是
禹施功之次鴻水之害大河尤甚禹治水先治河而
河所經之地冀沈最下沈旣淪沒冀爲帝都故先治
冀而次及沈次則由青而徐而揚東方三州皆濱於
海水之委也循揚而上故及荊州梁州之地於江南
爲最高雖卑於江北而江北之水不能及焉其功可
緩故荊州旣治次及豫州及後乃治梁也雍州田上
上故治之最後經亦治之於末是經所記九州依禹
施功之先後而敘之也茲於荊州之後折旋越江而

北特言逾雒至南河以見治荆之次卽治豫也

今文尙書經說攷卷三

三之中

侯官陳喬樞學

虞夏書十七 夏書一

禹貢第十七

今文尙書三

荆河維豫州

夏本紀荆河維豫州○正義曰括地志云荆山在襄州
荆山縣西八十里韓子云下和得玉璞於楚之荆山卽
此也河洛州北河也

地理志荆河惟豫州

又南郡臨沮縣云禹貢南條荆山在東北漳水所出
春秋元命包曰豫之言序也言陽氣分布各得其處故
其氣平靜多序也

爾雅釋地河南曰豫州李巡注曰河南其氣著密厥性
安舒故曰豫豫舒也

案荆豫二州禹以荆山爲畍南條荆山其陰爲豫州
其陽爲荊州公羊傳莊十年疏引鄭注云豫州畍自
荆而北至于河攷周禮爾疋皆云河南曰豫州則豫
州之北畍至于河矣王鳴盛曰以今輿地約之河南
之河南開封陳州歸德南陽汝甯六府許陝汝光四

州及直隸大名府山東曹州府江南潁州府之西境
湖廣襄陽府德安府之北境鄖陽府之東境皆古豫
州域也

釋名釋州國曰豫州地在九州之中京師東都所在常
安豫也

案以豫州爲京師東都所在此據周代言之禹貢之
豫州其取誼當以元命包及爾雅李巡注爲允

伊雒瀍澗旣入于河

夏本紀伊雒瀍澗旣入於河○索隱曰伊水出宏農盧
氏縣雒水出宏農上雒縣冢嶺山瀍水出河南穀城縣

潛亭北澗水出宏農新安縣東皆入于河○正義曰括地志云伊水出虢州盧氏縣東轡山東北流入雒雒水出商州雒南縣冢嶺山東流經雒州郭內又各合伊水瀍水出雒州新安縣東南流至雒州郭內南入雒澗水源出雒州新安縣東白石山東北與穀水合流經雒州郭內東流入雒也

地理志伊雒瀍澗既入于河

又宏農郡盧氏縣云熊耳山在東伊水出東北入雒過郡一行四百五十里

又上雒云禹貢雒水出冢嶺山東北至鞏入河過郡二

行千七十里豫州川熊耳山獲輿山在東北

又河南郡穀城云禹貢瀍水出晉亭北東南入雒

淮南墜形訓曰伊出上魏注云上魏山名

水經曰伊水出南陽縣西蔓渠山東北過郭落山又東北過伊闕中又東北至洛陽縣南入于洛洛水出京兆上洛縣謹舉山又東逕熊耳山北東北過盧氏縣南東北流入于河瀍水出河南穀城縣北山東與千金渠合又東過洛陽縣南又東過偃師縣又東入于洛澗水出新安縣南白石山東南入于洛

案王鳴盛曰水經伊水出南陽縣西蔓渠山東北過

伊闕中至雒陽縣南北入于洛鄭注曰山海經云蔓渠地志云熊耳山卽麓大同陵巒互別耳伊水自熊耳東北逕東亭城南按東亭故城在今嵩縣西南七十里以今輿地言之盧氏嵩縣伊陽雒陽畋中皆伊水所經也水經雒水出京兆上雒縣譙舉山東過雒陽縣南伊水從西來注之又東北過鞏縣東又北入于河以今輿地言之商州盧氏永甯雒陽偃師鞏縣畋中皆雒水所經也瀍水澗水見周書洛誥周公曰我乃卜澗水東瀍水西惟雒食謂王城也我又卜瀍水東亦惟雒食謂下都也案瀍澗始見禹貢繼見雒

詰而澗與穀異源同流故書有澗水無穀水也古時
澗水經河南故城西而南入雒澗水東瀍水西爲王城
而南入雒二水各自入洛故澗水東瀍水西爲王城
而瀍水東爲下都雒詰之文甚明也自周靈王時穀
雒門將毀王宮於是壅穀水使東出於王城之北則
其勢必入於瀍水於是澗瀍合流皆歷王城之東以
南注于雒而所謂澗水東瀍水西大非其舊爲水道
之一變矣水經瀍水條云瀍水出河南穀城縣北山
東與千金渠合又東過雒陽縣南又東過偃師縣又
東入于雒澗水條云澗水出新安縣南白石山東南

入于雒其前言灋澗所出之源皆禹迹也自千金渠以下則皆言東漢後改流之道並非古迹特有洛誥數語猶可得其大略而已

釋名釋水曰山夾水曰澗澗間也言在兩山之間也

滎播既都

夏本紀滎播既都○索隱曰古文尙書作滎波此及今文並云滎播播是水播溢之義滎是澤名故左傳云秋及衛戰於滎澤鄭元云今塞爲平地滎陽人猶謂其處爲滎播

滎波既豬

地理志滎波既豬○師古曰滎沅水溢出所爲也卽今滎澤是也波亦水名言其水並已過聚矣一說謂滎水之波

案尙書釋文滎戶局反滎澤也波如字馬本作播滎播澤名正義曰馬鄭王本皆作滎播謂此澤名滎播段玉裁曰滎說文以爲絕小水則非沅水溢出之澤矣此經熒字當从火不从水周禮職方氏熒雒左傳閔二年宜十二年及後敘諸文熒澤字皆从火陸氏左傳隱元年釋文且云熒陽或作滎非玉篇焱部熒字下云亦熒陽縣漢韓勅後碑河南熒陽劉寬碑陰

河南熒陽鄭烈碑熒陽將封人唐盧藏用撰書紀信
碑因高祖于熒陽字無不从火皆明證也尙書正義
本作榮波衛包所改也史記及馬鄭王本皆作播江
聲尙書集注據說文謂當作潘說文水部云潘水名
在河南熒陽从水番聲言在熒陽則與熒澤同處故
知此經之當作潘字今案水經注濟水篇云晉書地
道志濟自大伾入河與河水門南洑爲熒澤尙書曰
熒波旣豬鬪駟曰熒播澤名也故呂忱曰播水在熒
陽謂是水也昔大禹遏其淫水而於熒陽下引河東
南以通淮泗所引呂忱謂字林也字林多本說文然

則知字林正作潘水在熒陽與說文合轍鄭氏引闕
作播呂作潘不暇分別字體所由異且馬鄭王謂熒
播卽熒澤是一物許呂則潘別爲一水與熒爲二鄭
注周禮熒雒波滢爲四云波讀爲播引禹貢熒播旣
都則注書一之注周禮二之矣鄭云大禹塞其注水
卽釋經文旣豬也江氏以爲潘播波三字同故非無
證喬樅謂漢書作波卽潘之假借詩番惟司徒古今
人表作司徒皮儀禮旣夕篇設披鄭注云今文披皆
爲藩是其證也說文作潘史記作播漢書作波疑皆
尙書三家之異文據正義云馬鄭皆作播馬鄭治古

文尙書者然則知古文當是同作播字播又潘之同聲假借字也熒者熒澤潘者潘水師古以波爲水名蓋襲漢人音義之語當本於今文家尙書說也經於豫言熒潘旣都猶上文於荆言沱潛旣道於徐言淮沂其乂於青言濰淄其道文法皆一例也鄭注尙書以熒播爲熒澤與注周禮不同者注禮用今文說注書則從古文說也攷禹貢豫州之域北濱冀之南河其西與華陰接華陰雍域也南判自荆山抵隨之北境與荆接界東及淮南北與徐揚接界西及鄖之東境與雍梁接界觀職方所載豫州鎮曰華山藪曰圃

田其川熒雖其浸波滢波在熒陽滢則隨北水也或以職方波滢二水相距太遠疑波滢之波非卽熒波之波當別爲一水然惟留二水漢志一爲青州寢一爲幽州寢而禹貢合言惟留其道何獨於職方波滢而疑之或又以豫州之波水出歇馬嶺在汝州魯山縣西北不得在熒陽不知此經波水本名潘水波其假借字耳非卽入汝之波水也古者每多假借水道亦屢變易說文云潘水在熒陽鄭注云熒澤塞爲平地熒陽人猶謂其處爲熒播安知禹時潘水所注不與熒澤相近耶

楊雄豫州牧箴熒播臬絲

案段玉裁云此亦今文尙書作播之明證章樵注云
播一作波

道荷澤被明都

夏本紀導荷澤被明都○索隱曰荷澤在濟陰定陶縣
東明都音孟豬澤在梁國睢陽縣東北爾雅左傳謂之
孟諸今文亦爲然惟周禮稱望諸皆此地之一名○正
義曰括地志云荷澤在曹州濟陰縣東北九十里定陶
城東今名龍池亦名九卿陂

水經山澤篇荷澤在定陶縣東明都澤在梁郡睢陽縣

東北

被盟豬

地理志道荷澤被盟豬○師古曰荷澤在湖陵盟豬亦澤名在荷之東北言沿荷澤之水衍溢則使被及盟豬不常入也道讀曰導荷音歌盟音孟

又濟陰郡云禹貢荷澤在定陶東屬兗州○師古曰荷音柯

又梁國睢陽云禹貢盟豬澤在東北

案尚書釋文云荷徐音柯韋胡阿反豬音諸左傳爾雅皆作孟諸宋戴澤也正義云於此作孟豬左傳爾

雅作孟諸周禮作望諸聲轉字異正是一地也段玉
裁曰澣紀志皆作荷五經文字水部亦曰荷見夏書
古本亦作荷孟諸古文尙書作孟豬左傳正義詩曹
譜商譜正義皆引尙書作孟豬惟陳譜正義引尙書
孟誤作盟轉寫失之耳今文尙書則作明都夏本紀
及水經作明都是也今文尙書亦作孟諸司馬貞索
隱曰明都爾疋左傳謂之孟諸今文亦爲然凡小司
馬所謂今文者皆謂蔡邕石經拓本也尙書大傳夏
傳孟諸靈龜則今文尙書作孟諸不誣矣鄭治古文
尙書者也而注周禮曰望諸明都也毛詩陳譜曰東

不及明豬班治今文尙書者也而地理志述禹貢作盟豬梁國下又作盟諸蓋明盟孟望古音皆讀如芒在第十部諸豬都古音皆在今之九魚在第五部皆同音通用古有不拘非可以今古文截然分別之例例之也

又案王鳴盛曰此一節紀禹陶邱復出之沛也荷澤在定陶之東盟豬在睢陽之東北相距僅一百四十里二澤本有相通之道禹貢因而疏之以殺濟瀆之勢水經云尙書導荷澤被孟諸孟諸在睢陽晉關駟十三州記曰不言入而言被者明不常入也水盛方

乃被覆矣漢志胡陵下云禹貢浮于淮泗達于荷水
在南此言達于荷之荷在湖陵南荷水與荷澤水有
別說文云荷澤水在山陽胡陵水經沛水東過方與
縣北爲荷水注云荷沛別名也班志說沛縣不在胡
陵而在定陶何也蓋在定陶者其澤也在胡陵者其
流也其流合泗以注淮與孟豬全無關涉說文言荷
澤多一水字與班說殊塗同歸禹道澤之在定陶者
以入孟豬與下流支派之在胡陵者毫不相及也偶
孔傳及正義以荷澤爲在胡陵說竝舛誤

厥土惟壤下土墳壚厥田惟中上厥賦錯上中

夏本紀其土壤下土墳壚田中上賦雜上中○集解馬融曰豫州地有三等下者墳壚也

地理志厥土惟壤下土墳壚田中上賦錯上中○師古曰高地則壤下地則墳壚謂土之剛黑者也音盧

案尙書釋文壚音盧說文黑剛土也攷陳祥道禮書引鄭注云壚疏也江聲曰說文以黑剛土訓壚剛則不黏矣釋名云土黑曰壚盧然解散也解散則其性疏可知鄭注周禮草人云墳壚黏疏者以黏訓墳則亦以疏訓壚矣喬樅謂僞孔傳云壚疏也此襲用鄭注語師古漢書注當是襲舊注音義本今文尙書爲

說也馬以豫州地有三等則壤也墳也墟也各爲一等若以墳墟爲一則與兗州之黑墳無別矣段玉裁云揚州賦下上上錯及此錯字夏本紀皆作襍故訓字也他錯字又不爾

釋名釋地曰土黑曰廬廬然解散也

厥貢漆絲絺紵厥斐織纊錫貢磬錯

夏本紀貢漆絲絺紵其篚織絮錫貢磬錯

厥貢漆臬絺紵厥斐織纊

地理志貢漆臬絺紵斐織纊錫貢磬錯

案段玉裁云臬夏本紀作絲蓋今文尙書也二字同

在古音弟一部續夏本紀作絮故訓字也江聲曰磬錯說者以爲治磬之錯然則錯當爲厝說文厂部厝厲石也引詩曰他山之石可以爲厝今毛詩作錯錯厝皆音聲聲同則自通矣

浮于雒通于河

夏本紀浮于雒達于河

地理志浮于洛入于河○師古曰因洛入河也

案段玉裁云唐石經作浮于洛河無達于二字夏本紀通于河今本通誤爲達地理志入于河入蓋亦通之誤也

華陽黑水惟梁州

夏本紀華陽黑水惟梁州○正義曰括地志云黑水源出梁州城固縣西北大山

地理志華陽黑水惟梁州

案公羊傳莊十年疏引鄭注云梁州界自華山之南至于黑水也胡渭曰華卽西嶽華山地理志京兆華陰縣南有太華山在今陝西西安府華陰縣南八里華陽今商州之地是也武成云歸馬于華山之陽放牛于桃林之野樂記周本紀並有此文華山之陽卽禹貢之華陽也水經注曰湖水出桃林塞之夸父山

廣員三百仞武王代紂天下既定王及嶽濱放馬華陽散牛桃林卽此處也渭按周禮豫州鎮曰華山杜氏謂其山連延東出故屬豫州夸父正所謂連延東出者乃西嶽支峰古通謂之華山桃林在夸父北實

華山之陰

山海經曰夸父山其北有桃林杜預注左傳云桃林在華陰卽潼關縣

而陽

華在夸父西南今洛南縣東北故以爲華山之陽秦魏冉同父弟芊戎封華陽君昭王立太子愛姬爲華陽夫人皆此地又按呂氏春秋九藪有秦之陽華在今華陰縣與洛南接畛蓋藪因山而得名並在華山之陽正禹貢之華陽也黑水卽若水亦卽瀘江也漢

志若水出蜀郡旄牛縣徼外南至大碛入繩繩水出越巂郡遂久縣徼外東至犍道入江行千四百里水經注若水出蜀郡旄牛徼外東南至故關爲若水山海經曰南海之內黑水之間有木名曰若木若水出焉若水沿流間關蜀土黃帝長子昌意降居斯水爲諸侯娶蜀山氏女生顓頊於若水之野若水東南流鮮水注之一名州江大度又南逕越巂卽都縣西又南逕大碛縣入繩又南逕會無縣與孫水合繩水南逕雲南郡之遂久縣蜻蛉水入焉又逕三絳縣西又逕姑復北淹水注之又東與毋血水合又東涂水注

之又東北至犍爲朱提縣西爲瀘江水瀘本作盧如
盧弓盧矢皆訓黑劉熙釋名土黑曰盧沈括筆談云
夷人謂黑曰盧漢中如盧奴縣有盧水酈元云水黑
曰盧不流曰奴尤盧水爲黑水之切證牧誓八國有
盧人疑卽居盧水上者其字後加水作瀘章懷太子
注後漢書云瀘水一名若水則瀘若似非異源而酈
元引益州記曰瀘水源出曲羅舊下三百里曰瀘水
又下合諸水而總其目焉據此則瀘水自出曲羅舊
其地當在若水之東下流合若水故若水兼有瀘水
之目所謂隨決入而納通稱者也漢志滇池澤在滇

池縣西北有黑水祠後漢書郡國志縣北有黑水祠
或以爲武帝開置益州郡始立之非也使帝知郡界
有黑水而立此祠則班史必知其所在而能言之竊
謂此祠蓋彼中相承已久黑水卽金沙江東經會無
縣南南直滇池縣縣故滇王國於其北立祠祭之宜
矣自周衰以迄漢初聲教阻絕故尙書家莫能言梁
州黑水之所在千載而下尙賴有此祠可以推測而
得之梁南自宜賓以西至會川諸州縣凡在瀘水馬
湖江之北者皆梁域宜賓以東至巫山諸州縣凡在
大江之北者皆梁域蓋大江旣合瀘水亦得互受通

稱故隋改江陽縣爲瀘川置瀘川治焉其縣南大江
寰宇記謂之瀘江瀘水卽黑水則梁左之南鄙亦當
以此水表畛也或曰梁州之水莫大於江經曷不畛
以江曰江自岷山導源大勢皆南行至敘州始折而
東苟畛以江則江右之地悉遺之域外矣故言黑水
可以見左畛而言江則不可以該右畛也以今輿地
言之陝西漢中府興安州大西安府之商州洛南山
陽鎮安商南鞏昌之鳳縣兩當徽州成縣階州文縣
湖廣鄖陽府之房縣竹山竹溪及鄖西縣之西境四
川則成都保寧順慶龍安馬湖五府潼川嘉定邛眉

雅五州及敘州瀘州重慶夔州之江北諸州縣松藩
衛疊溪營天全六番招討司黎大所建昌衛皆古梁
州域也

汶嶓旣藝

夏本紀汶嶓旣藝○集解鄭元曰地理志岷山在蜀郡
湔氐道嶓冢山在漢陽西○索隱曰汶一作嶓又作岐
岐山封禪書一云瀆山在蜀郡湔氐道西徼江水所出
嶓冢山在隴西縣漢水所出也

地理志岷嶓旣藝

案據史記索隱云汶一作嶓而集解引鄭元在正作

嶠則知裴所見史記本作嶠字也岷乃嶠之俗體段
玉裁曰當依說文作嶠或省作嶠魏大饗碑作岷俗
字也夏本紀作汶又曰汶山之陽又曰汶山道江按
此蓋古文尙書作嶠今文尙書作汶也史記封禪書
說秦并天下所奉名山大川自華以西有瀆山釋之
曰瀆山蜀之汶山也凡訓詁之法以今釋古謂今之
汶山卽秦之瀆山也是則漢人呼爲汶山字作汶確
然可證貨殖傳曰吾聞汶山之下沃野字作汶此古
本也河渠書蜀之岷山字作岷此改竄本也地理志
蜀郡有汶江道史記西南夷傳曰以冉駹爲汶山郡

漢書孝武帝紀元鼎六年定西南夷以爲武都牂柯
越簡沈黎文山郡西南夷傳亦曰以冉駹置文山郡
此亦漢時字正作汶或作文之證也漢人字正作汶
者必以伏生尙書字正作汶屈賦悲回風曰隱岐山
以清江王注引尙書曰岐山導江岐一作岷一作汶
按汶字是文省體岐岷皆或體也叔師所引今文尙
書也若古文尙書則作鼈許君造說文十一篇水部
曰江水出蜀湔氐徼外鼈山入海九篇山部曰鼈山
在蜀郡湔氐西徼外从山散聲此用古文尙書也鼈
字繁重一變爲嶠再變爲岷昏聲散聲文聲同在古

音弟十三部民聲乃在古音弟十二部昏不從民聲也夏本紀作汶今文尙書也地理志作嶠此用古文尙書改竄之本也中山經曰岷嶠之誤山江水出焉此與古文尙書合者也海內東經曰大江出汶山此與今文尙書合者也嶠字不見於說文蓋其文但作沓字或加山旁也廣雅云壻冢也然則壻與冢正是一物以其形名之山海經海內東經曰漢水出鮒鰭之山大荒北經曰鮒禺之山帝顓頊與九嬪葬焉鮒讀如步禺讀如匪鮒與嶠禺與冢皆語之轉耳

又蜀郡湔氐道云禹貢嶠山在西徼外江水所出東南

至江都入海過郡七行二千六百六十里

又隴西郡西縣云禹貢嶓冢山西漢水所出南入廣漢白水東南至江州入江過郡四行二千七百六十里

案郡國志蜀郡湍氏道岷山在西徼外又漢陽郡西縣故屬隴西有番冢山西漢水江聲曰漢志天水郡明帝改曰漢陽郡郡國志漢陽郡武帝置爲天水郡永平十七年更名鄭據漢之地理志故不與班同王鳴盛曰漢有東西下文導水厯敘東漢源流絕與西漢無涉而其首則言嶓冢導漾東流爲漢似東漢亦出嶓冢然漢志于隴西氏道言漾水所出至武都爲

漢于武都言東漢水受氐道水一名沔又沔陽縣應劭注言沔水出武都東南入江如淳注言此方人謂漢水爲沔水皆言東漢而皆不言有嶓冢續志亦惟于西縣言有嶓冢山西漢水他縣皆不言鄭于此注亦但舉西縣之嶓冢者漢志旣專于西縣言嶓冢并冠以禹貢則必古經師相承舊說鄭亦據古義云然也至導水以西漢之嶓冢爲東漢源者東漢自氐道而武都而沔陽自是而東直至江夏入江流甚長西漢自西縣而廣漢而江州卽入江流頗短東漢自西而東流西漢則自北而東南流西漢流至通谷與東

漢會然後東漢自東西漢自南而西漢至葭萌縣又有一水從沔陽東漢分支從漢壽西南流來穿石穴出至此又與西漢合然後西漢再西南行至江州入江漢別爲潛西漢自出西縣嶓冢山似非東漢之別但旣與東漢合而後分且葭萌流出之水係從沔陽東漢分出的是漢別之潛而西漢又與之合故鄭于下節以此二水皆爲潛論水則西漢是別東漢是主故經詳東漢而卽以嶓冢冠之者因下流潛源以目漢源也若郭璞注山海經以氏道亦有嶓冢山則恐傳會喬樅謂漢志武都下但言東漢水受氏道水則

東漢水之上源更遠在氐道以外禹之導水見東漢從氐道來逐路納衆流以成川氐道亦非東漢始出之源故不著山名若西縣之嶠冢山實西漢始出之源下流又與東漢合而爲一導水之功實自嶠冢始故特著之也

沱沔旣道

夏本紀沱沔旣道

沱沔旣道

地理志沱沔旣道

又蜀郡郫縣云禹貢江沱在西東入大江

又汶江縣云江沱在西南東入江

又巴郡宕渠云潛水西南入江

水經山澤篇益州沱水在蜀郡汶江縣西南其一在郫縣西南皆還入江潛水出巴郡宕渠縣又南入于江

案尙書正義引鄭注云二水亦謂自江漢出者地理志在今蜀郡郫縣文江及漢中安陽皆有沱水潛水其尾入江漢耳首不於此出江源有郫江首出江南至犍爲武陽又入江豈沱之類歟潛蓋漢西出嶓冢東南至巴郡江州入江行二千七百六十里又水經注引鄭說云漢別爲潛其穴本小水積成澤流與漢

合大禹自廣漢疏通卽爲西漢水也故書曰沱潛旣
道胡渭曰按地理志禹貢江沱在蜀郡郫縣西此卽
今之郫江郭璞所謂沱也史記河渠書蜀守冰穿二
江成都之中漢書溝洫志同應劭風俗通曰李冰開
成都兩江灌田萬頃常璩華陽國志李冰穿郫江檢
江卽流別支流雙過郡下自漢以來皆以郫江爲沱
水李冰所穿之二江一是流江乃冰所創造一是郫
江卽禹貢之沱時必淤淺冰復從而濬深之遂并數
爲二江世皆以灌縣至廣都北岸合流江者爲郫江
之起止則所行不過三百餘里今按漢志縣虎縣王

壘山湔水所出東南至江陽入江行千八百九十里

郭璞江賦云玉壘作東別之標水經注云縣洛二水

與湔水合亦謂之郫江郫江沱水也既與湔水合則

直至瀘州入江矣

江陽今瀘州

自灌縣至瀘州行千五百

餘里安得以五城水口之枝津爲沱水西合大江之

正道哉

水經注云湔水東絕縣洛逕五城界至廣都北岸南入于江謂之五城水口

漢志

蜀郡汶江縣又有江沱在西南東入江蓋卽縣虢縣

界開明之所鑿前古所未有故蜀郡二江沱於郫縣

繫禹貢而於汶江不言禹貢也江聲曰潛漢書作潛

說文云潛水出巴郡宕渠西南入江其卽此經之潛

水歟喬樅攷漢志巴郡宕渠縣有潛水西南入江潛
水卽禹貢梁州沱潛之潛班志字皆作潛其作潛者
乃後人轉寫改之耳水經亦云潛水出巴郡宕渠縣
南入于江鄭注云潛水蓋漢水枝分潛出又江水注
云宕渠水卽潛水又漾水注云潛水出南鄭縣南巴
嶺謂之北水東南流逕宕渠縣謂之宕渠水又東南
入于漢皆以巴郡之宕渠水爲潛水漢志又云漢中
安陽縣有鬻谷水出西南北入漢師古曰鬻音潛其
字亦或從水然則班所謂鬻谷水北入漢者卽禹貢
荊州之沱潛班載禹貢文作沱潛意以鬻谷水亦卽

禹貢荊州沱潛之潛水也史記載禹貢又作沔者攷
水經亦作沔水曰漢水東過魏興安陽縣南沔水出
自旱山北注之又曰沔水出漢中南鄭縣東南旱山
北至安陽縣南入于沔司馬貞索隱亦以安陽之沔
水當禹貢荊州之沱沔潛潛古字並通班於安
陽云潛谷水入漢者據荊州之潛與漢合流言之也
於宕渠云潛水入江者據梁州之潛流入于漢漢復
入于江言之也許君潛水入江之說亦與班志合鄭
君釋沱潛與班許說異者鄭據爾雅水出江爲沱出
漢爲潛故云地理志蜀郡郫縣汶江及漢中安陽皆

有沱水潛水今南郡枝江有沱水其尾入江漢爾首
不於此出也然據上文荊州云浮于江沱潛漢是爲
貢道所經則自宜以南郡枝江之江沱及漢中安陽
之潛水當之若梁州之沱潛承岷嶓而言岷嶓爲江
漢發源之始則此沱潛亦宜以發源之始言之班志
於郫縣江沱冠以禹貢知必經師相承舊說故云然
也

蔡蒙旅平

夏本紀蔡蒙旅平○集解鄭元曰蔡蒙在漢嘉縣○索
隱曰此非徐州之蒙在蜀郡青衣縣青衣後改爲漢嘉

蔡山不知所在也○正義曰蒙山在雅州嚴道縣南十里

地理志蔡蒙旅平

又蜀郡青衣縣云禹貢蒙山谿大渡水東南至南安入
濊○應劭曰順帝更名漢嘉也○師古曰濊音哉

案續漢志蜀郡屬國漢嘉縣故青衣陽嘉二年改有
蒙山胡渭曰漢志大渡水東南至南安入濊濊當作
濊師古曰音哉誤也志言青衣縣有蒙山谿大渡水
蒙山谿卽青衣水大渡水卽沫水也水經云青衣水
出青衣縣西蒙山與沫水合沫水出廣柔徼外東南

逕旄牛縣北又東至越雋靈道縣出蒙山南東北與
青衣水合自下亦謂之青衣水又東逕峨眉山又東
注于大江酈注云靈道縣一名靈關道沫水出岷山
西東流過漢嘉郡南流衝一高山山上合下開水逕
其間卽蒙山也漢志汶江縣云濊水出徼外南至南
安東入江過郡三行三千四十里濊亦濊字之誤說
文云濊水出蜀汶江徼外東南入江从水我聲徐音
五何切故知濊當作濊也水經云江水東南過犍爲
武陽縣青衣水沫水從西南來合而注之此卽二水
會濊水入江之處也酈注云江水自武陽東至彭亡

聚曰外水又東南逕南安縣西有熊耳峽連山競險
接嶺爭高縣治青衣江會襟帶二水矣縣南有峨眉
山有濠水卽大渡水也水發蒙溪東南流與泝水合
水出徼外逕汶江道呂忱曰泝水出蜀許慎以爲泝
水也从水我聲南至南安入大渡水大渡水又東入
江也班固謂大渡水入泝道元謂泝入大渡然泝水
源長當以漢志爲正史記集解引鄭元曰地理志蔡
蒙在漢嘉縣今按志有蒙山無蔡山而鄭云然蓋以
蔡蒙爲一山也僞孔傳以蔡蒙爲二山名孔疏云蔡
山不知所在閻百詩云蔡山班志酈注並闕唐孔穎

達司馬貞並言不知所在而宋政和中歐陽忞曰蔡山在嚴道縣葉少蘊傳禹貢復指周公山以當之其可信乎要就禹貢蒙山以求最爲近之渭按就蒙山以求其惟峨眉乎左思蜀都賦曰杭峨眉之重阻華陽國志曰犍爲南安縣南有峨眉山去縣八十餘里此山之名不見於漢志蓋自周衰蜀不通中國蔡山失傳後人但以山形名之曰峨眉卒莫知蔡山之所在者以此當蔡山有可信者三峨眉在蒙山之東禹治梁自東北而西南先蔡後蒙地望相符一也蔡蒙之區禹所治者青衣沫水耳二水自蒙山下合流東

經峨眉山下入潑水二也蒙山之東惟峨眉高大與之匹旅平豈獨遺此三也禹導此二水而治功已畢蔡蒙所以旅平也

和夷底績

夏本紀和夷底績○集解馬融曰和夷地名也

地理志和夷底績

又蜀郡云禹貢桓水出蜀山西南行羌中入南海

案水經注引鄭康成曰和夷和上夷所居之地也和讀曰桓地志曰桓水出蜀郡蜀山西南行羌中又引晉地記曰梁州南至桓水西抵黑水東限扞關自桓

水以南爲夷書所謂和夷底績也是則和夷卽桓水之夷故鄭君云和夷和上夷所居之地且云和讀爲桓也惠棟云漢書酷吏傳云桓東少年場如淳曰陳畱之俗言桓聲如和故桓表謂之和表東京賦云敘和樹表是和與桓通喬樅謂班志言禹貢桓水出蜀山西南行羌中鄭君所引地志雖非班書而其說正符合是知今文家讀和夷爲桓夷鄭君書注卽據今文家說也王鳴盛曰地志于蜀山繫郡下不繫縣下蓋徼外山也元和志茂州通化縣本漢廣柔縣地蜀山在其縣東北六里漢廣柔故城在今威州西唐通

化縣今無可考大約在今茂州之保縣及威州界蜀山在此爲桓水所自出則與渝氏道徼外江水所出之岷山相連酈道元注云岷山西傾俱有桓水岷山桓水卽蜀山桓水也于和夷從鄭讀爲桓謂是蜀山桓水又引晉地道記云梁州南至桓水因謂自桓水以南爲夷卽書所謂和夷其說是矣而于西傾因桓是來則以此桓乃西傾之桓水自葭萌入西漢卽鄭所謂潛也愚謂西傾之桓水不見于禹貢酈謂因桓之桓乃西傾桓水者非是惟此和當爲桓耳

厥土青驪厥田惟下上厥賦下中三錯

夏本紀其土青驪田下上賦下中三錯

厥土青黎

地理志厥土青黎田下上賦下中三錯

案尙書釋文引馬云黎小疏也正義引王云青黑色
黎小疏也此古文尙書說也以青爲其色以黎爲其
質與今文家說不同劉熙釋名釋地云土青曰黎似
黎艸色也此據今文家說知其然者史記青黎作青
驪此據歐陽今文黎可訓小疏驪不可訓小疏也故
知今文家說以青黎爲青黑色也太平御覽三十七
引尙書禹貢梁州土青驪與史記文同正義又引鄭

注云三錯者此州之地有當出下下之賦者少耳又有當出下上中下者差復益少江聲云經言三錯是正賦之外雜出三等而正賦下中之下止有下下一等故知並其上一二等爲三錯也偽孔傳乃謂賦第八等雜出第七第九則是雜出二等并正賦爲三等當言再錯必不言三錯矣偽孔說非也

釋名釋地曰土青曰黎似黎草色也

厥貢鏐鐵銀鏐磐磬

夏本紀貢鏐鐵銀鏐磐磬○集解鄭元曰黃金之美者謂之鏐鏐剛鐵可以刻鏐也

地理志貢珍鐵銀鏤磐磬

案尙書釋文珍音蚪徐又居蚪反又閭幼反馬同韋昭郭璞云紫磨金案郭注爾疋珍卽紫磨金段玉裁曰此條最不可通蓋美玉之字从玉作珍紫磨金之字从金作鏤不能混一考夏本紀亦作珍而集解引僞孔傳珍玉名字作珍又引鄭注黃金之美者謂之鏤字作鏤裴氏不分別之云鄭作鏤此其疏也釋文馬同之下亦當有鄭作鏤三字其下曰韋昭云紫磨金案郭注爾疋鏤卽紫磨金蓋引韋昭者以其注地理志卽注禹貢也故又引郭注爾疋證之如此乃爲

通貫馬本作璆孔同鄭本作鏐韋昭漢書同馬本古文多有異者如馬作均于江海鄭作松于江海而正爲沿瑤琨馬本作瑤瓊是也又按間幼一反與爾疋釋文鏐力幼反之音相合恐是以鏐之反語誤系之璆下也今從鄭作鏐韋昭漢書作鏐疑史記亦本作鏐皆本今文尙書而古文尙書則作璆馬不改字鄭則依今文讀璆爲鏐也

熊羆狐狸織皮西傾因桓是來

夏本紀熊羆狐狸織皮西傾因桓是來○集解馬融曰治西傾山因桓水是來言無餘道也鄭元曰地理志西

傾山在隴西臨洮○索隱曰桓水出蜀郡岐山西南行
羌中入海也○正義曰括地志云西傾山今隴臺山在
洮州臨澤縣西南三百三十六里

西頃因桓是係

地理志熊羆狐狸織皮西頃因桓是係○師古曰西頃
山名在臨洮西南桓水名也言治西頃山因桓水是來
無它道也頃讀曰傾

案傾漢志作頃蓋三家尙書之異文水經注桓水篇
引鄭元注尙書云織皮謂西戎之國也西傾雍州之
山也雍戎二野之間人有事於京師者道當由此州

而來桓是隴阪名其道盤桓旋曲而上故名曰桓是
令其下民謂阪爲是曲爲桓也鄭讀與馬融異訓解
亦殊馬治古文者然則鄭說云云蓋從今文家言也
是氏古者字同說文氏部云巴蜀各山岸脅旁著欲
落墮者曰氏氏崩聲聞數百里象形一聲揚雄賦響
若是隕又阜部云陂山脅也故鄭以桓是爲山阪之
名也王鳴盛曰諸書言此阪大率皆就今鞏昌府隴
西縣東至隴州汧陽一路而言此經言由西傾因阪
以浮于潛水則當由今洮州廳東北行歷鞏昌府之
漳縣伏羌縣秦州之禮縣正西和縣浮西漢水以入

沔蓋西漢水出西嶓冢山漢志在隴西郡西縣今爲西和縣屬鞏昌府此卽潛也織皮諸國及西傾之山雖皆爲雍州境然欲由本州浮于積石則西傾之西北距積石千里皆重山疊嶂道險難達惟因桓是來則過阪卽入西漢經行甚便故鄭云雍戎二野之人有事于京師者道當由此州而來也酈道元于和夷從鄭讀爲桓謂卽蜀山桓水是矣而于西傾因桓是來以此桓乃西傾之桓水則非是也段玉裁曰按上文和字鄭讀爲桓水不應一物而一用假借一用本名是以此桓字不爲桓水連是字立文云桓是連隴

阪名今其下民謂阪爲是句曲爲桓也舉其方俗語以證已說今本譌謬乃不可讀矣古是氏通用揚雄賦氏隕師古漢書作𡗗隕師古曰𡗗音是說文阜部𡗗字下曰秦謂陵阪曰𡗗从阜氏聲𡗗乃𡗗之譌秦語與巴蜀語同鄭所云謂阪爲是也亦作坻韋昭音若是理之是譌作坻天水隴坻卽鄭注尙書之桓是也凡氏聲是聲在古音第十六部故氏是通用凡氏聲在古音第十五部故氏是不通用轉寫淆譌莫可究詰矣

浮于潛踰于沔入于渭亂于河

夏本紀浮于潛踰于沔入于渭亂于河○集解鄭元曰
或謂漢爲沔

浮于潛逾于沔

地理志浮于潛逾于沔入于渭亂于河

案禹貢言潛者四志皆作潛紀三作潛而惟此作潛
則此潛本作潛淺人或依今本改之也凡後人妄改
不盡則有參差不治之蹟

又武都郡武都云東漢水受氐道水一名沔過江夏謂
之夏水入江

又沮縣云沮水出東狼谷南至沙羨南入江過郡五行

四千里荊州川

又隴西郡首陽云禹貢鳥鼠同穴山在西南渭水所出
東至船司空入河過郡四行千八百七十里雍州寢
水經曰沔水出武都沮縣東狼谷中又東南逕沮水戍
而東南流注漢曰沮口東南至江夏沙羨縣北南入于
江沔水與江合流又東過彭蠡澤又東北出居巢縣南
又東過牛渚縣南又東至石城縣分爲二其一東北流
其一又過毗陵縣爲北江

案說文水部云沔水出武都沮縣東狼谷東南入江
水經亦云沔水出武都沮縣東狼谷中酈元注云沔

水一名沮水關駟曰以其初出沮洳故曰沮水縣亦
受名焉是漢志沮水卽禹貢之污水也胡渭曰凡水
有隨地異名者漾東流爲漢又東爲滄浪之水是也
有因他水決入而互受通稱者漢上曰沔是也道水
之文凡互受通稱者不志故道漾不言沔此經欲明
浮潛入渭中間所由之路在漾下漢上故特稱沔以
別之水經注云西漢水卽潛水自西漢邇流而屆于
晉壽界沮漾枝津南歷岡穴地邇而接漢沿此入漾
書所謂浮潛而逾沔矣歷漢川至南鄭縣屬于褒水
溯褒水暨于衙嶺之南溪水支灌于斜川

水支本作
川皮字之

也誤居于武功而北達于渭此乃水陸之相關川流之所徑復不乖禹貢入渭之宗實符尙書亂河之義也王鳴盛曰水經注說浮潛逾沔則得矣而其下云歷漢川至南鄭屬于褒水灌于斜川強爲附會殊不可信考漢志右扶風武功縣云斜水出衙嶺山北至郿入渭褒水亦出衙嶺山至南鄭入沔衙嶺山在今郿縣西南三十里褒谷口在今褒城縣北十里敘谷口在郿縣西南三十里褒水南流自衙嶺南經褒城縣東又南入于漢斜水北流自衙嶺北經郿縣東又東北入于渭二水中隔衙嶺須陸行百里始達故顏師

古曰褒斜二谷各其中皆各自有水耳正言其不相通也山谷形勢古今不易安在禹時從沔溯褒可以入斜而通渭乎自潛逾沔歷岡穴不過二十里自沔逾渭泝褒入斜所歷山嶺亦不過百里禹豈必盡從水道哉逾沔入渭當從傅氏寅以上逾字貴下入字爲確非沔渭水道可通也

黑水西河維雍州

夏本紀黑水西河惟雍州○索隱曰地理志益州滇池有黑水祠鄭元引地記曰三危山黑水出其南山海經黑水出崑崙墟西北隅也

地理志黑水西河維雍州

爾雅釋地河西曰雍州李巡注曰河西其氣蔽壅厥性
急凶故曰雍雍壅也雍兼得梁州之地西北之位陽所
不及陰壅也

案公羊傳莊十年疏引鄭注云雍州界自黑水而東
至于西河也尙書正義引王肅注云西據黑水東距
西河攷爾雅釋地雍州郭璞注亦云自西河至黑水
胡渭曰黑水今不可得詳水經注云出張掖雞山南
流至燉煌過三危山南流入于南海據括地志言出
伊吾南流絕三危山則當自燉煌北大磧外流入郡

界經白龍堆東三危山西又南經吐谷渾界中又南
經吐番界中繞出河源之外而入于南海梁州之黑
水別是一川非爲雍西界也河經龍門而南至于華
陰爲西河西河東與冀分界自今榆林衛故勝州東
北折而南且西經府谷神木又西南經葭州吳堡又
南經綏德清澗延川延長又東南經宜川又南經韓
城郃陽朝邑以至于華陰與豫接界河行凡一千七
百餘里左傳昭十三年晉叔魚謂季孫曰將爲子除
館於西河禮記子夏退而老於西河之上史記魏武
侯浮於西河而下封吳起爲西河守皆此水也王馮

盛曰周禮正西曰雍州疏云周之雍豫于禹貢兼梁州之地然雍州西北二邊世有戎翟之患其疆域未必能悉如禹貢又禹貢梁州之山水無一入職方者故杜氏言梁州當夏殷間爲蠻夷國雍之併梁亦虛名耳以今輿地約之陝西之西安同州鳳翔延安榆林甘肅之蘭州平涼鞏昌慶陽宜夏西宜涼州甘州鎮西十四府乾州邠州興安鄜州綏德肅州迪化安西八州洮州一廳漢中府除鳳縣秦州除徽縣西當爲梁州餘皆雍州其在化外者南至西傾積石西踰三危北至沙漠遼闊不可紀極矣

釋名釋州國曰雍州在四山之內雍弱也

弱水既西

夏本紀弱水既西○集解鄭元曰眾水皆東此獨西流也○索隱曰水經云弱水出張掖刪丹縣西北至酒泉會水縣入合黎山腹山海經云弱水出崑崙墟西南隅也

地理志弱水既西

又張掖郡刪丹云桑欽以爲道弱水自此至酒泉合黎案弱說文作溺水部云溺水自張掖刪丹西至酒泉合黎餘冰入于流沙从水弱聲桑欽所說此據古文

尚書也史記漢書均作弱水續漢志亦云張掖郡刪
丹縣弱水出弱卽弱之消借此皆據今文尚書也

涇屬渭汭

夏本紀涇屬渭汭○集解鄭元曰地理志涇水出安定
涇陽○索隱曰渭水出首陽縣鳥鼠同穴山說文云水
相入曰汭○正義曰括地志云涇水源出源州百泉縣
西南竿頭山涇谷渭水源出渭原縣西七十六里鳥鼠
山今名青雀山渭有三源並出鳥鼠山東流入河按此
言理涇水及至渭水又理漆沮亦從渭流復理澧水亦
同入渭者也

地理志涇屬渭汭

又安定郡涇陽云开頭山在西禹貢涇水所出東南至陽陵入渭過郡三行千六十里雍州川○師古曰开音苦見反又音牽此山在今靈州東南土俗語訛謂之汭屯山

案开頭山卽笄頭山史紀五帝紀黃帝西至于崆峒登笄頭之山是也亦作雞頭山秦始皇巡隴西北地至雞頭山是也周禮職方氏雍州川曰涇汭此不以汭爲水名者攷漢志右扶風汭縣云汭水出西北東入涇詩芮隄雍州川也班固於芮水引詩芮隄爲證

而不言禹貢則不以芮水爲禹貢渭汭之汭矣詩公
劉芮鞠之卽鄭注職方引詩作汭坂之卽芮汭字雖
相通而箋詩云芮之言內也則亦不以爲水名也說
文水部曰汭水相入也从水內內亦聲王鳴盛曰旣
云从內則內亦義故鄭云汭之言內也閔二年左傳
杜注水之隈曲曰汭隈曲卽內故鄭召誥注亦云汭
隈曲中也毛詩正義引鄭尙書注云涇水渭水發源
皆幾二千里然而涇小渭大屬于渭而入于河雍州
有二渭汭此當爲漢高陵縣地後渭汭當爲漢懷德
縣地

今朝邑

高陵者涇渭二水之會懷德者河渭二水

之會均爲水相入均爲水之隈曲也江聲曰賈公彥
周禮疏云詩箋云芮之言內今爲水名者蓋周公制
禮之時以汭爲水名當卽皇澗名曰汭爾然則目水
爲汭始于周公當公劉時猶未有汭水之名此經猶
在前則汭非水名矣

淮南墜形訓曰涇出薄洛之山○高誘注云薄洛之山
一名并頭山在安定臨涇縣西

水經曰渭水出隴西首陽縣渭谷亭南鳥鼠山東入于
河

後漢書杜篤傳論都賦曰鴻渭之流逕入于河

漆沮既從澧水攸同

夏本紀漆沮既從澧水所同○索隱曰漆沮二水漆水出右扶風漆縣西沮水地理志無文而水經以沮水出北地直路縣東過馮翊柘縣入洛說文亦以漆沮各是一水名孔安國獨以爲一又云是洛水澧水出右扶風鄠縣東北過上林苑○正義曰括地志云漆水源出岐州普潤縣東南岐漆山東入櫟陽縣南漢高帝於櫟陽置萬年縣十三州地理志云萬年縣南有涇渭北有小河卽沮水也詩云古公去邠度漆沮卽此二水括地志又云雍州鄠縣東南山澧水出焉

鄠水道同

地理志漆沮既從鄠水道同○師古曰漆沮卽馮翊之洛水也鄠水出鄠之南山言漆沮既從入渭鄠水亦來同也道古攸字也攸所也

又右扶風漆縣云水在縣西

又北地郡直路云沮水出東西入洛

水經曰漆水出扶風杜陽縣俞山東北入于渭沮水出北地直路縣東過馮翊殺胡縣北東入于洛

案漢志載漆水不言上源所出下流所入續漢志亦祇載漆縣有漆水劉昭注引山海經曰翰次之山漆

水出焉郭璞曰漆水出岐山詩云自杜漆沮地理記
曰水在縣西攷說文水部云漆水出右扶風杜陵岐
山東入渭一曰入洛王鳴盛以爲杜陵當作杜陽漢
右扶風有漆縣又有杜陽縣水經云漆水出扶風杜
陽縣俞山俞山疑卽岐山酈注引山海經又云獫狁
之山皆岐山之異文耳酈又引闕駟十三州志分爲
二漆水其說云漆水出漆縣西北岐山東入渭今有
水出杜陽縣岐山北漆谿謂之漆渠西南流注岐水
但川土奇異今說互出攷之經史各有所據識淺見
浮無以辨之矣喬樅謂二漆水同出岐山漆與杜陽

均屬右扶風則本是一水分流別注雖有小異然注
岐者亦與岐水合流以入于渭所出同所入又同不
得強分爲二水也至沮之源則自昔亦未詳所出水
經祇云沮水出北地直路縣東過馮翊殺胡縣北東
入于洛今攷寰宇記云沮水自坊州昇平縣北子午
嶺出號子午水下合榆谷慈馬等川遂爲沮水按子
午山在中部縣北亦曰子午嶺沮水出焉中部在延
安府鄜州南本漢馮翊翟道縣直路故城在焉唐屬
坊州子午嶺綿亘慶陽延安二府之間其南麓抵縣
界或云卽橋山也漆沮二水源雖各出而咸注于洛

會渭水以入于河故說文於漆水云東入渭一曰入洛班志於北地直路云沮水東入洛於歸德云洛水出北蠻夷中入河於左馮翊襄德云洛水東南入渭也洛與雒別禹貢於豫州有雒水於雍州無洛水洛水與漆沮二水合流故漆沮水亦曰洛水水經注云渭水東過華陰縣北洛水入焉闕駟以爲漆沮之水是也華陰縣北卽襄德縣南下經導渭云東會于涇又東過漆沮入于河漆沮二水自殺初已會而合流至鄭渠而與涇會又循鄭渠而東注于洛洛水又東南逕徵縣歷華陰縣西北入渭水入渭之洛會漆沮

而同流互受通稱亦得云漆沮水與禹貢導渭所云
東過漆沮者合故闕駟以洛至華陰入渭者爲漆沮
之水師古注漢書亦以漆沮爲卽馮翊之洛水也
又右扶風郿縣云古國有扈谷亭扈夏啟所伐鄠水出
東南又有滴水皆北過上林苑入渭

案水經注渭水篇云渭水自槐里縣故城南又東合

甘水

水出南山甘谷北流至鄠縣合潯水入渭甘誓云大戰于甘卽此地也

又東澧水

從南來注之地說云渭水與澧水會于短陰山內水
會無他高山異巒所有唯原阜石激而已漢書音義
張揖曰鄠水出鄠縣南山鄠谷北入渭司馬相如上

林賦曰終始瀾瀾出入涇渭澧鎬澆澗紆餘委蛇經
營乎其內蕩蕩乎八門分流相背而異態李善注引
關中紀云涇渭瀾瀾澧鎬澆澗凡八也胡渭曰案八
川惟涇在渭北餘皆在渭南出南山谷中北入渭澧
水禹功之所及故獨著於經雍州先涇次漆沮次澧
禹治水之序也導渭先澧次涇次漆沮納水之序也
段玉裁曰詩文王有聲作豐水正義引禹貢東會于
豐此字从水旁者恐是俗字地理志作酆水郊祀志
霸產豐勞涇渭豐不從水而封禪書澧澆徐廣曰澆
音勞不爲澧音則知其字本不從水也文王作邑于

豐正以在豐水之西名之水經渭水篇作豐水獨爲
合古

荆岐旣旅

夏本紀荆岐旣旅○正義已括地志云荆山在雍州富
平縣今名掘陵原岐山在岐州岐山縣東北十里按雍
州荆山卽黃帝及禹鑄鼎地也襄州荆山縣西荆山卽
下和得玉璞者

地理志荆岐旣旅○師古曰荆岐二山各荆在岐東言
二山治畢已旅祭也

又左馮翊襄德云禹貢北條荆山在南下有彊梁原洛

水東南入渭雍州寢

淮南墜地訓曰睢出荆山○注云荆山在左馮翊懷德縣之南下有荆漂原雍州浸也

水經山澤篇荆山在馮翊襄德縣南岐山在扶風美陽縣西北

終南敦物至于鳥鼠

夏本紀終南敦物至于鳥鼠○集解鄭元曰地理志終南敦物皆在右扶風武功也

地理志終南惇物至于鳥鼠○師古曰自終南西出至于鳥鼠也

又右扶風武功云太壹山古文以爲終南垂山古文以爲敦物皆在縣東

又隴西郡首陽云禹貢鳥鼠同穴山在西南渭水所出東至船司空入河

水經山澤篇終南山惇物山在扶風武功縣西南鳥鼠同穴山在隴西首陽縣西南

案尙書釋文云終南山各漢書地理志一名太一山秦記云又各地肺惇物山各漢書云垂山也今攷續漢志右扶風武功云有太一山本終南垂山本敦物與前志同惇物當作敦物乃合觀武功縣下注尙作

敦物可證蓋作惇者古文尙書也作敦者今文尙書也漢書亦用今文宜與史記文同班志特言古文以爲云云者必令文家說終南敦物與古文解異何以明之張衡西京賦曰於前則終南太一隆屈崔曄隱麟鬱律連岡乎嶓冢抱杜含鄠欲灋吐鎬是以終南太一爲二山名也潘岳西征賦曰面終南而背雲陽跨平原而連嶓冢九嶷截辟太一龍嵒亦以終南太一二山分言之此必今文家尙書說以終南與太一爲二山故張潘二賦云然終南山亦名中南左傳司馬侯曰中南九州之險是也又名終隆見淮南俶真

訓高誘注以爲卽終南山是也惇物山在今武功縣東南二百里說者以爲卽太一之北峯故連言之終南惇物亦總稱爲南山西起秦隴東徹藍田包鄠杜鵲屋綿亘八百餘里漢書東方朔傳曰夫南山天下之阻也其地從汧隴以東商雒以西其山出玉石金銀銅鐵豫章檀栢異類之物不言勝原此百工所取給萬民所仰也是已

原隰底績至于都野

夏本紀原隰底績至于都野○集解鄭元曰地理志都野在武威名曰休屠澤○正義曰括地志云都野澤在

涼州姑臧縣東北二百八十里

案尙書正義引鄭注以爲詩云度其隰原卽此原隰是也原隰幽地史記都野隸古定本尙書作豬野水經山澤篇都野澤在武威縣東北

至于豬塋

地理志原隰底績至于豬塋

又武威郡武威云休屠澤在東北古文以爲豬塋澤

案水經注云武威縣在姑臧城北三百里東北卽休屠澤也古文以爲豬野其水上承姑臧武始澤澤水二源東北流爲一水又東北逕馬城東謂之馬城河

城卽休屠城也漢志

休屠縣有休屠城

又東北與橫水合

水出姑臧城下北流注馬

城又東北清澗水入焉

水出姑臧城東而西北流注馬城河

又東與長

泉水合

水出摺次縣西北而東北流注馬城河台爲莊浪所

又東北逕宣威縣

故城南

今爲鎮番衛地

又東北逕武威縣故城東北地理志

曰谷水出姑臧南山北至武威入海屈此水流兩分

一水北入休屠澤俗謂之西海一水又東逕一百五

十里入豬野世謂之東海據此則休屠澤與豬野微

有分別或今文家說不以休屠澤爲卽豬野故班志

特以古文別識之云入海者太康地記云河北得水

爲河塞外得水爲海是也胡渭曰自原隰以至豬野

中間所厯之地不可復攷未知從何處渡河按今莊浪所本漢武威郡地延袤千餘里號爲沃壤東阻黃河與靖遠衛分水疑當時從此渡河厯莊浪抵鎮番也若夫豬野之治則亦不專治此澤必併其上源而治之姑臧皆在底績中矣漢書稱涼州之畜爲天下饒東漢時姑臧爲脂膏之地後魏書太祖滅北涼敕太子晃曰姑臧城東西二門外湧泉合於城北其大如河自餘溝渠流入漠中其間仍無燥地水草旣豐土田亦美此禹貢所以志豬野也

三危旣度三苗丕序

夏本紀三危旣度三苗大序○索隱曰鄭元引河圖及地說云三危山在鳥鼠西南與岐山相連度劉伯莊音田各反尙書作宅

三危旣宅三苗不敘

地理志三危旣宅三苗不敘

案太平御覽地部引河圖括地象曰三危山在鳥鼠之西南與汶山相接汶乃岷之假借字此篇岷嶓旣菽岷山之陽岷山導江夏本紀皆作汶據河圖括地象說三危山云云岷山作汶山與史記合蓋亦今文家言也又史記索隱載鄭君引河圖及地說云三危

山與岐山相連今攷鄭注下文道水引地記曰三危
山在鳥鼠之西而南當岷山正合南與汶山相接之
言則岐字乃汶之誤耳度字劉音田各反則讀如荒
度之度段玉裁云夏本紀作度此今文尙書也兗州
度土作居士四奧旣度作旣居此不以詁訓字代之
地理志作宅恐後人所改段說是也昭九年左傳云
先王居橐杌於四裔故允姓之姦居於瓜州杜預云
允姓之祖與三苗俱放于三危瓜州今燉煌也漢書
地理志敦煌郡云杜林以爲古瓜州生美瓜續漢志
亦云敦煌古瓜州皆不言有三危山胡渭曰按漢敦

煌唐分爲瓜沙二州水經注云三危山在敦煌縣南
括地志云在沙州燉煌縣東南四十里山有三峯故
名亦名卑羽山今爲嘉峪關外廢沙州衛地後魏書
太平眞君六年討吐谷渾杜豐追被囊度三危至雪
山卽沙州之三危也肅州舊志云白龍堆沙東倚三
危北望蒲昌是爲西極要路推其地望可以得三危
之形勢矣敘序古通用史記作大序大卽丕之訖訓
字也

淮南墜形訓曰樂民拏間在昆侖弱水之洲三危在樂
民西○注云水中可居者曰洲

司馬相如大人賦曰望崑侖之軋沕荒忽兮直徑馳乎
三危○張揖曰崑侖去中國五萬里天帝之下都也其
山廣袤百里高八萬仞增城九重面有九井以玉爲檻
旁有五門開明獸守之軋沕荒忽不分明之貌三危山
在鳥鼠山之西與嶠山相近黑水出其南陂書曰導黑
水至于三危也

水經山澤篇三危山在燉煌縣南

厥土維黃壤厥田維上上厥賦中下厥貢維璆琳琅玕

夏本紀其土黃壤田上上賦中下貢璆琳琅玕

後漢書杜篤傳論都賦曰明夫雍州禹貢所載厥田惟

上

厥貢維球琳琅玕

地理志厥土黃壤田上上賦中下貢球琳琅玕

案詩韓奕鄭箋引書黑州西河其貢璆琳琅玕釋文
曰琳字又作玲音林孔安國曰璆玲美玉也鄭注尙
書云璆美玉玲美石段玉裁曰釋文此條譌舛當云
琳音林字又作玲孔安國云璆琳美玉也鄭注尙書
云璆美玉玲美石蓋孔本作琳鄭本作玲玲與琳字
雖同部義則異物也說文玉部曰玲璲石之次玉者
廣雅曰璲玳石次玉也司馬相如子虛賦璲玳元厲

張揖曰璊玊之次玉者山海經葛山其下多璊石
郭傳璊玊石似玉璊璊同字璊玊同字郭注穆天子
傳云璊玉名非也璊璊合二字成文其單用璊字者
古文尙書及中山經穆天子傳也李善引如淳曰璊
音緘玊音勒廣韻璊音斟集韻二十一侵琳說文美
玉也古作璊此誤認爲一字正襲釋文之誤

論衡率性篇禹貢曰璊琳琅玕此則土地所生眞珠玉
也

案此今文尙書也段玉裁曰眞玉謂璊琳眞珠謂琅

玕下文云魚蚌之珠與禹貢琅玕
皆眞珠也今本譌贗不可讀

蓋古文尙書作璊

今文尙書作琳與爾疋合孔本同今文尙書也鄭本作玲其作琳者非也薛氏書古文訓作玲采諸鄭本也璆漢書作球三家之異文耳

浮于積石至于龍門西河會于渭汭

夏本紀浮于積石至于龍門西河會于渭汭○索隱曰積石在金城河關縣西南龍門山在左馮翊夏陽縣西北○正義曰括地志云積石山今名小積山在河州枹罕縣西七里河州在京西一千四百七十二里龍門山在同州韓城縣北五十里李奇云禹鑿通河水處廣八十步三秦記云龍門水懸船而行兩旁有山水陸不通

龜魚集龍門下數千不得上上則爲龍故云暴鰓點額
龍門下按河在冀州西故云西河也禹發源河水小積
石山浮河東北下霹靂勝北而南行至於龍門皆雍州
域也水經云河水又南至潼關渭水從西注之也

案漢河關縣在今陝西西甯衛西南塞外夏陽今西
安府之韓城縣也龍門山在縣東八十里與山西河
津縣分界寰宇記云龍門山北有河口略似龍門而
不能通相傳鯀治水所鑿績用弗成今名錯開河高
誘淮南注云龍門者水門也魚游其中得過者便爲
龍故曰龍門渭汭在河之西岸朝邑韓城之地皆是

也東與蒲州滎河分水此言雍之貢道故特以西岸言之蓋河自北來渭自東注實交會於華陰故曰渭
汭也

地理志浮于積石至于龍門西河會于渭汭

織皮昆侖析支渠搜西戎卽敘

夏本紀織皮昆侖析支渠搜西戎卽敘○索隱曰鄭元以爲衣皮之人居昆侖析支渠搜三山皆在西戎王肅曰昆侖在臨羌西析支在河關西西戎在西域王肅以爲地名而不言渠搜今按地理志金城臨羌縣有昆侖祠敦煌唐至縣有昆侖障朔方有渠搜縣

織皮昆崙析支渠叟西戎卽序

地理志織皮昆崙析支渠叟西戎卽序○師古曰昆崙析支渠叟三國名也言此三國皆織皮毛各得其業而西方遠戎並就次序也叟讀曰搜

又西域傳贊曰書曰西戎卽序言禹就而序之非上威服致其貢物也○師古曰禹貢之辭也序次也

又敘傳曰西戎卽序夏后是表○張晏曰表外也禹就序以爲外國也

案尙書正義云鄭以昆侖爲山謂別有昆侖之山非河所出者也攷傳記言昆侖凡四處一爲河源山海

經云昆侖墟在西北河水出其東北隅釋氏西域記
謂之阿達羈山水經注云自昆侖至積石一千七百
四十里又引涼土異物志曰懸嶺之水分流東西西
入大海東爲河源禹本紀所云昆侖是也一在海外
大荒經云西海之南流沙之濱有大山名曰昆侖其
下有弱水之淵環之此山與條支大秦國相近禹本
紀云去崑崙五萬里者是也一在酒泉漢志金城臨
羌縣西有弱水昆侖山祠崔鴻十六國春秋曰張駿
時酒泉太守馬岌上言酒泉南山卽昆侖之體周穆
王見西王母樂而忘歸謂此山也禹貢昆侖在臨羌

之西卽此明矣括地志云在酒泉縣西南八十里今肅州西南崑侖山是也一在土番通典云吐蕃自云崑侖在國中西南河之所出唐書吐蕃傳云劉元鼎使還言自湟水入河處西南行二千三百里有紫山直大羊同國古所謂崑侖虜曰悶摩黎山東距長安五千里河源其間是也王鳴盛曰案西海距玉門關四萬餘里而崑侖更在西海之南去雍州太遠其非禹貢之崑侖明甚吐蕃悶摩黎山唐以前從無以此爲崑侖者不足憑信山海經所云崑侖墟至積石一千七百里正河所出亦西戎所居鄭意蓋以臨羌之

昆侖爲西戎所居與釋文所引馬注昆侖在臨羌西者說合逸周書王會解正西有昆侖等九國孔晁注云九者西戎之別名是也鄭以析支渠搜皆山名釋文引馬云析支在河關西者水經注云自析支以西濱于河首羌居其右河水東流屈而東北逕于析支之地是爲河曲矣後漢書西羌傳云西羌之本出自三苗姜姓之別也其國近南岳及舜流四凶徙之三危河關之西南羌地是也濱于賜支至于河首縣地千里皆羌地賜支者禹貢所謂析支者也南接蜀漢徼外蠻夷西北接鄯善車師漢人以西域兩河合流

至鹽澤潛行地下南出于積石爲中國河故謂積石
爲河首讀析如賜字從聲變故一作賜支其地後爲
黨項所居通典云黨項羌在古析支之地漢西羌之
別種北連吐谷渾是也漢河關縣在今甘肅西寧縣
西南塞外地也渠搜亦西戎周書王會解云渠搜以
鼬犬孔鼪注渠搜西戎之別名是也釋文誤引漢志
朔方郡渠搜當之并引武紀北發爲證攷水經河水
自朔方東轉逕渠搜縣故城北注云禮三朝記曰北
發渠搜南撫交趾此以北對南禹貢之所云析支渠
搜矣誤始于此陸氏因之彼武紀應劭注云禹貢渠

搜屬雍州在金城河關之西西戎也劭旣知渠搜爲
西戎則必不以爲北發臣瓚亦辨之五帝本紀云西
戎析支渠搜氏羌渠搜之爲西戎無疑也胡渭曰漢
志朔方郡有渠搜縣非此所謂渠搜也龜茲王國治
去長安七千四百八十里而上郡有龜茲縣師古云
龜茲國人來降附者處之於此故以名云朔方之渠
搜亦此類也涼土異物志曰古渠搜在大宛北畋隋
書西域傳曰鑽汗國都葱嶺之西五百餘里古渠搜
國也

本裴矩西
域圖記

渠搜之在西域有明徵矣據漢書大

宛北與康居接並在大宛北畋隋書大

宛北畝豈漢時康居部落卽古渠搜之地歟西域傳
康居國王治去長安萬二千三百里大宛國王治去
長安萬二千五百五十里古渠搜在大宛北畝道里
當略同又水經注引西河舊事曰葱嶺在敦煌西八
千里通典云敦煌郡去西京三千七百五十五里并
葱嶺西五百餘里計之則鑠汗去長安一萬二千二
百五十餘里恰與康居里數相符其爲古渠搜又何
疑焉

道汧及岐至于荆山踰于河

夏本紀道九山汧及岐至于荆山踰于河○集解鄭元

曰地理志汧在右扶風也○索隱曰汧壺口砥柱大行
西傾熊耳嶧冢內方岐是九山也古分爲三條故地理
志有北條之荆山馬融以汧爲北條西傾爲中條嶧冢
爲南條鄭元分四列汧爲陰列西傾次陰列嶧冢爲陽
列岐山次陽列汧一作岍按有汧水故其字或從山或
從水猶汶山然也地理志云吳山在右扶風美陽縣西
荆山在左馮翊懷德縣南也○正義曰括地志云汧山
在隴州汧源縣西六十里其山東鄰汶岫西接隴岡汧
水出焉岐山在岐州

逾于河

地理志道汧及岐至于荆山逾于河○師古曰自此以下更說治山水首尾之次也治山通水故舉山言之汧山在汧縣西道讀曰導河卽梁山龍門

又右扶風汧縣云吳山在西古文以爲汧山雍州山北有蒲谷鄉中谷雍州苙蒲藪汧水出西北入渭

又美陽云禹貢岐山在西北中水鄉周太王所邑

又左馮翊襄德云禹貢北條荆山在南下有彊梁原洛水東南入渭雍州漢

水經山澤篇開山在扶風汧縣之西岐山在扶風美陽縣西北荆山在鴻羽懷德縣南

案續漢志亦云汧縣有吳嶽山本名汧汧水出劉昭
注引郭璞曰別名吳山周禮所謂嶽山者攷史記封
禪書言自華以西名山七曰華山薄山薄山者襄山
也岳山岐山吳嶽鴻冢瀆山瀆山蜀之汶山漢書郊
祀志云自華以西名山七曰華山薄山薄山者襄山
也岳山岐山吳山鴻冢瀆山瀆山者蜀之岷山也皆
無汧山而析吳山嶽山爲二周禮雍州其山鎮曰嶽
山鄭注亦云嶽吳嶽爾疋釋山河西嶽郭璞注同史
記正義引括地志云薄山凡有十各一名雷首一名
吳山徐廣音義曰武功縣有大壺山又有岳山蓋其

山岡巒綿亘禹貢揔謂之汧山合稱吳嶽故薄山亦有吳山之名武功又有岳山之稱也殷周嘗以汧山爲西嶽故爾疋五嶽有嶽山鄭注周禮大司樂云五嶽華在豫州嶽在雍州也班志特言吳山古文以爲汧山然則知今文家說以岳山爲汧山矣水經注云汧水出汧縣之蒲谷鄉弦中谷決爲弦蒲藪爾雅曰水決之澤爲汧也汧水東逕汧縣故城北會龍魚川水又東會一水發南山西側俗以此山爲吳山是也周禮雍州其澤藪曰弦蒲鄭注引鄭司農云弦或爲汧蒲或爲蒲蓋澤水出於汧山故以汧蒲爲名也又

續漢志美陽有岐山有周城水經注云岐水逕周城南城在岐山之陽而近西所謂居岐之陽也又歷周原下北則中水鄉成周聚也水北卽岐山矣續志無懷德縣其故城在朝邑實字記朝邑縣朝阪下引水經注云洛水東南歷彊梁原俗所謂朝阪彊梁原爲荆山之麓在朝邑縣西繞縣而北而東以絕于河古河壩也故曰至于荆山逾于河逾踰古字通用汧隸古定本作汧釋文云汧字又作汧馬本作開按水經字亦作開與馬融本合段玉裁云開从門开聲小徐本不誤古音與汧同也

又案尙書正義云從此導汧至敷淺原舊說以爲三條地理志云禹貢北條荆山在馮翊襄德縣南南條荆山在南郡臨沮縣東北是舊有三條之說也故馬融王肅皆爲三條導汧北條西傾中條嶓冢南條鄭元以爲四列導汧爲陰列西傾爲次陰列嶓冢爲次陽列岷山爲正陽列鄭元創爲此說孔亦當爲三條也王鳴盛曰四列者鄭意以下文導水就水之原委言則此導山就山之首尾脈絡言也導汧爲陰列云云者西北爲陰東南爲陽也史記天官書漢書天文志並云中國山川東北流其維首在隴蜀尾沒于勃

海碣石今鄭此注所分岼山西傾山嶓冢山岷山皆在隴蜀正所謂維首又鄭順經文前後言之其實當先正陽次次陽次正陰次陰列而至于碣石入于海正居陰列之末所謂東北流尾沒于勃海碣石者鄭注與史漢合此古義也馬云三條者漢志有北條荆山南條荆山是古有此說但以嶓冢岷山并爲一條恐不如鄭義長也江聲曰索隱引此鄭注以番冢爲陽列岷山爲次陽與正義所引不同案山以南爲陽以北爲陰岷山最在南當爲正陽番冢在岷山之北當爲次陽索隱誤也當從正義喬樅謂三條之說本

今文夏侯尚書也而馬融從之以釋古文尚書四列之說本今文歐陽尚書也而鄭君從之以注古文尚書太史公時書惟有歐陽之學固之從祖班伯受尚書於鄭寬中習小夏侯之學者天官書載中國山川首尾脈絡云云蓋卽歐陽尚書說所受之伏生者故鄭注尚書用之非鄭創爲此說也

壺口雷首至于大嶽

夏本紀壺口雷首至于大嶽○索隱曰卽霍大山也○正義曰括地志云壺口在慈州吉昌縣西南雷首山在蒲州河東縣大嶽霍山也在沁州沁源縣

地理志壺口雷首至于大嶽○師古曰自壺口雷首而
至大嶽也雷首在河東蒲阪南大嶽卽所謂嶽陽者
又河東郡北屈云壺口山在東南蒲反云雷首山在南
猗云霍大山在東冀州山

水經山澤篇壺口山在河東郡北屈縣東雷首山在河
東蒲阪縣東南太嶽山在河東永安縣

案續漢志河東郡北屈有壺口山劉昭注引禹貢曰
壺口治梁及岐蒲阪有雷首山劉昭注引馬融曰在
蒲阪華山之北河曲之中永安故猗有霍大山劉昭
注引杜預曰縣東北有霍大山胡渭曰道山自荆逾

河爲壺口故於冀言壺口於雍言龍門漢志云壺口

在北屈龍門在夏陽則兩山夾河而峙東爲壺口西

爲龍門明矣龍門山蓋卽壺口之南支河水傾注其

中形如壺然故名壺口

據吉州志

江海大魚至此不得上

上則爲龍故名龍門

據辛氏三秦記

兩山對峙體分而勢合

東必得西而始成其爲口西必得東而始成其爲門

道山言壺口道河言龍門其文互相備云雷首山在

今蒲州南或稱首山漢志蒲反有首山祠括地志云

此山西起雷首東至吳阪長數百里隨地異名大岳

卽霍山亦稱景霍晉語宰孔曰景霍以爲城韋注曰

景大也大霍晉山名今在河東絳是也

砥柱析城至于王屋

夏本紀砥柱析城至于王屋○索隱曰析城山在河東
護澤縣西南王屋山在河東垣縣東北水經云砥柱在
河東大陽縣南河水中也○正義曰括地志底柱山俗
名三門山在破石縣東北五十里黃河之中析城山在
澤州西南七十里水經注云析城山甚高峻上平坦有
二水東濁西清左右不生草木括地志云王屋山在懷
州王屋縣北十里古今地名云山方七百里高萬仞本
冀州之河陽山也

底柱析城

地理志底柱析城至于王屋○師古曰底柱在陝縣東北山在河中形如柱也析城山在濩澤西南王屋山在垣縣東北

又河東郡濩澤云禹貢析城山在西南○垣縣云禹貢王屋山沁水所出○應劭曰有濩澤在縣西北水經山澤篇砥柱在河東大陽縣東河中析城山在河東濩澤縣西南王屋山在河東垣曲縣東北

案底砥說文同字底柱之山地理志無文攷水經注河水篇云砥柱山名也亦謂之三門山在號城東北

大陽城東也師古地理志注底柱在陝縣東北云云
蓋本之漢書音義舊說唐趙冬曦三門賦序曰砥柱
山之六峯者皆生河之中流蓋夏后氏所開鑿其最
北有兩柱相對距崖而立卽所謂三門也與酈顏二
注合

太行常山至于碣石入于海

夏本紀太行常山至于碣石入于海○索隱曰太行山
在河內山陽縣西北常山恒山是也在常山郡上曲陽
縣西北○正義曰括地志云太行山在懷州河內縣北
二十五里有羊腸坂恒山在定州恒陽縣西北百四十

里

太行恒山

地理志太行恒山至于碣石入于海

河內郡山陽云東太行山在西北堊王云太行山在西
北○上曲陽云恒山北谷在西北有祠并州山禹貢恒
水所出東入滏○孟康曰堊王故邗國也今邗亭是也
○張晏曰常山郡恒山在西避文帝諱故改曰常山

水經山澤篇太行山在河內野王縣西北恒山爲北嶽
在中山上曲陽縣西北碣石山在遼西臨渝縣南水中
案續漢志河內郡野王有太行山劉昭注引韋曜曰

山在縣北又修武故南陽劉昭注引史記曰白起攻韓南陽太行道絕之山海經曰大行之山清水出焉尙書釋文云行戶剛反又如字攷太行一名五行山故讀如字淮南子云武王欲築宮於五行之山高誘注云太行山也河圖括地象曰太行天下之脊漢志以在堊王者爲太行在山陽者爲東太行其太行之支峯乎劉歆遂初賦曰馳太行之險峻入天井之高閼曹孟德樂府詩曰北上太行山艱哉何巍巍羊腸坂詰屈車輪爲之摧則太行亘絕東西天井羊腸爲道路之險阨可知矣段玉裁云大行唐石經已下作

太謨也史漢作太皆俗所改列子作大形山

又右北平驪成云大揭石山在縣西南莽曰揭石

又遼西郡繁縣云下官水南入海又有揭石水南入官

胡渭禹貢錐指曰史記秦始皇三十二年之碣石使

燕人盧生求羨門高誓刻碣石門二世元年東行郡

縣到碣石漢書武帝元年東巡海上至碣石此海濱

之山斗入海者故成帝時賈讓言禹之治水鑿龍門

闢伊闕析底柱破碣石凡山陵當路者毀之蓋伊闕

類龍門夾峙兩岸水出其間者也碣石類底柱橫絕

中流當河之衝者也析之破之不容已矣但此石猶

著海旁不知何年苞淪於海水經曰碣石山在遼西
臨渝縣南水中酈注云大禹鑿其石右夾而納河秦
始皇漢武帝皆嘗登之海水西侵歲月逾甚而苞其
山故言在水中矣

見第十四卷
末禹貢山水

又云漢司空掾王璜

言往昔天嘗連北風海水溢西南出侵數百里故張
君云碣石在海中蓋淪於海水也昔燕齊遼曠分置
營州今城居海濱海水北侵垂淪者半王璜之言信
而有徵碣石入海非無證矣

見第五卷
河水篇

又云濡水自

樂安亭南與新河故瀆合又東南至桑縣碣石山文
潁曰碣石在遼西桑縣并屬臨渝地理志大碣石山

在右北平驪成縣西南王莽改曰碣石也漢武帝亦嘗登之以望巨海而勒其石於此今枕海有石如甬道數十里當山頂有大石如柱形徃徃而見立於巨海之中潮水大至

此句下似有闕文

及潮波退不動不沒不

知深淺世名之天橋柱也狀若人造要亦非人力所就韋昭亦指此爲碣石濡水於此南入海又按管子齊桓公征孤竹至卑耳之谿涉贅水今亦不知所在昔在漢世海水波襄吞食地廣當同碣石也淪洪波也

見第十卷

濡水

酈氏三言碣石淪於海有其故有其時有其證有其狀鑿鑿可據如此曹孟德詩曰東臨碣石

以觀滄海水何澹澹山島竦峙建安十二年征烏桓

過此而作

濡水注云魏太祖征蹋頓與洵口俱導者世謂新河新河會濡水東南至碣石山而

南入海則曹公征烏桓時道經碣石可知後魏文成帝太安四年東巡登

碣石山望滄海改山名樂遊蓋此山雖淪於海而去

北岸不遠猶可揚帆攬勝車駕東巡大軍出塞者皆

登山觀海以修故事道元家酈亭距臨渝纔五六百

里所謂碣石苞淪洪波者乃以目驗知之而引王瓚

以爲證北齊文宣帝紀天保四年大破契丹於青山

還至營州登碣石山臨滄海唐志營州柳城縣北接

契丹東有碣石山此卽文宣之所登非禹貢之碣石

也疑是時平州之碣石已亡故假營州臨海之一山
爲碣石而登之以修故事自是以後登碣石者無聞
焉近世郭造卿著碣石叢談以昌黎縣北十里仙人
臺當之曰臺卽碣石之頂也絕壁萬仞上凌霄漢其
臺崇廣頂有巨石爲天橋柱人莫能至夫天橋柱酈
氏明言在海中其又可移之平陸耶

王鳴盛尙書後案曰漢志右北平驪成縣大揭石山
在縣西南遼西郡桑縣有揭石水南入官謂下官水不言
有山蓋驪成有大揭石則桑縣有小揭石可知後漢
省驪成縣說者遂不數大揭石專以小揭石言之文

類注武紀曰碣石在遼西桑縣今罷入臨渝此石著
海旁續漢志遼西郡臨渝縣劉昭注曰碣石在縣南
惟郭璞注山海經曰碣石在臨渝或云在驪成兩存
其說而酈道元水經注亦兼舉二說按酈既兼舉漢
志驪成文類纂縣二說而今昌黎撫寧乃漢驪成桑
縣境則其爲碣石者自昌黎北撫寧南諸山皆是矣
碣石當以在今昌黎北及撫寧西南者爲正詳見前卷
案胡氏專主文類武紀注以碣石在臨渝爲石著海
旁又據酈道元水經注謂碣石淪海中爲在北朝魏
齊之際王氏據班志大碣石山在驪成者爲今撫寧

縣畋揭石水在桑縣者爲小碣石在今昌黎畋以昌黎之仙人臺頂石爲天橋柱以酈道元碣石淪海爲波襄偶漸非眞泯沒無迹就二說而折衷之禹之道山必紀其大者所云太行恒山至于碣石碣石必是大山斷非專紀海旁孤石故班志於驪成特言大碣石山在縣西南旣爲大山斷無一旦淪沒海中之理則謂今昌黎北撫甯西南之仙人臺爲大碣山其說未可厚非若桑縣之小碣石屹立海旁爲海水波襄久而淪沒酈說固非無徵禹鑿碣石右夾而納河者卽此屹立海旁之石也惟郭造卿以臺頂石爲天橋

柱則語近傳會水經注明言石如柱形立於巨海之中非在平陸可知此所以爲臚明所駁也臚明云山海經曰碣石之山繩水出焉西流注于河此繩成大碣石也何以明之桑縣之碣石在濡水之東繩水苟出其山勢不得越濡水而西注于河也又云山有名同而繫之以大小者如大別小別大華少華大室少室之類是也繩成之山稱大碣石則必有小碣石在蓋卽桑縣海旁之石矣然臚明旣知碣石有大小二山而不知繩成之大碣石爲禹貢道山之碣石桑縣之碣石爲夾右納河之碣石何耶史記漢書皆言

中國山川東北流以隴蜀爲維首以碣石爲尾禹貢
道山道水所紀皆大山大川則碣石自指驪成之大
山其臨渝之旁海者特碣石支麓之盡處不當舉其
細而遺其大也續漢志無驪成故不載大碣石山劉
昭於臨渝下旣引山海經水經補注碣石之山又引
郭璞曰或曰在右北平驪成縣海邊山也可知驪成
有碣石山漢儒舊說皆然宜從漢志爲是

西傾朱圉鳥鼠至于大華

夏本紀西傾朱圉鳥鼠至于大華○集解鄭康成曰地
理志朱圉在漢陽大華山在宏農華陰南○索隱曰圉

一作圍朱圍山在天水冀縣南鳥鼠山在隴西首陽縣西南大華卽敦物山

西頃朱圍鳥鼠

地理志西頃朱圍鳥鼠至于大華○師古曰朱圍山在漢陽冀縣南大華卽今華陰山

隴西郡臨洮云禹貢西頃山在縣西南○首陽云禹貢鳥鼠同穴山在西南

天水郡冀縣云禹貢朱圍山在縣南梧中聚○師古曰圍讀與圍同

京兆尹華陰云大華山在南有祠豫州山

水經山澤篇西頃山在隴西臨洮縣西南朱圉山在天
水北冀縣南鳥鼠同穴山在隴西首陽縣西南華山爲
西嶽在左農華陰縣西南

案續漢志隴西郡臨洮有西頃山字亦作頃與前志
同胡渭曰括地志云西傾山在臨潭縣西南三百二
十六里唐洮州卽漢之臨洮今爲洮州衛西傾一名
強臺山水經注引沙州記洮水與墊江水俱出強臺
山山南卽墊江源山東則洮水源山海經曰白水出
蜀郭景純注云從臨洮之西傾山東南流入漢而至
墊江故段國以爲墊江水也洮水同出一山故知強

臺西傾之異名也又各西疆山宋書景平中吐谷渾
阿豺升西疆山觀墊江源是也隋大業二年裴矩換
西城圖記從西傾以去縱橫所亘將二萬里蓋此山
直西域之正東也通典云西傾山在臨潭縣西南吐
谷渾之階衛志云西傾山延袤千里外跨諸羌今按
白水卽梁州之桓水也西傾之戎貢道所由故禹特
往視之朱圉水經注云開山圖謂之天鼓山有石鼓
不擊自鳴鳴則兵起漢五行志成帝鴻嘉三年天水
冀南山有大石自鳴卽此山也段玉裁曰圉紀志皆
同而地理志天水郡冀下曰禹貢朱圉山在縣南郡

國志漢陽郡

明帝改曰漢陽

冀有朱圉山圉圖古通用漢志

冀縣下作圉則其前述禹貢亦必作圉夏本紀索隱

云圉一作圉蓋皆後人依尙書改爲圉也喬樞案索

隱云大華卽敦物山此小司馬之謬誤也漢書地理

志右扶風武功下云垂山古文以爲敦物索隱夏本

紀東南惇物注引作華山古文以爲敦物蓋垂字與

華相似小司馬誤仞爲華故謂此注云大華卽敦物

山不知地理志所言垂山與太一皆在武功縣東若

大華山乃在宏農郡華陰與敦物絕不相涉此不可

不亟正之以祛學者之惑也然攷小司馬致誤之由

實緣括地志史記封禪書曰自華以西各山七名川
四正義引括地志云華山在華州華陰縣南八里古
文以爲敦物也注云華嶽本一山當河水過而行河
神巨靈手盪腳蹋開而爲兩今腳跡在東首陽下手
掌在華山今呼爲仙掌河流於二山之間也開山圖
云巨靈胡者徧得神仙之道能造山川出江河也是
知索隱云云正義括地志之外誤耳垂山之譌爲華
山猶襄山之譌爲衰山封禪書云薄山者襄山也正
義引括地志云薄山亦名衰山然據索隱引應劭云
襄山在潼關北十餘里是漢書郊祀志作襄山應劭

云云卽漢書之音義則襄爲裴字之誤無疑觀裴駟
集解引徐廣曰蒲阪縣有襄山或字誤也則襄譌爲
裴徐廣所見之本已如此矣襄山卽首陽山禹貢所
謂雷首卽此山也地理志於首陽云禹貢鳥鼠同穴
山在西南續漢志注於雷首山下引馬融曰雷首在
蒲阪華山之北河曲之中大華在華州地當鳥鼠之
東南山海經曰大華之山削成而四方其高五千仞
其廣十里水經注曰華陰縣有華山遠而望之若華
狀西南有小華山也胡氏朏明以爲二華與終南氣
勢綿延雍州之旅平也曰終南惇物至于鳥鼠禹隨

刊自鳥鼠而東亦必由惇物終南以至大華篇末云
九山刊旅刊始事旅終事旅不言西傾朱圉刊不言
終南惇物其文蓋互相備也

又案元和志云雷首一名中條在河東縣南十五里
永樂縣北三十里寰宇記云中條山在芮城縣北十
五里亦曰薄山雷首之山一名中條故馬融王肅說
皆以西傾爲中條也

熊耳外方桐柏至于負尾

夏本紀熊耳外方桐柏至于負尾○集解鄭元曰地理
志熊耳在盧氏東外方在潁川嵩高山桐柏山在南陽

平氏東南陪尾在江夏安陸東北若橫尾者○索隱曰
熊耳在宏農盧氏縣東伊水所出外方山卽潁川嵩高
縣嵩高山古文尙書亦以爲外方山桐柏山一名大復
山在南陽平氏縣東南陪尾山在江夏安陸縣東北地
理志謂之橫尾山負音陪也○正義曰括地志云熊耳
山在虢州盧氏縣五十里嵩高山亦名大室山亦名外
方山在洛州城陽縣北二十三里桐柏山在唐州東南
五十里淮水出焉橫尾山古陪尾山也在安州安陸縣
北六十里

至于倍尾

地理志熊西外方桐柏至于倍尾○師古曰熊耳在陝東外方在潁川故縣卽崇高也桐柏在平氏東南倍尾在安陸東北言四山相連也倍讀曰陪

宏農郡盧氏云熊耳山在東伊水出東北入雒

潁川郡崑高云漢武帝置以奉大室山是爲中嶽有大室少室山唐古文以崑高爲外方山也○師古曰崑古崇字

南陽郡平氏云禹貢桐柏大復山在東南淮水所出江夏郡安陸云橫尾山在東北古文以爲倍尾山

案漢志宏農郡上雒云熊耳獲輿山在東北攷山海

經云謹舉之山洛水出焉疑謹舉當卽獲輿之異文
又云熊耳之山伊水出焉郭璞曰熊耳在上洛縣南
水經注云洛水東逕熊耳山北禹貢所謂導洛自熊
耳是也又云均水發源盧氏熊耳山雙峯齊秀望若
熊耳熊耳一山跨連上雒盧氏兩縣畍也胡渭云史
記五帝本紀黃帝南至于江登熊湘封禪書齊桓公
南伐至于召陵登熊山正義並引括地志云熊耳山
在商州上洛縣西十里蓋此山自上洛以至盧氏縣
且二百餘里洛水出上洛伊水出盧氏總屬禹貢之
熊耳也水經注又云洛水東北過宜陽縣南水北有

熊耳山雙巒競舉狀同熊耳此自別山不與導洛自
熊耳同是唯在宜陽者爲後起之名與禹貢無涉也
喬樅謂續漢志亦云宏農郡盧氏縣有熊耳山伊水
清水出又京兆尹上雒云有冢領山雒水出故屬宏
農劉昭注云山海經曰雒水出護舉之山案史記云
雒水出熊耳山然則護舉當是熊耳之支山也續志
又云潁川郡陽城有嵩高山劉昭注云山海經謂爲
大室之山禹貢有外方山鄭元毛詩譜云外方之山
卽嵩也孟子曰益辟禹之子於箕山之陰注云嵩高
之北攷爾疋釋山曰山大而高崧郭璞注云今中嶽

嵩高山蓋依此名邢疏引李巡云高大曰崧案崧崇
嵩三字古通用崧高後漢書熹平五年復爲嵩高韋
昭曰嵩高有大室少室之山山有石室故名戴延之
西征記曰東曰大室西曰少室嵩高其揜名也外方
古文以爲崇高山然崇高之名起於漢武秦周以前
皆稱爲大室左傳昭四年司馬侯曰四嶽三塗陽城
大室九州之險也是不一姓是也今文尙書家亦以
爲箕山故孟子箕山之陰趙岐注以爲嵩高之北蓋
卽用今文家說也續漢志又云南陽郡平氏縣桐柏
大復山淮水出劉昭引前書曰在縣南荊州記曰桐

柏淮源湧發其中潛流三十里東出大復山南山南
有淮源窟又水經云淮水出平氏縣胎簪山東北過
桐柏山注云山海經曰淮水出餘山在朝陽東義鄉
西尙書導淮自桐柏卽此也餘山疑卽桐柏之異名
大復胎簪蓋皆桐柏之支山也陪尾續漢志安陸下
無文水經注云泗水出下縣東南桃墟西北世謂之
陶墟舜所處也墟有澤方十五里澤西際阜俗謂之
鳩亭山自此連岡通阜西北四十許里岡之西際便
得泗水之源博物志曰泗出陪尾蓋斯阜矣閭若璩
曰周禮保章氏疏云外方熊耳以至泗水陪尾屬搖

星賈公彥實從春秋緯來則漢人早作是解博物志
固有所受之也喬樅謂班志稱禹貢多據今文家尙
書說其據古文說者則以古文別之間有引桑欽說
亦古文家言也此經陪尾今文家必以泗水陪尾釋
之與古文尙書以爲橫尾在安陸者說異知者賈疏
所引春秋文耀鉤語緯說皆用今文尙書博物志之
語蓋卽本今尙書說也陪漢志作倍史記作負皆三
家尙書之異文段玉裁曰負聲音聲古音同在第一
之哈部古字多以負爲倍以倍爲向背之背亦以倍
爲負

本紀譬數倍健值也數音朔倍與負同下文漢
券并責師古云弄其所負是也索隱說大誤

月令王荇生呂氏春秋作王荇生郭景純注穆天子傳云荇今菩字音倍皆其證也音轉乃入尤侯部耳水經山澤篇熊耳山在宏農盧氏縣南外方山崧高是也桐柏山在南陽平氏縣東南陪尾山在江夏安陸縣東北

道嶓冢至于荆山內方至于大別

夏本紀曰道嶓冢至于荆山內方至于大別○集解鄭元曰地理志荆山在南郡臨沮內方在竟陵名立章山大別在廬江安豐縣○索隱曰內方山在竟陵縣東北大別山在大圉安豐縣今土人謂之甌山○正義曰括

地志云章山在荊州長林縣東北今漢水附章山之東
與經史符會按大別山今沙州在山上漢江經其左今
俗猶云甌山注云在安豐非漢所經也

地理志曰道嶓冢至于荊山內方至于大別○師古曰
嶓冢山在梁州南此荊山在南郡臨沮東北內方在荊
州大別在廬江安豐也

隴西郡西縣云禹貢嶓冢山西漢所出南入廣漢白水
東南至江州入江過郡四行二千七百六十里

南郡臨沮云禹貢南條荊山在東北漳水所出東至江
陵入陽水陽水入沔行六百里

江夏郡竟陵云章山在東北古文以爲內方山

六安國安豐云禹貢大別山在西南

水經山澤篇嶓冢山在隴西氏道縣之南荆山在南郡
臨沮縣東北內方山在江夏竟陵縣東北大別山在廬
江安豐縣西南

案嶓冢胡渭據後魏地形志云華陽郡嶓冢縣有嶓
冢山漢水出焉謂此山本在漢中郡沔陽縣界西南
接葭萌自後魏以來言山之所在曰嶓冢曰西縣又
曰金牛曰三泉曰大安曰寧羗地名六變而山則一
皆在古涼州之域其爲禹貢之嶓冢無疑而班志以

隴西郡西縣之嶓冢爲禹貢之嶓冢爲謬今按胡說
非是後魏正始中析沔陽置嶓冢縣屬華陽郡此山
名出魏晉以下本不可據以解經鄭於梁州岷嶓注
旣以西縣之嶓冢釋之故於此不再釋嶓冢意以此
嶓冢亦卽西縣山也此山班志不言古文同異是與
今文家說同攷張衡西京賦云終南太一連岡乎嶓
冢潘岳西征賦云面終南而背雲陽跨平原而連嶓
冢皆主隴西而言與班志合司馬彪續漢書郡國志
云漢陽郡西縣故屬隴西有嶓冢山西漢水與鄭注
禹貢梁州言嶓冢山在漢陽西亦合凡此諸說皆今

文尚書也水經云漾水出氐道縣嶓冢山酈道元注
言東西兩源俱出嶓冢而同爲漢水常璩華陽國志
云東源出武都氐道縣漾山郭璞山海經注云嶓冢
今在武都氐道縣南攷續漢志氐道屬隴西郡云養
水出此劉昭注引巴漢志曰漢水二源東源出縣之
養山南都賦注曰漢水源出隴西經武都至武關山
悉南陽界出沔口入江巴漢志曰西漢隴西嶓冢山
會白水經葭萌入漢始源曰沔故曰漢沔案養山卽
水經所謂漾山氐道前志云禹貢養水出至武都爲
漢師古曰養字本作漾或作漾氐道與西縣俱屬隴

西水經及山海經注竝以幡冢爲在氏道則幡冢一
山必連跨二縣之界養山當卽幡冢之支也荆山續
漢志亦云在臨沮劉昭注引荆州記云西北三十里
有清谿谿北卽荆山首曰景山卽下和抱璞之處攷
左傳昭四年司馬侯曰荆山九州之險十二年右尹
子革曰我先王熊繹僻處荆山皆此南條之荆山也
淮南子云沮出荆山水經注云沮水出東汶陽郡沮
陽縣西北景山卽荆山首也又云漳水出臨沮縣荆
山是荆山非獨漳水所出亦沮水之所道也內方大
別二山續漢志云江夏郡竟陵侯國有立章山本內

方劉昭注引荊州記曰山高三十里周迴百餘里又
廬江郡安豐有大別山注云建武十年省六安以其
縣屬廬江鄭君據東漢地志故與前志稍異水經云
沔水自荊城東南流逕當陽縣之章山東注云禹貢
所謂內方至于大別者也既濱帶沔流實會尙書之
文矣水經以內方繫當陽豈當陽古與竟陵接界故
山亦得在其境與段玉裁曰班志章山之上當有立
字史記集解引鄭曰地理志內方名立章山續漢志
亦曰竟陵有立章山蓋俗本漢書因章頭似立而脫
之也王鳴盛曰大別班固鄭元司馬彪及水經皆繫

之安豐杜預定四年左傳注雖疑大別不當在安豐然亦不能言其處水經注云江水東逕魯山東古翼際山也地說曰漢與江合于衡北翼際山傍者也此條乃指在今湖北漢陽府東北漢水西岸之山而言乃漢水入江處而未嘗指爲禹貢之大別山惟元和志云魯山一名大別山在漢陽縣東北蓋因杜預以二別當近漢水故臆度在此其說非是京相璠曰大別漢東山名在安豐縣南酈子永經三十三卷洪水出廬江雩婁縣南大別山注云俗名爲檀山岵蓋大別之異名也雩婁在安豐縣西南又三十五卷注云

巴水出零婁縣之下靈山卽大別山也與漢水同出一山故世謂之分水山酈能信決水巴水所出之大別在安豐而不信漢水所至之大別在安豐何也左傳定四年吳子伐楚自豫章與楚夾漢楚子常乃濟漢而陳自小別至于大別孔疏云小別當在大別之東何則子常從小別與吳戰退而至大別明自東而漸西也按豫章杜注云漢東江北地自豫章與楚夾漢謂吳軍漢東楚軍漢西也子常濟漢而陳自小別至于大別言其師歟爲長陳自西及東若此之遠兩軍合戰則自大別以東尋傳文無從小別與吳戰退

而至大別之事也小別當在大別之西孔說正相反
安豐故城在今霍山縣西雩婁在安豐之南大別又
在雩婁之南則英山麻城羅田諸縣山勢連延西南
趨江漢水東北逕行插入其境故曰至于大別蓋此
山實在漢水之東觀子常濟漢而陳則已明明在漢
東矣而其下曰自小別至于大別大別非漢東乎今
之所謂大別實在漢水西岸豈可通乎然則大別在
安豐明矣

汶山之陽至于衡山

夏本紀曰汶山之陽至于衡山○索隱曰衡山在長沙

湘南縣東南廣雅云岫嶺謂之衡山○正義曰括地志云岷山在茂州汶川縣衡山在衡州湘潭縣西四十一里

嶠山之陽

地理志曰嶠山之陽至于衡山○師古曰嶠山在蜀郡湔氐西衡山在長沙湘南之東南

蜀郡湔氐道云禹貢嶠山在西徼外江水所出東南至江都入海過郡七行二千六百六十里
長沙國湘南云禹貢衡山在東南荊州山

案史記作汶漢書作嶠此三家尙書之異文也古文

尚書作簡正義本作岷俗字也胡渭曰吳氏云蜀以
西近江源者皆爲岷山連峯接岫青城天彭之所環
繞皆岷山也岷山之陽其山亦非一按古今言岷山
者凡四處一在今四川松潘衛史記作汶山封禪書
云自華山以西名山七有瀘山蜀之汶山也蜀志秦
宓曰蜀有汶阜之山江出其腹華陽國志云岷山一
名沃焦山其跗曰羊膊江水所出任豫益州記曰大
江泉湧始發羊膊嶺下東南下百餘里至白馬嶺而
厯天彭關水經注云岷山在蜀郡氐道縣卽瀘山也
又謂汶阜山在徼外江水所道此皆謂在松潘者也

一在今成都府之茂州本冉駹國漢以其地置汶山郡治汶江縣晉改爲廣陽山海經注云岷山在廣陽水經注云汶水出汶江道徼外嶠山玉輪坂下此在茂州者也一在城都府之灌縣縣本漢縣虎邨江源三縣地史記貨殖傳云卓氏之言曰吾聞岷山之下沃野下有蹲鴟至死不飢乃求遠徙致之臨邛酈道元水經江水注云青城山山上有嘉穀山下有蹲鴟蹲鴟卽芋也所謂下有蹲鴟至死不飢卓氏之所以樂遷徙也是青城亦岷山也一在今陝西岷州衛衛本漢隴西郡地西魏置湓樂縣括地志云岷山在岷

州溢樂南連綿至蜀幾二千里皆名岷山是則岷山
最大志家各就其所在而言觀漢志云山在徼外則
固不可以湔氐一縣限之然大江所出則必直氐道
西徼外者也

又案衡山今在湖南衡山縣西三十里尙書正義云
爾雅曰江南衡又曰霍山爲南岳邢昺疏引應劭風
俗通云衡山一名霍言萬物霍然大也郭璞云霍山
今在廬江潯縣西南別名天柱山漢武帝以衡山遠
曠移其神於此今其土俗人皆呼之爲南嶽南嶽本
自以兩山爲名非從近來也而學者多以霍山不得

爲南嶽又言漢武帝來乃始名之卽如此言謂武帝在爾雅前乎斯不然矣竊以璞言爲然何則孫炎以霍山爲誤當作衡山案書傳虞夏傳及白虎通風俗通廣雅並云霍山爲南嶽豈諸文皆誤明是衡山一名霍也

水經山澤篇岷山在蜀郡湔氐道西衡山在長沙湘南縣南

過九江至于敷淺原

夏本紀曰過九江至于敷淺原○集解徐廣曰淺一作滅駟案國語曰敷淺原一名博陽山在豫章

地理志曰過九江至于敷淺原○師古曰敷淺原一名博陽山在豫章歷陵南

豫章郡歷陵云傳易山傳易川在南古文以爲敷淺原○師古曰傳讀曰敷易古陽字

案僞孔傳云敷淺原一名博陽山在揚州豫章界博字疑皆是傳之譌敷傳古今文如淇範敷錫庶民史記宋世家作傳錫是也胡渭曰按水經注引孫放廬山賦曰尋陽郡南有廬山臨彭蠡之澤接平敞之原廬山下固有平原也山今跨德化星子二縣之境星子舊以爲漢鄡陽地然鄡陽故城在今鄡陽縣西

北一百二十里鄱陽湖之東北則都昌爲是星子似
非其地竊疑星子地本厯陵而敷淺原卽孫放所謂
平敞之原乃廬山東南之麓濱於彭蠡澤者厯陵在
柴桑之東鄒陽之西則惟星子可以當之廬山盤基
廣大其陽必有平敞之原也王鳴盛曰敷淺原乃水
也說文蠡部云廩水泉本也从蠡出厂下又重文原
字云篆文从泉徐鼎臣云今別作源非是遙字云高
平之野人所登从辵各录闕俗旣別造源以代原遂
以原代遙謂原爲高平之山原而非水泉矣江聲曰
水經云九江地在長沙下雋縣西北敷淺原地在豫

章歷陵縣西南案漢志則傳易川蓋發源于傳易山故卽以山名其川據其流則曰傳易川推本其始則謂之敷淺原水經言九江地者謂九江川流之上地也言敷淺原地者亦謂傳易川上之地也喬樅謂此節乃禹道山之事未及道川則以原爲高平之野說亦可從

水經山澤篇九江地在長沙下雋縣西北敷淺原地在豫章歷陵縣西

今文尙書經說攷卷三三之下

侯官陳喬樞學

虞夏書十七 夏書一

禹貢第十七

今文尙書三

道弱水至于合黎餘波入于流沙

夏本紀曰道九川弱水至于合黎餘波入于流沙○集
解鄭元曰地理志弱水出張掖流沙居延西北名居延
澤地記曰弱水西流入合黎山腹餘波入于流沙通于
南海馬融王肅皆云合黎流沙是地名○索隱曰水經

云合黎山在酒泉會水縣東北鄭元引地說亦以爲然
地理志張掖居延縣西北有居延澤古文以爲流沙廣
志流沙在玉門關外有居延澤居延城又山海經云流
沙出鍾山西南行昆侖墟入海按是城兼有水故一云
地名一云水名馬鄭不同抑有由也○正義曰括地志
云蘭門山一名合黎一名窮石山在甘州刪丹縣西南
七里淮南子云弱水源出窮石山又云合黎一名羌谷
水一名鮮水一名覆表水今名副投河亦名張掖河南
自吐谷渾訖流入甘州張掖縣今按合黎水出臨路松
山東而北流歷張掖故城下又北流經張掖縣二十三

里合弱水又北流經合黎山折而北流經砂磧之西入
居延海行千五百里合黎山張掖縣西北二百里也

案尙書釋文云弱本或作溺合黎馬云地名僞孔傳
以合黎爲水名正義引顧氏云地說書合黎山名但
此水出合黎因山爲名鄭元亦以爲山名喬樅謂合
黎當以山名爲是

淮南地形訓曰弱水出自窮石至于合黎餘波入于流
沙絕流沙南至南海○注云窮石山名在張掖北絕猶
過也

又云西王母在流沙之濱樂民拏間在昆侖弱水之洲

三危在樂民西

司馬相如大人賦曰經營炎火而浮弱水兮杭絕浮渚涉流沙○應劭曰弱水出張掖刪丹西至酒泉合黎餘波入于流沙

至于合黎

地理志曰道弱水至于合黎餘波入于流沙○師古曰合黎山在酒泉流沙在敦煌西

張掖郡刪丹云桑欽以爲道弱水自此西至酒泉合黎居延云居延澤在東北古文以爲流沙

案續漢志云張掖郡刪丹弱水出前志於刪丹下稱

桑欽以爲道弱水自此西至酒泉合黎然則古文說謂道弱水自刪丹非謂弱水出刪丹也續志所云當是今文家說何以明之淮南地形訓云弱水出自窮石至于合黎高誘注云窮石山名在張掖北括地志云蘭門山一名窮石在刪丹縣西南七十里攷說文山部云岬山也或曰弱水之所出从山几聲而隋志刪丹縣有祀山弱水祀山疑卽岬山之譌岬山蓋卽窮石之別名淮南及說文所載或說皆以弱水所自出在刪丹縣是本今文尙書說故與桑欽古文說不同也

又案尙書正義引鄭曰合黎山各地說云合黎山在酒泉會水縣東北攷地理志及郡國志酒泉郡會水縣皆不言合黎山惟水經云合離山在酒泉會水縣東北與鄭所引地說同酈注云合黎山也十六國春秋云呂光遣呂纂討段業戰于合離合離亦卽合黎也作離者蓋三家尙書之異文耳居延澤前志言在居延縣東北而裴駙引鄭尙書註作西北西字乃東之誤也又攷前志張掖郡牂得云羌谷水出羌中東北至居延入海過郡二行二千二百里括地志云羌谷水一名合黎水亦名張掖河自吐谷渾界北流入

張掖縣史記正義云合黎水源出臨松縣山東而北
流逕張掖故城下又北流至縣北二十三里合弱水
隋志張掖縣有合黎山羌谷水至張掖縣合黎山下
與弱水合故因山爲名曰合黎水是合黎亦弱水也
史記正義又云弱水自合黎山折而北流經砂磧之
西入居延澤行千五百里按羌谷水者張掖河之上
源也其下流與弱水合則弱水之入居延可知矣過
郡二者張掖酒泉也自合黎山至居延行千五百里
遡其源而計之則有二千二百里矣就禹貢言出刪
丹者爲弱水之正源出槃得者爲弱水之別源自刪

丹西流至酒泉合黎者弱水之正流自合黎東流至
居延流沙者弱水之餘波也水經云流沙地在張掖
居延縣東北注云居延澤在其縣故城東尙書所謂
流沙形如月生五日弱水入流沙流沙與水流行也
續漢志張掖居延屬國亦云居延有居延澤古流沙
以居延澤爲古流沙謂弱水餘波止此澤中皆本古
文說今案淮南子言弱水餘波入于流沙絕流沙南
至南海高誘注云絕猶過也是弱水通南海矣又山
海經云流沙出鍾山西行又南行昆侖之虛西南入
海是流沙亦入南海矣山海經又云西海之南流沙

之濱赤水之後黑水之前有大山曰昆侖之即其下有弱水之淵環之其外有炎火之山有人穴處名曰西王母司馬相如大人賦所云經營炎火而浮弱水兮杭絕浮渚涉流沙是也淮南地形訓亦云西王母在流沙之濱樂氏拏閭在昆侖弱水之洲高誘注云西王母石室在金城臨羌西北塞外水中可居曰洲史記大宛傳云安息長老傳聞條支有弱水西王母漢書地理志云金城臨羌縣西有西王母石室弱水昆侖山祠後漢書西域傳云大秦國西有弱水流沙近西王母所居處幾於日所入也知今文家說尙書

有以餘波入流沙者爲弱水過流沙而西南行至昆侖之虛而入南海也鄭引地記入于流沙通于南海云云蓋卽參用今文家說

至于合離

水經禹貢山水澤地篇曰合離山在酒泉會水縣東北流沙地在張掖居延縣東北○注云合離山卽合黎山也

案水經言合離山在酒泉會水與鄭所引地記合桑欽云西至酒泉合黎不言合黎在何縣則以水經爲桑欽作者殆不然也黎與離古音同段氏懋堂亦以

作合離爲今文尙書也黎漢志作藜蓋用假借字

道黑水至于三危入于南海

夏本紀曰道黑水至于三危入于南海○集解鄭元曰
地理志益州滇池有黑水祠而不記此山水所在地記
曰三危山在鳥鼠之西南○正義曰括地志云黑水源
出伊吳縣北百二十里又南流二十里而絕三危山在
沙州敦煌縣東南四十里按南海卽揚州東大海岷江
下至揚州東入海也其黑水源在伊州從伊州東南三
千餘里至鄯州鄯州東南四百餘里至河州入黃河河
州有小積石山卽禹貢浮于積石至于龍門者然黃河

源從西南下出大昆侖東北隅東北流經于闐入鹽澤
卽東南潛行入吐谷渾眈大積石山又東北流至小積
石山又東北流來處極遠當洪水時合從黃河而行何
得入于南海去此甚遠阻隔南山隴山岷山之屬當是
洪水浩浩處西戎不深致功古文故有疏略

地理志曰道黑水至于三危入于南海○師古曰黑水
出張掖雞山南流至敦煌過三危又南流而入于南海
益州郡滇池云大澤在西南滇池澤在西北有黑水祠

案杜佑通典百七十五卷載鄭引地記云三危山在
鳥鼠之西而南當岷山又在積石之西南當黑水祠

黑水出其南脅較集解爲詳攷太平御覽地部引河圖括地象曰三危山鳥鼠之西南與汶山相接上爲天苑黑水出其南汶山卽岷山河圖括地象之文與鄭所引地記合皆用今文尙書說也又山海經海內西經曰黑水出昆侖西北隅則其原在極北之處據此經文亦黑水在三危之北而地記言黑水出其南脅者此謂黑水流經三危道出于其南脅非謂其發源于三危之南也黑水之原自三危以北不可得詳而三危以南亦莫知於何入海楚詞天問曰黑水元趾三危安在蓋自戰國時此地之山川已同渺茫况

秦火之後載籍淪亡漢興治尙書者不能言黑水三危之所在故前志續志竝無其文淮南地形訓載九州八極水有六品黑水其一也高誘注云黑水在雍州地形訓又云三危在樂民西高誘無注惟山海經南山經云灌湘之山又東五百里曰雞山黑水出焉西南流注于海郭璞無注酈道元水經注云黑水出張掖雞山南流至敦煌過三危山南流入于南海太平御覽引張掖記曰黑水出縣界雞山亦名元圃昔有娥女簡狄浴于元止之水卽黑水也據此則雞山當在張掖郡麟得縣界攷淮南地形訓言有娥在不

周之北西王母在流沙之濱樂民拏間在昆侖弱水之洲三危在樂民西是弱水黑水皆在西北弱水自張掖刪丹至酒泉合黎餘波入于流沙通于南海則謂此黑水自張掖雞山至敦煌過三危山而南流注于南海語似可信括地志又云黑水源出伊吾縣北南流二千里而絕三危山所言黑水源獨異王鳴盛曰伊州本伊吾廬地貞觀初內附乃置郡縣今爲哈密竝無黑水源所謂南流絕三危者亦無可攷其說殆不足據也至按語以南海爲卽揚州東大海則舛謬殊甚矣南海者交趾一廣之海也

水經山澤篇三危山在燉煌縣南

道河積石至于龍門

夏本紀曰道河積石至于龍門○索隱曰爾雅云河出
崑侖墟其色白

大宛列傳太史公曰禹本紀言河出崑崙崑崙其高二
千五百餘里日月所相避隱爲光明也其上有醴泉瑤
池今自張騫使大夏之後也窮河源惡睹本紀所謂崑
崙者乎故言九州山川尙書近之至禹本紀山海經所
有怪物余不敢言之也○索隱曰案山海經河出崑崙
東北隅西域傳云南出積石山爲中國河積石本非河

之發源猶尙書道洛自熊耳然其實出於慈嶺山乃東經熊耳今推此義河亦然矣則河源本崑崙而潛流至于圃又東流至積石始入中國則山海及禹貢各互舉耳

地理志曰道河積石至于龍門○師古曰積石山在河關西羌中龍門山在夏陽北言治河施功自積石起鑿山穿地以通其流至龍門山也

金城郡河關云積石山在西南羌中河水行塞外東北入塞內至章武入海過郡十六行九千四百里左馮翊夏陽云禹貢龍門山在北

西域傳云河有二源一出蔥嶺一出于闐于闐在南山下其河北流與蔥嶺河合東注蒲昌海蒲昌海一名鹽澤者去玉門陽關三百餘里廣袤三四百里其水停居冬夏不增減皆以爲潛行地下南出于積石爲中國河又張騫傳贊曰禹本紀言河出昆侖昆侖高二千五百里餘日月所相避隱爲光明也自張騫使大夏之後窮河原惡睹所謂昆侖者乎故言九州山川尙書近之矣至禹本紀山海經所有放哉○鄧展曰漢以窮河泉於何見昆侖乎尙書曰道河積石是謂河原出於積石積石在金河關不言出昆侖也○如淳曰放放蕩迂闊不

可信也

淮南墜形訓曰河水出昆侖東北陬貫渤海入禹所導積石山○注云渤海大海河水自昆侖由地中行禹導而通之至積石山

案山海經海內經云海內昆侖之墟在西北河水出東北隅以行其北西南又入勃海又出海外卽西而北入禹所道積石山又西山經云積石之山其下有石門河水冒以西流水經云昆侖虛在西北去崇高五萬里地之中也河水出其東北陬訕從其東南流入于勃海又南出蔥嶺山其一原出于闐國南山北

流與慈嶺河合東注蒲昌海又出海外南至積石山

下有石門河水冒以西南流又東入塞過敦煌酒泉

張掖郡南

舊文有舛錯此從鄭注訂正

酈注引高誘稱河出昆侖

山伏流地中萬三千里禹道而通之出積石山積石
爲河始入中國之處故禹道河施功所及始於積石
也淮南地形訓云河水出昆侖東北陬貫渤海入禹
所道積石山高誘注云渤海大海河水自昆侖由地
中行禹道而通之至積石山按此皆今文尙書說也
爾雅亦今文之學故以爲河出昆侖虛也王鳴盛曰
後漢書段熲傳云自張掖追西羌且闕且行四十日

至河首積石山出塞二千里此所言是禹貢之積石也自東晉以後而河關故縣爲吐谷渾所據隋大業二年平吐谷渾于赤水城置河源郡以境有積石山名唐儀鳳二年改置河源軍在鄯州西北二十里又于澆河故城置積石軍在廓州西南百五十里而積石之名遂移于塞內故李賢注後漢書誤認龍支之小積石爲禹貢之積石于桓帝紀延熹二年燒當等八種羌叛隴右護羌校尉段熲追擊于羅亭破之注云東觀記曰追到積石山卽與羅亭相近今鄯州又三季燒當羌叛段熲追擊于積石大破之注云積石

山在今鄯州龍支縣南卽禹貢道河積石是也杜佑亦云積石山在今西平郡龍支縣南卽禹貢積石其說皆非也自古言河出昆侖而雍州昆侖在臨羌非河源山海經言昆侖荒遠無攷惟于閩之西水西流注西海其東水東流注鹽澤鹽澤潛行地下南出爲河源見史記大宛傳漢書西域傳言河源者以此爲正喬樅謂水經言河水出昆侖東北陬訕從其東南流入勃海又南出慈嶺山又言其一原出于閩國南山北流與慈嶺河合東注蒲昌海又出海外南至積石山下與西域所云河有二源正合其一遠原本出

昆侖其一近原乃出于闐南山故張騫傳云漢使窮河源其山多玉石采來天子案古圖書名河所出山曰昆侖云然則于闐之南山漢武以來曾有昆侖之稱此與鄯州龍支之山隋大業後遂以爲河源之積石其事蓋相同也又案淮南地形訓云龍門在河淵高誘注云龍門在河東馮翊夏陽畛又本經訓云舜之時其工振滔洪水以薄空桑龍門未開呂梁未發高誘注云龍門河之隘在左馮翊夏陽北禹所鑿也又修務訓云禹沐浴淫雨櫛扶風決江疏河鑿龍門高誘注云龍門水門魚遊其中得過者便爲龍故曰

龍門禹闢而大之故言鑿也

又案水經注云河自蒲昌有隱淪之證重源出于積石之山禹貢所謂道河自積石也山在西羌之中司馬彪曰西羌者自析支以西濱于河首左右居也河水屈而東北流逕於析支之地是爲河曲矣應劭曰禹貢析支屬雍州在河關之西東去河關千餘里羌人所居謂之河曲羌也河水又南逕皮氏縣西北屈故城西十里有風山風山西四十里有孟門山淮南子曰龍門未闢呂梁未鑿河出孟門之上大湓逆流無有邛陵高阜滅之名曰洪水滅禹疏通謂之孟門

孟門卽龍門之上口也實爲黃河之巨阨此石經始
禹鑿河中漱廣夾岸崇深傾崖返捍巨石臨危若墜
復倚其中崩浪萬尋懸流千丈鼓若山騰迄於下口
方知慎子下龍門流駛竹箭非駟馬之追也魏土地
記曰梁州北有龍門山大禹所鑿通孟津河口廣八
十步巖際鐫迹遺功尙存

司馬相如大人賦曰竭度九江越五河○師古曰仙經
說有紫碧絳青黃之河非謂九河之內亦非五湖也
水經河水篇崑崙墟在西北去嵩高五萬里地之中也
其高萬一千里河水出其東北陬屈從其東南流入于

渤海又出海外南至積石山下有石門河水冒以西南
流

水經山澤篇積石在隴西河關縣西南龍門山在河東
皮氏縣西

南至于華陰

夏本紀曰南至華陰○正義曰華陰縣在華山北
地理志曰南至于華陰○師古曰自龍門南流以至華
陰

案水經注云河水南出龍門口汾水從東來注之昔
大禹導河積石疏決梁山謂斯處也又南逕梁山原

東又南逕汾陰縣西又逕邵陽城東又南逕陶城西
又南逕蒲阪縣西又南逕雷首山西又南歷船司空
與渭水會又南流潼激關山因謂之潼關胡渭曰以
今輿地言之河自韓城縣龍門山南流與汾水合又
南逕邵陽東其東岸則榮河縣臨晉縣又南逕朝邑
縣東又南至華陰縣東北與渭水合其東岸則蒲州
又南逕雷首山西至潼關衛北折而東是爲河曲此
河水南至華陰之所經雍州文所稱龍門西河者也
東至于砥柱

夏本紀曰東至砥柱○正義曰砥柱山俗名三門山禹

鑿此山三道河水故曰三門也

東至于底柱

地理志曰東至于底柱○師古曰又折而東經底柱
張衡東京賦曰底柱輟流○薛綜注曰底柱山名也河
東縣東南向居中猶柱然也輟止也

案砥底古字通用水經云河水又東過砥柱間酈注
曰砥柱山名昔禹治洪水山陵當水者鑿之故破山
以通河三穿既決水流疏分指狀表目亦謂之三門
矣山在虢城東北大陽城東也鄭元云地說河水東
流貫砥柱觸闕流今世所謂砥柱蓋乃闕流也砥柱

當在西河余按鄭說非是西河當無山以擬之自砥
柱以下五戶以上其間一百二十里河水竦石桀出
勢連襄陸蓋亦禹鑿以通河疑此閼流也其山雖關
尙梗湍流激石雲洄濺波怒溢合有一十九灘水流
迅急勢同三峽破害舟船自古所患王鳴盛曰酈因
西河無山可當底柱而以鄭爲非然酈以底柱卽三
門元和志同此說必相沿已久而唐王翰遊三門記
曰三門集津在平陸縣東六十里禹鑿山作三門以
通河流南爲鬼門中爲神門北爲人門鬼門迫窄水
勢極峻急人門水稍平緩直東可五十步中流有小

山乃砥柱也神門最修廣水安妥然則底柱與三門異地鄭之分析當亦爲此其說確甚酈以三門爲底柱五戶諸灘爲閼流則非矣若西河者鄭禮記注以爲龍門至華陰之地要之華陰以下皆得稱之也

又東至于盟津

夏本紀曰又東至于盟津○索隱曰盟古孟字孟津在河陰十三州記曰河陽縣在于河上卽孟津是也○正義曰杜預云盟河內郡河陽縣南孟津也在洛陽城北都道所湊古今爲津武王反之近代呼爲武濟括地志云盟津周武王伐紂與八百諸侯會盟津亦曰孟津又

曰富平津水經云小平津今云河陽津是也

地理志曰又東至于盟津○師古曰盟讀曰孟孟津在洛陽之北都道所湊故號孟津孟長大也

張衡東京賦曰盟津達其後○薛綜注曰孟津四瀆之長故武王爲諸侯約誓於其上尙書曰東至于盟津盟津地名在洛北都道所湊古今以爲津

案孟古通作盟故史記漢書述今文尙書皆作盟津大戴禮引伯夷曰明孟也是明與孟誼通盟字從明故亦與孟通用水經注曰河南有鉤陳壘世傳武王伐紂八百諸侯所會處河水至此有盟津之目論衡

日武王與八百諸侯咸同此盟故孟津亦曰盟津尙
書所謂東至于孟案當作盟字此引尙津者也書盟津以爲證也橋樅
謂據論衡語則禹時止稱孟津以河爲四瀆之長也
武王會盟以後始有盟津之目耳

東過雒汭至于大邳

夏本紀曰東過雒汭至于大邳○索隱曰爾雅云山一
成曰邳或以爲成皐山是○正義曰李巡云山再重曰
英一重曰邳括地志云大邳山今名黎陽東山又曰青
壇山在衛州黎陽南七里張揖云今城皐非也

東過雒汭至于大伾

地理志曰東過洛汭至于大伾○師古曰洛汭洛入河處蓋今所謂洛口也山再重曰伾大伾山在成臯

溝洫志曰禹堙洪水十三年通九道陂九澤度九山然河災之羨溢害中國也尤甚唯是爲務故道河自積石厯龍門南到華陰東下底柱及盟津雒內至于大伾○鄭氏曰山一成為伾在修武武德界○張晏曰成臯縣山是也○臣瓚以爲今修武武德無此山也成臯山又不一成也今黎陽山臨河豈是乎○師古曰內讀曰汭解在地理志

案史記作雒漢書溝洫志亦作雒則地理志洛字蓋

後人依梅本尙書改之耳。汭溝洫志作內猶雍州渭
汭本又作內也。伾尙書釋文云本又作𡵓字或作𡵓
段玉裁曰按東京賦底柱輟流鍾以大𡵓李善注引
東過大𡵓此正釋文又作之本也。夏本紀水經作邳
疑卽𡵓字之異體也。余疋山一成𡵓或作伾說文土
部曰坏卽一成者也。从土不聲字皆不同而音則一
此據水經注所引說
文語今本說文譌誤

又案地理志宏農郡上雒云雒水至鞏入河。續漢志
河南尹鞏下劉昭注引帝王世紀夏太康五弟須于
雒汭在縣東北三十里京兆尹上雒下劉昭注引山

海經雒出王城南至相谷西東北流去虎牢城西四十里注河口謂之雒汭攷說文水部云汭水相入也然則鞏縣雒入河之處卽所謂雒汭也書序云太康失邦昆弟五人須于雒汭作五子之歌召誥曰太保乃以庶殷攻位于雒汭史記周本紀武王曰自雒汭延于伊汭居易毋固其有夏之居皆謂此雒汭也左傳昭元年天王使劉定公勞趙孟于雒汭劉子曰美哉禹功明德遠矣微禹吾其魚乎杜注云雒汭在河南鞏縣南水曲爲汭酈道元水經注云雒汭卽什口史記張儀說秦曰下兵三川塞什谷之口什谷亦名

鄆谷史記音義曰鞏縣有鄆谷水是也

又案江聲曰水經云大邳地在河南成臯縣北張晏注溝洫志說同而鄭氏以爲在修武武德賧臣瓚又以爲黎陽臨河山蓋諸家誤執山一成伾爲說故皆不得其實大邳實是地名非山也其地从卩水經與史記同水經注五卷引鄭元曰大伾地喉也沅出邳際矣是足證大邳爲地名矣沅出邳際者沅水至河內武德入河洑出河南爲滎澤大邳豈近其軼出之處故曰沅出邳際矣王鳴盛曰鄭注禹貢多引地說大陸注引地說以爲地腹此云地喉與彼相似故知

地說文鄭又云然則在河內修武武德之畋洊洊之水與滎播澤出入自此地說但云洊出鄭兼出入以增成地說之義也水經注云河水東逕成臯大坯山下禹貢過洛汭至大坯者也臣瓚謂大坯在黎陽以修武武德無山可當不知山僅一成卑淺已甚修武武德臨河岡阜豈無足當之者張揖以河南岸之成臯當之則又差高大其說尤密疑大坯之名南北皆得稱之知坯祇一成則知必非黎陽高大之山矣若大坯在黎陽河已折而北矣何經以東字貫大坯而以北字繫于大坯之下乎當以鄭說爲正

水經山澤篇大邳地在河南城皋縣北

後漢書明帝紀永平十三年詔曰東過洛汭歎禹之績
北過降水至于大陸

夏本紀曰北過降水至于大陸○集解鄭元曰地理志
降水在信都南○索隱曰地理志絳水字從糸出信都
國與虜池漳河水並流入海大陸在鉅鹿郡爾雅云晉
有大陸郭璞以爲此澤也○正義曰括地志云降水源
出潞州屯留縣西南方山東北流冀州入海

地理志曰北過降水至于大陸○師古曰降水在信都
大陸在鉅鹿

上黨郡屯留云桑欽言絳水出西南東入海

信都國信都云故章河故虘池皆在北東入海禹貢絳水亦入海

鉅鹿郡鉅鹿云禹貢大陸澤在北

溝洫志曰禹曰爲河所從來者高水湍悍難已行平地數爲敗迺醜爲二渠引其河北載之高地過降水至於大陸播爲九河○孟康曰醜分也分其流泄其怒也二渠其一出貝邱西南南折者也其一則漯川也河自王莽時遂空惟用漯耳○師古曰播布也

案續漢志安平國信都云有絳水呼沱河又鉅鹿郡

鉅鹿云故大鹿有大陸澤絳水字作絳與前書志屯
畱及信都下作絳水合尚書釋文云降如字鄭戶江
反正義曰鄭以降讀爲下江反段玉裁曰案戶江下
江一也水經注濁漳水篇曰鄭元注尚書引地說云
大河東北流過絳水千里至大陸爲地腹如志之言
大陸在鉅鹿地理志曰水在安平信都鉅鹿與信都
相去不容此數也水土之名變易世失其處見降水
則以爲絳水故依而廢讀或作絳字非也今河內其
北山淇水出焉東至魏郡黎陽入河近所謂降水也
降讀如鄜降于齊師之降蓋周時國于此地者惡言

降故改云其音恭耳王裁謂周秦漢時邴降字讀如洪

今音則升降絳色字讀如恭今音則鄭意尙書降水

戶江反

古巷反

本讀如洪降水由洪水出其北山得名其國之字夏商周本亦讀如洪也而周時或惡其與邴降同音乃改讀如恭敬之恭則與升降絳色字同音漢人乃移信都之絳水實尙書之降水既廢其舊讀又或徑改字作絳蓋鄭謂降水卽其水其水實卽洪水酈善長駁其非是引禹貢作降水說以漢志之屯留絳水云與濁漳合俱得通稱地理志信都下載禹貢絳水入海屯留下引桑欽言絳水出西南東入海郡國志亦

云信都有絳水屯畱絳水出此皆釋禹貢也而字作絳則前志述禹貢經文字亦必作絳不爾則禹貢絳水四字前無所承今本地理志溝洫志錄禹貢皆作降淺人用尙書改之耳夏本紀河渠書索隱亦皆作降且分別之云地理志从糸作絳而張守節正義引括地志云絳水源出潞州屯畱縣西南方山東北流冀州入海卽地理志桑欽說也張本作絳與小司馬本作降不同蓋今文尙書作絳是以史漢皆從之今本漢志亦有作北過絳水者字之誤耳孟子曰書曰絳水敝于絳水者洪水也絳洪古音同孟子舉其同

音故訓與巡狩者巡所守也征之爲言正也仁也者人也畜君者好君也一例說文水部曰淇泂水也泂水不遵道也僞大禹謨竊孟子乃作降水訓曰下水夫水無不下下水何足倣人孔傳旣泂誤爲降而蔡氏集傳於禹貢又降誤爲泂其不通一也降水者水名也豈泂洞無涯之謂泂玉篇唐韻皆下江切與鄭注尙書降水音合故俗本改降爲泂此恐不始於蔡氏也喬樅謂水經注引桑欽云泂水出屯留西南東入漳與班志所引不同疑班志海字乃漳之誤桑欽治古文尙書者以泂水爲入漳此據古文說故班志

特著之其信都下以絳水爲入海此據今文家說也
水經注云絳水西出穀遠縣東發鳩之谷爲濫水東
逕屯留縣故城南東北流入于漳又云濁漳水出上
黨長子縣西發鳩山長子縣故城南屈從縣東北流
又東逕屯留縣南又屈逕其城東東北流有絳水注
之是絳水入漳之證故桑欽云絳水出屯留西南東
入漳也發鳩山一名鹿谷山續漢志上黨郡屯留云
絳水出劉昭注引上黨記曰有鹿谷山濁漳所出一
名鹿瀆山見寰宇記引冀州圖卽班志所云鹿谷山
也又云漳水會漳沱別瀆又東北入清河又東北逕

章武平舒入海此卽信都入海之道也故章河卽故漳河乃禹河之故道漢時信都之漳水徙從其縣南故地志以此爲絳水而目縣北之瀆爲故漳河其後漳又復北道故水經敘漳水仍自信都縣東北過下博縣稱爲故瀆而云絳瀆今無水也鄭君不以信都之絳水爲卽禹貢之降水而以河內其縣之其水當之則據地說大河過降水千里至大陸而鉅鹿距信都相去不容此數故也然班志於信都絳水特冠以禹貢必尙書家相承舊說如是故據以爲言爾今按河自大邳西南折而北爲宿胥口出內黃安陽之間

逕臨漳自此東北歷成安至肥鄉而合漳是爲北過
絳水漳絳至此并爲河矣及河南徙漳絳循河故道
而下故酈元云水流間關所在著目信都復見絳名
而東入于海也水經注云漳水自斥漳縣南又東北
逕平恩故城西又東北逕南曲縣故城西又東北逕
曲周縣故城東又北逕巨橋邸閣西又北逕鉅鹿縣
故城東又歷經縣故城西有薄落津又逕沙邱臺東
又逕銅馬祠東皆漢鉅鹿縣境大陸澤在焉此卽禹
河北過絳水至于大陸之故道也胡渭禹貢錐指曰
按宋張洎云降水卽濁漳也字或作絳酈道元水經

注云絳水發源屯留下亂漳津與漳俱得通稱也河渠書云禹道河至于大邳乃斷二渠以引其河北載之高地過降水至于大陸二渠者其一爲漯川自黎陽南東北流至千乘入海其一則河之經流自大邳西南折而北爲宿胥口又東北逕鄴縣東至列人斥漳縣界合漳水是爲北過降水溝洫志載王橫曰禹之行河本隨西山東北去周譜云定王五年河徙則今所行非禹之所穿宜更開空使緣西山足乘高地而東北入海卽此道也水經所敘漳水自平恩以下皆禹之故道河自斥漳又東北逕平恩曲周以至鉅

鹿其西畔爲大陸漳水雖善徙爲南北兩厓所束終不能遠汜濫禹引河由此入海此所以爲聖人之智後世易之宜其數敗也又曰漢時漳水自平恩以下爲禹道之故道有可證者五漢志漳水東北至阜城入大河又滏水東至文安入大河庠沱東至參合入庠沱別從河東至文安入海是水經所敘漳水自成平以下至章武入海者在西漢猶爲大河證一也又成平縣有庠沱河民曰徒駭河與許商所言正合蓋漳水自東昌會庠沱河又東逕弓高至成平世謂之庠沱然漳故徒駭也土俗猶能識之不言漳庠沱仍

曰徒駭證二也水經濁漳注曰鬲般峙其東北徒駭
潰連漳絳則漳絳卽徒駭之上流通爲一川證三也
唐書地理志清池縣五十里有徒駭河西隄是浮陽
參戶之漳水亦古徒駭證四也齊乘曰河昔北流衡
漳注之河旣東徙漳自入海安知北流之漳非古徒
駭河歟證五也凡河所經之地納山源大川則河徙
而潰空漳水循河故道以專達于海是也周定王時
河徙有漳水行其故道猶可推尋反覆參驗益信漳
水東出爲禹河之故道非臆說也王鳴盛尙書後案
以胡氏爲非而力主鄭君屯氏河爲故道之說以愚

攷之漢書溝洫志明言自塞宣房後河復北決於館陶分爲屯氏河東北經魏郡清河信都勃海入海班固以東漢初人紀西漢時事確有可憑史記河渠書僅載築宣防而止不得以史記無此語爲疑溝洫志又云元帝永光五年河決清河靈鳴犢口而屯氏河絕成帝初清河都尉馮遂奏言郡承河水下流與兗州東郡分水爲界尤卑下頃所以闕無大害者以屯氏河通兩川分流也今屯氏河塞靈鳴犢口又益不利獨一川兼受數河之任雖高增隄防終不能泄禹非不愛民力以地形有勢故穿九河今旣滅難明屯

氏河不流行七十餘年新絕未久可復浚以助大河
泄暴水事下丞相御史白博士許商治尙書善爲算
能度功用遣行視以爲屯氏河可且勿浚鴻嘉四年
勃海清河信都河水湔湔河隄都尉許商與丞相史
孫禁共行視圖方略禁以爲今金隄間開通大河令
入故篤馬河至海五百餘里水道浚利許商以爲古
說九河之各有徒駭胡蘇鬲津今見在成平東光鬲
泇中自鬲以北至徒駭間相去二百餘里今河雖數
移徙不離此域孫禁所欲開者在九河南篤馬河失
水之迹不可許公卿皆從商言商治尙書者其前之

以屯氏河爲可勿浚必以屯氏河非禹河故道也地理志於魏郡鄴縣云故大河在東北入海於館陶云河水別出爲屯氏河東北至章武入海過郡四行千五百里分析明白如此是屯氏確爲大河別出之河豈得以爲禹河之故道且志於金城郡河關云河水行塞外東北入塞內至章武入海過郡十六行九千四百里可知鄴所云故大河者指此河而言故不言所行郡及里數文從省也王氏於班志每稱禹貢皆曰此古義也而於絳水獨不信其說何哉觀桑欽治古文尙書者其釋降水仍從今文尙書作絳字則禹

貢之降水卽絳水其說確不可易矣

又北播爲九河同爲迎河入于海

夏本紀曰北播爲九河同爲逆河入于海○正義曰播布也河至冀州分布爲九河下至滄州更同合爲一大河名曰逆河而夾右碣石入於渤海也

地理志曰又北播爲九河同爲逆河入于海○師古曰同合也九河又合而爲一名爲逆河言相迎受也海卽渤海是也

案紀無又字文從省耳尙書正義引鄭曰播猶散也同合也下尾合名曰逆河言相向逆受也鄭所云逆

受卽迎受也段玉裁曰古文尙書作逆河今文尙書作迎河漢書溝洫志同爲迎河是也其地理志同爲迎河朱子京妄改爲逆河史記夏本紀河渠書皆作同爲逆河而河渠書又言東闕洛

當作維

汭大邳迎河

則知兩逆字本皆作迎其參差不一皆繇後人以所習改竄可推而知也地理志勃海郡莽曰迎河南皮莽曰迎河亭亦用今文尙書語迎與逆雙聲方言自關而東曰逆自關而西曰迎白虎通引顧命迎子釗此今文尙書之一證也金縢之新逆伏生書當作迎此可意揣而知者也喬樅謂據徐堅初學記云逆迎

也言海口有朝夕潮以迎河水堅唐初人語當本於
尚書舊說也

入于勃海

河渠書夏書曰播爲九河同爲迎河入于勃海

溝洫志曰夏書播爲九河同爲迎河入于勃海○臣瓚

曰禹貢夾右碣石入于海

河渠書集解作海與夏本紀合今本溝洫志注作河非也

然則河口之入海乃在碣石也武帝時河徙東郡更注
勃海禹時不注勃海也

案尚書言入于海耳史記夏本紀漢書地理志述禹
貢文竝同而河渠書溝洫志皆云入于勃海尚書僞

孔傳地理志顏注亦皆云入勃海攷地理志言河至
章武入海章武屬勃海郡治浮陽卽今滄州九河故
道皆在德棣滄景間溝洫志引王橫曰徃者天嘗連
雨東北風海水溢西南出竄數百里九河之地已爲
海所漸矣九河尙爲海漸及則逆河漸於海可知今
勃海南北相距有五百里之遠則兩岸之地其爲海
水所漸者多矣北岸所漸者漢之驪成縣界驪成屬右
北平縣屬遼西郡今爲灤州樂亭昌黎地南岸所漸者漢之
漯沃琅槐廣饒鉅定壽光平壽界漯沃琅槐屬千乘
廣饒鉅定屬齊郡
壽光平壽屬北海郡今爲濰化利津蒲臺樂安壽光濰縣界其

所溢出南北殆二百餘里則古之逆河當北起寶坻
南界厯靜海滄州鹽山海豐及肅化北界而止天官
書云中國山川其維首在隴蜀尾沒於勃碣天文志
增其文曰尾沒於勃海碣石此言川流盡於勃海山
脉盡於碣石也經言夾右碣石入於河知迎河在碣
石之西矣又言至於碣石入於海知海又在碣石之
東矣禹之道河從碣石入勃海上應天文下協地理
漢武帝所謂聖人作事爲萬世功通於神明者也臣
瓚以爲元光三年河從東郡更注勃海禹時不注勃
海其說非是勃海甚廣占漢遼西右北平勃海千乘

東萊北海六郡之地跨古冀兗青三州之界自禹時以迄於漢河之所入皆勃海也濟漯濰淄之所入亦皆勃海也河自章武入海碣石正當其衝東漢以後河及濟漯濰淄諸水其入海處乃遠在碣石之西南耳漢書武帝紀云元光三年河水徙從頓邱東南流入勃海蓋初經頓邱縣西北至是改流自戚城西決而東北過其縣東南歷畔觀至東武陽奪漯川之道至千乘入于勃海非河先不入勃海至元光徙流而始入勃海也攢田不知漢時勃海卽古迎河故址後爲海水所漸故云然耳古之迎河逕驪成至桑縣碣

石乃入海又過郡二石北平及遼西行三百餘里王莽知迎河當在勃海郡地而不知昔時已爲海水漸沒故以南皮浮陽當之也

淮南要略篇禹剔河而道九岐○高誘注云剔洩去也九岐河水播岐爲九以入海也

溝洫志曰李尋解光言陰氣盛則水爲之長故一日之間晝減夜增江河滿溢所謂水不潤下雖常於卑下之地猶日月變見於朔望明天道有因而作也議者常欲求索九河故迹而穿之今因其自決可且勿塞以觀水勢河欲居之當稍自成川跳出沙土然後順天心而圖

之必有成功而用財力寡

案李尋師事張山拊治小夏侯尙書而解光所言與之同則光當亦治小夏侯之學也

又曰平當使領河隄奏言九河今皆寘滅按經義治水有決河深川而無隄防壅塞之文河從魏郡以東北多溢決水迹難以分明四海之衆不可誣宜博求能深川疏河者

案平當傳言當以經明禹貢使行河攷當事林尊受歐陽尙書以學各家則其所謂按經義者卽歐陽尙書之說也

又曰待詔賈讓奏言治河有上中下三策古者立國居
民疆理上地必遺川澤之分度水勢所不及大川無防
小水得入陂障卑下以爲汙澤使秋水多得有所休息
左右游陂寬緩而不迫故曰善爲川者決之使道今行
上策徙冀州之民當水衝者決黎陽遮害亭放河使北
入海河西薄大山東薄金隄勢不能遠泛濫期月自定
昔大禹治水山陵當路者毀之故鑿龍門辟伊闕析底
柱破碣石墮斷天地之性此迺人功所造何足言也今
瀕河十郡治隄歲費且萬萬及其大決所殘無數如出
數年治河之費以業所徙之民遵古聖之法定山川之

位使神人各處其所而不相奸且以大漢方制萬里豈
與水爭咫尺之地哉此功一立河定民安千載無患故
謂之上策若迺多穿漕渠於冀州地使民得以溉田分
殺水怒雖非聖人法然亦救敗術也今可從淇口以東
爲石隄多張水門據堅地作石隄執必完安冀州渠首
盡當卽此水門治渠非穿地也但爲東方一隄北行三
百餘里入漳水中其西因山足高地諸渠皆徃徃股引
取之旱則開東方下水門溉冀州水則開西方高門分
河流通渠有三利不通渠有三害民常罷於救水半失
作業水行地上溲潤上徹民則病溼氣木皆立枯鹵不

生穀決溢有敗爲魚鱉食此三害也若有渠溉則鹽鹵
下隰填淤加肥故種禾麥更爲秔稻高田五倍下田十
倍轉漕舟船之便此三利也今瀕河隄吏卒郡數千人
伐買薪石之費歲數千萬足以通渠成水門又民利其
溉灌相率治渠雖勞不罷民田適洽河隄亦成此誠富
國安民興利除害支數百歲故謂之中策若迺繕完故
隄增卑倍薄勞費無已數逢其害此最下策也

案賈讓於尙書雖不知其習何家然觀其所言上策
徙冀州之民當水衝者決黎陽遮害亭放河使北入
海與平當言治水有決河深川而無隄防壅塞之文

意正相同當亦治歐陽氏之學也

又曰長水校尉平陵關並言河決率常於平原東郡左右其地形下而水疏惡聞禹治河時本空此地以爲水猥盛則放溢少稍自索雖時易處猶不能離此上古難識近察秦漢以來河決曹衛之域其南北不過百八十里者可空其地勿以爲官亭民室而已

案師古注引桓譚云平陵關並字子陽材智通達也今詳其言亦與平當賈讓議大略相同其爲治歐陽尙書又可知也

又曰大司馬史長安張戎言水性就下行疾則自刮除

成空而稍深河水重濁號爲一石水而六斗泥今西方諸郡以至京師東行民皆引河渭山川水溉田春夏乾燥少水時也故使河流遲貯淤而稍淺雨多水暴至則溢決而國家數隄塞之稍益高於平地猶築垣而居水也可各順從其性毋復灌溉則百川流行水道自利無溢決之害矣

案師古引新論云戎字仲功習溉灌事也今據戎此言與李尋言以觀水勢河所欲居之當稍自成川順而圖之必有成功意亦相同則皆習小夏侯尙書之學也

又曰御史臨淮韓牧以爲可略於禹貢九河處穿之縱不能爲九但爲四五宜有益

案師古引新論云牧字子台善水事今據牧言與許商所云欲復徒駭胡蘇鬲津禹河迹意合知其爲大夏侯尙書之學也

又曰司空掾王橫言禹之行河水本隨西山下東北去周譜云定王五年河徙則今所行非禹之所穿也宜卻徙完平處更開空使緣西山足乘高地而東北入海迺無水災

案師古云橫字平仲琅邪人今詳橫言亦與賈讓所

奏治河上策意合知其皆習歐陽尙書也斯時王莽
徵能治河者以百數關並欲定平原諸郡張戎欲止
西方諸郡不引水溉田韓牧欲穿九河四五爲有益
王橫欲開空使緣西山乘高地東北入海皆賈讓徙
曠地放渤海之遺策也故沛郡桓譚爲司空掾典其
議爲甄豐言凡此數者必有一是宜詳考驗皆可豫
見計定然後舉事可以上繼禹功下除民疾而王莽
但崇空語無施行者良爲可惜班氏贊云古人有言
微禹之功吾其魚乎中國川原以百數莫著於四瀆
而河爲宗孔子曰多聞而志之知之次也國之利害

故備論其事詳錄於志之終意深哉

嶓冢道瀼東流爲漢又東爲蒼浪之水

夏本紀曰嶓冢道瀼東流爲漢又東爲蒼浪之水○集解鄭元曰地理志瀼水出隴西氏道至武都爲漢至江夏謂之夏水○索隱曰水經云瀼水出隴西氏道縣嶓冢山東至武都沮縣爲漢水地理志云至江夏謂之夏水山海經亦以漢出嶓冢山馬融鄭元皆以滄浪爲夏水卽漢之別流也漁父謠曰滄浪之水清兮可以濯吾纓是此水也○正義曰括地志云嶓冢山水始出山沮洳故曰沮水東南爲瀼水又爲沔水至漢中爲漢水至

均州爲滄浪水始衍出大江爲夏口又爲沔口漢江一名沔江也括地志云均州武當縣有滄浪水庾仲雍漢水記曰武當縣西四十里漢水中有洲名滄浪洲也地記云水出荆山東南流爲滄浪水

蟠冢道養東流爲漢又東爲滄浪之水

地理志曰蟠冢道漾東流爲漢又東爲滄浪之水○師古曰漾水出隴西氐道東流過武關山南爲漢禹治漾水自蟠冢始也滄浪之水出荆山東南流卽漁父所歌者也

隴西郡西縣云禹貢蟠冢山西漢水所出南入廣漢白

水東南至江州入江過郡四行二千七百六十里

武都郡武都云東漢水受氐道水一名沔過江夏謂之
夏水入江

南郡華容云夏水首受江東入沔行五百里

淮南墜形訓曰漢出嶓冢○注云嶓冢漢陽縣西界漢
水所出南入廣漢東南至雍州入江

案說文水部云漾水出隴西柏道

水經注作源道

東至武郡

爲漢从水漾聲重文漾云古文从養又云漢漾也東
爲滄浪水从水難省聲重文漢云古文漢段玉裁曰
按是則壁中故書作潏孔安國以今文讀之易爲漾

也漢志氏道下曰禹貢養水所出字作養

師古云本作漾或作

漾皆非善本也

則上文述禹貢亦必云嶠冢道養不爾則前

無所承今本志作道漾者淺人用尙書改之也郡國志氏道下亦作養水蓋夏本紀亦本作道養後人加水旁作漾耳非史記獨用古文也壁中作漾孔安國作漾今文尙書作養此三者之不同也淮南墜形訓作漾水高注云洋或作養此可證漢人通用養字養古音同洋也喬樅攷地理志漢中郡沔陽注引應劭曰沔水出武都東南入江如瀉曰此方謂漢水曰沔水又江夏郡引應劭曰沔水自江別至南郡華容爲

夏水過郡入江故曰江夏水經注云應劭十三州記
曰江別入沔爲夏水源夫夏之名始于分江冬竭夏
流故納厥稱既有中夏之目亦苞大夏之名矣此皆
今文家說也王鳴盛曰說文釋漾水與漢志合至武
都上有東字與志相足志又云沮縣沮水出東狼谷
南至沙羨入江過郡五行四千里荊州川續志則云
武都郡沮縣沔水出東狼谷說文亦云沔水出武都
沮縣東狼谷東南入江水經及注亦以沔漢卽沮又
前志旣以沮爲荊州川而職方荊州川有江漢無沮
是沮卽漢氏道今已無攷武都在成縣西北沮縣今

爲略陽縣然則出氏道爲漾水東至武都爲漢又爲沔又東至沮縣爲沮四名同實雖東狼谷有別源其實一水也水經夏水篇曰夏水出江流於江陵縣東南又東過華容縣南又東至江夏雲杜縣入于沔所敘夏水源流其云流于江陵東南又東過華容縣南卽經所謂又東爲滄浪者也酈注乃云武當縣西北四十里漢水中有洲名滄浪洲庾仲雍漢水記謂之千齡洲非也是世俗語訛音與字變矣酈強以千齡洲改爲滄浪洲以當禹貢滄浪之水其說詭甚放地說滄浪近楚都楚辭哀郢上言出國門發郢都下言

過夏首而西浮顧龍門而不見王逸注云夏首夏水口也龍門楚東門也地志楚之先熊繹封丹陽十八世文王徙郢莊子外篇天運釋文郢楚都在江陵北然則夏水出江陵東南故曰近楚都也張平子南都賦云流滄浪而爲隍廓方城而爲墉李善注引左傳屈完所謂方城以爲城漢水以爲池則是滄浪旋繞楚都正當在今江陵若在今均州武當則與楚都何涉地說之書鄭援引最多必古書可據者地說又云滄浪出荆山今按地志南郡臨沮縣禹貢南條荆山漳水所出東至江陵入陽水陽水入沔陽水卽夏水王

桀在荊州作登樓賦云挾清漳之通浦山海經云荊山漳水出焉而東南注于睢然則漳水本出荊山夏本分江二水異源但異源而同流故自下通稱漳流至楚都爲陽又爲夏至入漢處爲堵口隨地異名漳之爲陽實卽滄浪古語有類翻切者滄浪漳也左傳江漢沮漳楚之望也北漳繫冀州矣而南漳未繫荊州故別見於此滄浪之爲夏水無疑也喬樅謂王說甚審史記正義引括地志均州武當縣有滄浪水庾仲雍漢水記云縣西四十里漢水中有洲名滄浪洲皆沿酈注之誤也

水經曰漾水出隴西氏道縣嶓冢山東至武都沮縣爲漢水又東南至廣魏白水縣西又東南至葭萌縣東北與羌水合又東南過巴郡閬中縣又東南入漢州江津縣東南入于江

案白水地理志屬廣漢郡郡國志同而水經云至廣魏白水縣此爲三國魏時改名據此則水經之爲魏晉人作非後漢之桑君長所撰茲亦其一明驗也

過三澨至于大別南入于江

夏本紀曰過三澨至于大別南入于江○集解鄭元曰三澨在江夏竟陵之界○索隱曰水經云三澨地名在

南郡郢縣北鄭元以爲水名今竟陵有三叅水俗云是三潝水

地理志曰過三潝至于大別南入于江○師古曰觸大別山而南入江也

說文水部云潝增埤水邊土人所止者夏書曰過三潝案水經三潝地在南郡郢縣之北酈注引鄭云水名馬王竝同此古文尙書說也然則說文所傳乃今文家說矣水經注又引地說曰沔水東行過三潝合流觸大別山陂按左傳有句潝漳潝雍潝蓬潝服虔或謂之邑或謂之地京相璠曰杜預亦云潝水際及邊

地也今南陽清陽二縣之間清水之濱有南澨北澨
次而諸家之論水陸相半惟鄭元及劉澄之言在竟
陵縣界經云卽縣北論者疑焉而不能辨其所在胡
渭曰卽縣故城在今襄陽府宜城縣東北其北卽襄
陽縣東境今無地以應之清水之二澨不可爲三澨
按水經沔水從襄陽縣東屈西南清水從北來注之
注云襄陽城東有東白沙白沙北有三洲東北有宛
口卽清水所入也其入漢處名三洲口三國時吳將
朱然攻樊司馬懿救之追至三洲口大獲而還又王
景屯新野習水軍于三洲謀伐吳水經卽北之三澨

豈卽此三洲耶喬樅謂說文不以三瀼爲水名水經亦不云三瀼水名則以襄陽東北之三洲當卽縣北之三瀼庶爲近之爾雅水中可居者曰洲說文云水中可居曰州周遶其旁从重川瀼訓埤增水邊土人所止者誼亦與州相同也

又案大別前志云在安豐續志亦云安豐有大別山水經云大別山在廬江安豐縣西南又云決水出廬江雩婁縣南大別山酈注云俗名檀山峴蓋大別之異名也又云巴水出雩婁縣之下靈山卽大別山也與決水同出一山故世謂之分水山亦曰巴山酈元

雖因杜預有二別近漢之名無緣乃在安豐而究無以易地志之說也王鳴盛曰京相璠亦云大別漢東山名在安豐縣南觀左傳子常濟漢而陳則已明在漢東矣而其下曰自小別至于大別非漢東乎若以魯山當之則在漢水西岸豈可通耶杜預所以疑大別非在安豐者以其去漢太遠不知地說言漢水觸大別之陂陂者山脉之靡迤而不盡者耳觸者僅漸及之而已非水直至山下也經兩言東不言南直至大別之下方用南字明係漢水直抵東北始回轉而南大別之在安豐明矣

水經山澤篇三涖地在南郡卽縣北

東滙澤爲彭蠡東爲北江入于海

夏本紀曰東滙澤爲彭蠡東爲北江入于海

地理志曰東滙澤爲彭蠡東爲北江入于海○師古曰
滙迴也又東迴而爲彭蠡澤也自彭蠡江分爲三遂爲
北江而入海

豫章郡彭澤云禹貢彭蠡澤在西

丹陽郡宛陵云彭澤聚在西南清水西北至蕪湖入江
會稽郡毘陵云北江在北東入海揚州川

案續漢志豫章郡彭澤云彭蠡澤在西又吳郡毘陵

云季札所居北江在北水經注引鄭元曰滙回也漢
與江門轉東成其澤矣攷漢志言彭澤縣在宛陵西
南清水西北至蕪湖入江則彭蠡澤所跨爲地甚廣
蓋漢水源遠流長其水與江相敵故經於荊州言朝
宗于海以江漢並稱至滙澤彭蠡之後漢仍得分江
之名而爲北江且記其入海也

水經山澤篇彭蠡澤在豫章彭澤縣西北北江在毗陵
北界東入于海

汶山道江東別爲沱

夏本紀曰汶山道江東別爲沱

嶧山道江

地理志曰嶧山道江東別爲沱○師古曰別而出也江東南流沱東行也

蜀郡蒯氏道云禹貢岷山在西徼外江水所出邾縣云禹貢江沱在西東入于江

案續漢志蜀郡蒯氏道云岷山在西徼外劉昭注引山海經曰岷山江水出焉東北注于海中又蜀郡嚴道下劉昭注引山海經曰嶧山江水出焉郭璞曰中江所出也又引華陽國志曰邛嶧山本名邛笮故邛人笮人界也嶧與邛嶧當卽嶧山之異稱河圖括地

象曰岷山之精上爲井絡帝以會昌神以建福故書
岷山道江泉流深遠盛爲四瀆之首水經注曰岷山
在蜀郡氏道縣大江所出江水自天彭關東逕汶關
而歷氏道縣北益州記曰大江泉源卽今所聞始發
羊膊嶺下緣崖散漫小大百數始未濫觴矣東南下
百餘里至白馬嶺而歷天彭關亦謂之天谷又南下
二百餘里而至北部始百餘步又西百二十餘里至
汶山故郡乃廣二百餘步又西南百八十里至濕坂
江稍大矣陸游入蜀記曰嘗登岷山欲窮江源而不
可得蓋自蜀郡之西大山廣谷谿谷起伏西南走蠻

筭中皆岷山也則江所從來遠矣陸游登岷欲窮江源而不可得是江之上源本在岷山以外故山海經言岷山江水出焉又言崐崘山江水出焉皆據所見而言之知均非江之始源也顧窮荒之外聖人所畧故河自積石漾自番冢江自岷山皆紀其入中國之始其上源不必言也荀子子道篇孔子曰江出于岷山其始出也其原可以濫觴然則卽以岷山爲江原可也說文水部曰江出蜀漢武徼外崐崘山入海沱江別流也出崐崘山東別爲沱鄭君注梁州沱云地理志在今蜀郡郫縣汶江皆有沱水其尾入江耳首不於此

出江原有鄱江首出江南至犍爲武陽又入江豈沱
之類與郭璞爾雅音義云沱水自蜀郡都安縣湔山
與江別而更流與鄭說又異今按郭璞不言沱水所
出之源則亦以沱爲與江同出嶠山矣沱自都安湔
山始與江別而東流則未別流之前固與江同出俱
行矣都安故城今在成都府灌縣東本漢縣虓鄆江
原三縣地蜀漢分置都安縣屬汶山郡唐改曰導江
屬成都水經注云緜洛二水與湔水合亦謂之鄆江
鄆江者沱江也初學記引任豫益州記曰鄆江者大
江之支也亦曰涪江亦曰湔水在蜀與洛水合攷漢

志廣漢郡雒縣云章山雒水所出南至新都谷入湔
又縣竹縣云紫巖山縣水所出東至新都北入洛縣
洛二水會湔以湔爲主故漢志於縣虜縣云玉壘山
湔水所出東南至江陽入江行千八百九十里郫江
之亦曰湔水蓋以互受通稱要皆江水東別之沱也
又漢志汶江縣所云江沱在西南東入江者攷華陽
國志曰七國時杜宇稱帝于蜀號曰望帝其相開明
決玉壘山以除水害帝遂禪位于開明此說出揚雄
蜀王本紀故漢志云汶江縣有江沱旣爲七國時開
明所鑿則非禹時所有之江沱故漢志不繫之禹貢

然則郛縣所云禹貢江沱必尙書今文家相承師說
以爲江之東別者矣

淮南墜形訓曰江入岷山東流絕漢入海左還北流至
于開母之北右還東流至于東極○注云開母山名在
東海中

說苑雜言篇孔子謂子路曰昔者江水出於岷山其始
也大足以濫觴及至江之津也不方舟不避風不可渡
也非唯下流衆川之多乎

三國志秦宓傳曰蜀有汶阜之山江出其腹帝以會昌
神以建福故能沃野千里淮濟四瀆江爲其首○注引

河圖括地象曰岷山之地土爲東井絡帝以會昌神以
建福上爲天井左思蜀都賦曰遠則岷山之精上爲井
絡天地運期而會昌景福盼蠻而興作

必又曰禹生石紐今之汶山郡是也昔堯遭洪水鯀所
不治禹疏江決河東注于海爲民除害生民以來功莫
先者○注引帝王世紀曰鯀納有莘氏女曰志是爲修
已上山行見流星貫昴夢接意感又吞神珠臆圯胸圯
而生禹於石紐又引譙周蜀本紀曰禹本汶山廣柔縣
人也生石紐其地名剡兒坪

案臆圯卽薏苡之同音假借字或曰臆胸臆也臆圯

胸拆言其生之難也

又東至于醴

夏本紀曰又東至于醴○集解曰馬融王肅皆以醴爲水名鄭元曰醴陵名也大阜曰陵長沙有醴陵縣○索隱曰按騷人所歌濯余佩於醴浦明醴是水又虞喜字林以醴是江沅之別流而醴字作澧也

地理志曰又東至于醴○師古曰醴水在荊州

案史記漢書字皆從酉作醴唐石經尚書作澧非是據裴集解引馬融王肅皆作醴是古文尚書亦與今文同也尚書正義曰鄭元以醴爲陵云今長沙有醴陵縣其以陵名縣乎鄭以醴爲陵與馬王解異蓋從

今文家說也段玉裁云按尙書經傳疏皆作醴而楚
詞在唐時亦作醴浦攷說文水部澧字下云水出南
陽雒縣衡山東入汝不云出武陵充縣至下雋入江
此可證南陽澧水字从水武陵醴水字不从水如襄
德洛水作洛上雒雒水不從水也古文尙書或訓爲
陵或訓爲水而其字皆从酉衛包因傳釋爲水各徑
改酉旁爲水旁作澧誤矣王鳴盛曰攷地理志長沙
國有臨湘無醴陵郡國志長沙郡始有醴陵蓋後漢
析臨湘縣南境置也其地當在今岳州府臨湘縣之
北長沙府醴陵縣之南鄭以此證江濱當有醴陵耳

非謂江至其縣也江湘之間如巴陵沅陵等地以陵著者甚多水經江水自華容縣下敘至長沙下雋縣北澧水沅水資水合東流注之湘水從南來注之此江水又東至于醴陵所經也酈注云江水右會湘水又東逕忌置山南古岸有城陵山山有故城案巴陵縣亦漢下雋地縣東有城陵磯東北接臨湘界所云故城疑卽漢臨湘故城城陵疑卽醴陵也

水經江水篇岷山在蜀郡氏道縣大江所出東南過其縣北江水自天彭關東逕汶關而歷氏道北又有湔水入焉江水又東別爲沱江水又東逕西陵峽歷禹斷江

出峽東南流又南過江陵縣南又東逕郢城南又東得豫章口又東至華容縣西夏水出焉又東至長沙下雋縣北澧水沅水資水合東流注之湘水從南來注之江水又東北至江夏沙羨縣西北沔水從北來注之○又沔水篇沔水與江合流又東過彭蠡澤又東北逕居巢縣南又東過牛渚縣南又東至石城縣分爲二其一東北流其一又過毗陵縣北爲北江

過九江至于東陵

夏本紀曰過九江至于東陵

地理志曰過九江至于東陵

廬江郡云金蘭西北有東陵鄉

尋陽縣云禹貢九江在南皆東合爲大江

案續漢志亦云廬江郡尋陽南有九江東合爲大江
水經末一卷歷紀禹貢山澤地名所在云東陵地在
廬江金蘭縣西北攷金蘭漢時並未置縣則是地名
非縣名也水經言金蘭縣水經魏時人所作蓋魏時
置爲縣也水經又云江水自下雋縣北又東北至江
夏沙羨縣西北沔水從北來注之又東過邾縣南又
東過蘄春縣南蘄水從北來注之又東過下雋縣北
刊水從東陵西南注之卽此經過九江至東陵者也

水經山澤篇東陵地在廬江金蘭縣西北

東池北會于滙東爲中江入于海

夏本紀曰東池北滙于滙東爲中江入于海○正義曰
括地志云禹貢三江俱會于彭蠡合爲一江入于海
地理志曰東池北會于滙東爲中江入于海○師古曰
池溢也東溢分流都其北會彭蠡也中江亦自彭蠡出
會稽郡吳縣云南江在南東入海揚州川

丹陽郡蕪湖云中江出西南東至陽羨入海揚州川

案說文是部云池表行也从是也聲夏書曰東池北
會于滙尙書正義引鄭注云東池者爲南江南江之

名經雖不具然揚州言三江旣入震澤底定江之爲
三經有明文皆揚州川也鄭君於此著明南江故舉
經東池句以明南江上原之所自來也蓋江漢二水
於江夏沙羨下雖已合流而漢與江門轉東成其爲
澤又自彭蠡分爲三左合漢者爲北江會彭蠡者爲
南江漢在北彭蠡在南則岷江在其中矣故曰中江
皆東流而入于海者也胡渭曰漢志湔氐道下江水
東南至江都入海過郡七行二千六百六十里按今
江水所過於漢時爲蜀郡犍爲巴郡南郡長沙江夏
豫章廬江丹陽會稽廣陵凡十郡一國而漢志云過

郡七者蓋江都在江北據北岸言之故不數南岸之
長沙豫章丹陽會稽也江自松潘至泰州行七千九
百六十里自泰州至海門入海又四百里通計得八
千三百餘里二當作八或作七而先儒釋漢書者無
一語駁正豈近世傳寫之誤而古本不若是與又漢
志江都下有江水祠海陵下有江海會祠皆以北岸
言之江海會者謂江水入海處也毘陵下云北江在
北東入海則以南岸言之江漢合流入揚州之域會
彭蠡水始有三江之目禹貢于荊州言江漢無中江
北江之名於揚州始言三江蓋必會南江而後可命

之日北曰中南江無所致力不用循行故道水無文耳

又案漢志以三江爲揚州川鄭注以三江自彭蠡分二說原自符合後人因水經敘江水東至石城縣分爲二其一過毘陵縣北爲北江其一爲南江南江東與貴長池水合又東逕宣城之臨城縣南又東合涇水又東與桐水合又東逕安吳縣又東旋谿水注之又東逕宣國縣南又東逕故鄣縣南安吉縣北又東北爲長瀆厯湖口又東至會稽餘姚東入于海遂指漢志丹陽石城下云分江水首受江東至餘姚入海

過郡二行千二百里謂卽南江之源委而不知漢志
於分江水并無南江之稱也水經雖以分江水爲南
江然於厯湖口之下云東則松江出焉江水奇分謂
之三江口是仍以由吳松入海者爲南江其又東至
會稽餘姚者乃其枝分之水鄭注云松江上承太湖
東逕笠澤流七十里江
水奇分謂之三江口此亦別爲三江雖稱謂相亂不
與職方同卽吳地記所云松江東北行七十里得三
江口東北入海爲婁江東南入海爲東江并松江爲三也與禹貢三江有別故鄭注云南
江枝分厯烏程縣南通餘姚縣則與浙江合也近儒
或以中江貫震澤松江卽其下流不得復折爲南江
果爾則江漢至江夏亦已合流何以於滙澤彭蠡之

後經文又分爲北江中江耶鄭云左合漢者爲北江
右會彭蠡爲南江岷江居其中語自明晰班於毘陵
云北江在江東入海於吳云南江在南東入海於蕪
湖云中江在西南東入海尤爲明辨漢志之言三江
皆爲揚州川者確不可易也

又集彭蠡所以謂之南江者以所受諸水皆出西南
而北入大江也漢志豫章郡雩都云湖漢水東至彭
澤入江行千八百九十里鄱陽云鄱水西入湖漢餘
汗云餘水在北至鄒陽入湖漢艾縣云修水東北至
彭澤入湖漢行六百六十里南城云盱水西北至南

昌入湖漢贛縣云豫章水出西南北入大江建成云
蜀水東至南昌入湖漢宜春云南水東至新淦入湖
漢鄒陽云彭水東入湖漢南埜云彭水東入湖漢又
長沙國安成云廬水東至廬陵入湖漢攷水經注引
山海經曰漢水出聶都山東北流注于江入彭澤是
知彭蠡所受之水古本有漢水之稱彭水卽豫章水
之上源是湖漢水與彭鄱餘修旰蜀南廬合爲九水
與劉歆所云湖漢等九水入彭蠡語合豫章水與湖
漢水異原而同流故志竝云入江水經注則湖漢豫
章揔謂之贛水曰贛水出豫章南潯縣西一名豫章

水東北流逕贛縣東石會湖漢水所云贛水摠納十
川注于彭蠡是也地理志以湖漢水爲主水經注以
贛水爲主贛水卽豫章水豫章水卽彭水發源最遠
控引衆流彭蠡之稱蓋以彭水得名也曰湖漢者以
別于沔漢水沔漢水爲北江湖漢水爲南江江沱水
爲中江與班志合與鄭說合證之禹貢亦無不合矣
又案漢志王莽改豫章郡曰九江郡柴桑曰九江亭
九江曰延平郡蓋從劉歆說以湖漢九水爲九江故
易九江舊郡之稱名曰延平而以豫章之郡改曰九
江是豫章雖亦有九江之目要非禹貢之所謂九江

也按秦始皇滅楚以其都壽春置九江郡漢高帝更爲淮南國尋陽縣屬焉文帝析爲廬江郡尋陽改屬廬江武帝又復淮南國爲九江郡尋陽屬廬江如故班志於尋陽曰禹貢九江在南皆東合爲大江應劭于九江郡下注曰江自廬江尋陽分而爲九司馬彪續漢志曰廬江郡尋陽南有九江是九江在尋陽確有其所淮南子曰禹鑿江而通九路史記河渠書曰余南登廬山觀禹疏九江淮南子太史公皆言九江爲禹之所疏鑿是尋陽之江疏而爲九猶兗州之河播而爲九也九江之皆東合爲大江猶九河之皆北

同爲迎河也劉淵林吳都賦注云九江經廬山而東
郭璞江賦云流九派乎尋陽尋陽地記云九江一曰
烏白江二曰蚌江三曰烏江四曰嘉靡江五曰畎江
六曰源江七曰廩江八曰提江九曰箇江張須元緣
江圖云一曰三里江二曰五洲江三曰嘉靡江四曰
烏上江五曰白蚌江六曰烏江七曰箇江八曰沙堤
江九曰廩江參差隨水長短或百里或五十里始於
鄂陵終於江口會於桑落州尋陽記曰今蘄州界古
蘭池城亦謂之潯水城卽漢潯陽縣也通典曰尋陽
舊縣在江北蘄春郡界今黃州府黃梅縣東北尋陽

故城是也故班志云九江在南鄂陵在今黃州府
昌縣界桑落洲在今九江府德化縣東北五十里
中水經注云江水東逕軹縣故城南城對五洲江
有五洲相接故以爲名漢軹縣卽今蘄水縣五洲
當在此地震字記云畎江五阜洲在今黃梅縣南
一百十里是尋陽九江遺跡唐宋時猶存其一二
未盡湮滅無可攷也大禹當日治水蓋以江漢二
大川控引衆流而下至夏口合流源多流盛故於
尋陽疏鑿九江以殺其勢而緩其流下文道山云
過九江至敷淺原地理志豫章郡歷陵下云傳
揚山傳揚川

南古文以爲敷淺原水經云九江地在長沙下雋

西北

下雋故城在今武昌府蒲圻縣界

敷淺原地在豫章歷陵縣

南

歷陵縣地在今康府星子縣界

旁徵博引而以經證經道山章九

江之在尋陽確不可易矣

水經山澤篇中江在丹陽蕪湖縣西南東至會稽陽羨

縣入于海

道沅水東流爲濟入于河洑爲滎

夏本紀曰道沅水東流爲濟入于河洑爲滎○集解鄭
元曰地理志沅水出河東東垣王屋山東至河內武德
入河洑爲滎○索隱曰水經云自河東垣縣王屋山東

流爲沆水至溫縣西北爲濟水○正義曰括地志沆水出懷州王屋縣北十里王屋山頂崖下石泉停不流其深不測至縣西北二里平地其源重發而東南流爲沆水水經云沆東至溫縣西北爲沛水又南當鞏之南北入于河釋名云濟者濟也按濟水入河而南截度河南岸溢滎澤在鄭州滎澤縣西北四里今無水成平地東流爲沛入于河軼爲滎

地理志曰道沆水東流爲沛入于河軼爲滎○師古曰泉出王屋山名爲沆流去乃爲沛也軼與溢同言沛水入河竝流而南截河又竝流溢出乃爲滎澤也一日軼

過也

河東郡垣云禹貢王屋山在東北沅水所出東南至武德入河軼爲滎陽北地中又東至琅槐入海過郡九行千八百四十里

淮南地形訓曰濟出王屋○注云王屋在河東垣縣東北

案說文水部云沅水出河東東垣王屋山東爲沔重文沅云古文沅又云沔沅也東入于海攷山海經北山經云王屋之山瀛水出焉郭注曰瀛音輦地理志王屋山沅水所出沅瀛聲相近殆一水耳段玉裁以

爲實古同音假借字耳水經注作聯不從水水經注
濟水篇曰風俗通曰濟出常山房子縣贊皇山廟在
東郡臨邑縣濟者齊也齊其度量也余按二濟同名
所出不同鄉原亦別斯乃應氏之非矣段玉裁曰按
說文沛出河東垣縣濟出常山房子二字各殊而應
氏不別至二水淆亂則可知漢人書濟瀆字不皆作
沛也釋名曰濟者濟也張守節曰下濟子細反釋名
亦不作沛六經惟詩經周禮作沛字他經不爾尙書
濟字非必衛包改也史記作濟漢志作沛而錯出濟
喬樅謂作沛作濟蓋歐陽夏侯三家尙書之異文沛

假借濟字猶沆之假借灊字也

又案周禮職方氏注熒沔水也出河東垣入于河沆
爲熒賈疏引禹貢沆爲熒與夏本紀作沆文同漢志
沆作軼蓋亦三家尙書之異文水經注濟水篇引晉
地道記曰濟自大伾入河與河水門南沆爲熒澤亦
作沆字段玉裁曰按說文沆水所蕩沆也溢器滿二
字義迥別蕩沆者動盪奔突而出正爲尙書沆爲熒
作注腳師古注漢書云軼與溢同眞同寢語衛包襲
其誤改沆爲溢蓋小學之不明矣隱九年左傳曰彼
徒我車懼其侵軼我也杜注軼突也與水蕩沆義相

類說文軼車相出也此地理志假軼爲洸之悒也洸
是炎出不必其滿也惟洸水能洸耳榮字皆當作榮
喬樅攷毛詩正義引鄭注云榮沈水洸出所爲澤也
今塞爲平地滎陽民猶謂其處爲滎澤在其縣東春
秋傳魯閔公二年衛侯及狄人戰于滎澤此其地也
續漢志亦云河東郡垣縣有王屋山兗水所出又云
河內郡溫縣濟水所出王莽時大旱遂枯絕足補漢
志所未備東漢以後豈溫縣濟水已絕因誤以房子
濟水當之歟水經洸水篇云洸水東過溫縣北屈從
縣東南流又南當鞏縣北南入于河與漢志言武德

不同者水經魏時人所作津渠勢改不與昔同水經
河水篇云河水東過成臯縣北沛水從北來注之酈
注引鄭元曰大伾地喉也沆出邳際矣大邳在河內
修武武德之界沛沆之水與滎播澤出入自此卽經
所謂沛水從北注之者今沛水自溫縣入河不于此
也所入者奉溝水耳卽沛沆之故瀆矣然則沛沆故
瀆卽漢志所謂武德入河者是爲禹迹可知溫縣入
河乃漢時改流新道非禹迹也

水經曰濟水出河東垣縣東王屋山爲沆水又東至溫
縣爲濟水

釋名釋水曰水決出所爲澤曰掌水停處如手掌中也
今兗州人謂澤爲掌也

按據釋名云云知所見尙書本亦作決爲熒與說文
正合皆爲禹貢決字之訓誼也

東至于陶邨北又東至于荷

夏本紀曰東出陶邨北又東至于荷○集解鄭元曰地
理志陶邨在濟陰定陶西北○正義曰括地志云陶邨
在濮州鄆城西南二十四里又云在曹州城中徐才宗
國都記云在城中高邨卽古之陶邨

地理志曰東出於陶邨北又東至于荷○師古曰陶邨

卽再重也在濟陰定陶西南荷卽荷澤

沛陰郡定陶云禹貢陶卽在西南陶卽亭○又云濟陰
國宣帝甘露二年更名定陶禹貢荷澤在定陶東屬兗
州

案說文自部云陶卽再成也在濟陰夏書曰東至于
陶卽陶卽有堯城堯嘗所居故堯號陶唐氏段玉裁
以爲禹貢道水罕言出者此經出字當依說文作至
今攷續漢志濟陰郡定陶云本曹國古陶堯所居劉
昭注引郭璞曰城中有陶卽又引帝王世紀曰舜陶
河濱縣西南有陶卽亭據史記集解引鄭注云陶卽

在定陶西北則漢志南字乃北之誤耳禹時濟水伏
流涌出陶邛之北而東注于荷澤水經注所敘自滎
口至陶邛皆滎瀆之所經非禹迹也志言荷澤在定
陶東唐省定陶入沛陰縣故通典沛陰縣下云荷澤
在縣東北九十里故定陶城東北今曹州府治荷澤
縣東南三十里與定陶接界處是也

水經山澤篇陶邛在濟陰定陶縣之西南荷水在山陽
湖陸縣南

又東北會于汶又東北入于海

夏本紀曰又東北會于汶又東北入于海○正義曰汶

音問地理志云汶水出泰山郡萊蕪縣原山西南入洸
又北入于海

地理志曰又東北會于汶又北東入于海○師古曰濟
與汶合北東北折而東也

泰山郡云汶水出萊蕪入濟○又萊蕪云禹貢汶水出
西南入洸汶水桑欽所言

案水經洸水屈從定陶縣東北流又東至乘氏縣西
分爲二其一東南流其一水從縣東北流入鉅野澤
又東北至壽張縣西界安民亭南汶水從東北注之
酈注云濟水自壽張縣合汶水又北逕梁山東袁宏

北征賦曰背梁山截汶波卽此處也按水經所敘洸水自荷澤東北流絕鉅野而北合淇水以至安民亭南者皆禹之舊迹也北東史記作東北此據今文尙書也攷山海經云濟水絕鉅野注渤海入齊琅槐東北水經歷敘洸水所經云又東北過甲下邑入于河又東北入海酈注云又東北逕樂安縣故南城又東北河水枝津注之水經以爲入非也斯乃河水注洸非洸入河也又東北入海諸所言洸水入海皆云東北當從史記於義爲長漢志作北東疑是淺人依梅本尙書改之琅槐漢縣屬千乘郡在今青州府樂安縣東北一百十里有琅

槐故城以今輿地言之自東平會汶以下歷東河平

陰

並屬秦安府

長青齊河歷城章邱鄒平長山新城

並屬濟南

府

高苑博興樂安

並屬青州府

諸縣界中皆禹貢泲水入

海之所經也

道淮自桐柏

夏本紀曰道淮自桐柏○正義曰地理志云桐柏山在

南陽平氏縣東南淮水所出按在唐州東五十餘里

地理志曰道淮自桐柏

南陽郡平氏云禹貢桐柏大復山在東南淮水所出東

南至淮陵入海過郡四行三千二百四十里青州川

風俗通山澤篇曰南陽平氏縣桐柏大復山在東南淮水所出潛流地下三十許里東出大復山南謂之陽口水南卽復陽縣在大復山之陽故曰復陽

案續漢志南陽郡平氏桐柏大復山淮水出劉昭注引荊州記曰桐柏淮源涌發其中潛流三十里東出大復山南山南有淮源廟惟水經云淮水出南陽平氏縣胎簪山東北過桐柏山王鳴盛曰風俗通言上源略胎簪不數而漢志則竟以下源大復言之惟水經溯其源而系以胎簪寰宇記謂胎簪在桐柏縣西北三十里而漢平氏故城又在桐柏縣東蓋胎簪最

卷三
在西大復山最在東漢志言桐柏大復山者出桐柏之大復山也此以其出陽口而成流者言之水經言出胎簪則指最西一峰以其始源潛伏而未成流者言之桐柏乃揔名耳

東會于泗沂東入于海

夏本紀曰東會于泗沂東入于海

地理志曰東會于泗沂東入于海

魯國下縣云泗水西南至方輿入沛過郡三行五百里

青州川

濟陰郡乘氏云泗水東南至睢陵入淮過郡六行千一

百一十里

泰山郡蓋縣云沂水南至下邳入泗過郡五行六百里
青州窳

說文水部曰沂水出東海費東西入泗水一曰沂水出
泰山蓋青州窳○又云泗受沛水東入淮

淮南地形訓曰時泗沂出臺台術○注云時泗沂皆水
名臺台術皆山名

案水經注云沂水出泰山蓋縣艾山南過琅邪臨沂
縣東又南過開陽縣東又東過襄贛縣東屈從縣西
南流又屈南過郯縣西又南迤良戎縣西又南過下

邳縣西南入于泗泗水出魯下縣故城東南桃墟西北西南逕方輿縣潁水從西來注之潁水卽濟水之所苞注以成湖澤者也又東南逕下邳縣葛嶧山東又東南逕其故城西又東南沂水注之又東南逕淮陽城北而東南流于淮又水經淮水篇云東北至下邳淮陰縣西泗水從西北來注之又東至廣陵淮浦縣入于海然則沂先入泗泗乃入淮相去不遠故經連言會于泗沂此禹貢道淮會泗沂東入海之故道也漢志淮陵當作淮浦尙書正義引作睢陵亦誤水經云東至廣陵淮浦縣入海淮浦乃漢縣屬臨淮郡

晉改屬廣陵郡胡渭曰淮陵乃淮陰之誤淮陰去海
尚一百五十里而志云淮陰入海者亦猶江都去海
甚遠而蒯氏道云江水東南至江都入海不言海陵
也其說亦通

春秋說題辭曰淮出桐柏淮者均也均其務

風俗通川澤篇曰淮者均均其務也

釋名釋水曰淮圍也圍繞揚州北界東至海也

案此皆本今文尚書說也歐陽章句與八小夏侯章
句解詁義各不同此其一端也段玉裁曰廣雅海晦
也江貢也河何也淮均也濟齊也伊因也絡驛也皆

取同韻字爲訓釋或疑淮水乃準字之誤非也淮从
佳聲讀如回均从勻聲讀如勻淮與勻雙聲今音淮
戶乖切亦與勻雙聲淮訓均正如仲術之卽仲允廣
雅漢達也亦同此例漢古讀如歎達古讀如撻

道渭自鳥鼠同穴

夏本紀曰道渭自鳥鼠同穴○正義曰括地志云鳥鼠
山今名青雀山在渭州渭源縣西七十六里山海經云
鳥鼠同穴之山渭水出焉郭璞注云今在隴西首陽縣
西南山有鳥鼠同穴鳥名鷓鼠名鼯如人家鼠而短尾
鷓似鷄而小黃黑色穴入地三四尺鼠在內鳥在外

地理志曰道渭自鳥鼠同穴

隴西郡首陽云禹貢鳥鼠同穴山在西南渭水所出東至船司空入河過郡四行千八百七十里

說文水部曰渭水出隴西首陽渭首亭南谷東人河杜林說夏書以爲出鳥鼠山雍州褒也

案南谷當卽鳥鼠同穴山之谷名也水經云渭水出隴西首陽縣渭首亭南鳥鼠山酈注云南谷山在鳥鼠山西北此縣有高城嶺嶺上有城號渭源城渭水出焉三源合注東北流逕首陽縣與別源合水出南鳥鼠山渭水出谷禹貢所謂渭出鳥鼠者也引地說

云鳥鼠山同穴之枝幹也渭水出其中東北過同穴
枝間旣言其過明非一水又東北流而會於殊源也
又引鄭元曰鳥鼠之山有鳥焉與鼠飛行而處又有
止而同穴之山焉是二山也鄭以鳥鼠同穴爲二山
與地說合要之曰鳥鼠曰同穴曰南谷山名雖各別
實相聯一大山也故太平御覽引河圖括地象曰鳥
鼠同穴山地之幹也上爲掩畢星渭水出其中是以
鳥鼠同穴共爲一山也鄭注所列諸源皆出鳥鼠同
穴而南谷卽其支分者耳凡大山巖谷必多大川之
發源亦必非一處故元和志亦云渭源縣鳥鼠山渭

水所出有三源竝下也杜林治古文尙書者今文家以渭之上源出南谷中至鳥鼠同穴而會眾流合注古文家則以渭爲出鳥鼠山雖小有不同其實竝無異證也

淮南地形訓曰渭出鳥鼠同穴○注云鳥鼠同穴在隴西首陽西南渭水所出東會于澧入于河雍州川也

東會于澧

夏本紀曰東會于澧○正義曰澧音豐括地志云雍州鄠縣終南山澧水出焉北入渭也

東會于鄠

地理志曰東會于鄠

右扶風鄠縣云鄠水出東南又有潏水皆北過上林苑入渭○漢書音義張揖曰鄠水出鄠縣南山鄠谷北入渭

案水經無鄠水之目其附見於渭水篇注中者曰渭水自槐里縣故城南又東豐水從南來注之地說云渭水與豐水會于短陰山內水會無他高山異巒所有惟原阜石激而已長安志云豐水出長安縣西南五十里終南山豐谷其源闊一十五步其下闊六十步水深三尺自鄠縣界來終縣界由馬坊村入咸陽

合渭水是已

又東北至于涇

夏本紀曰又東北至于涇○正義曰括地志云涇水出原州百泉縣西南并頭山涇谷東南流入渭

又東至于涇

地理志曰又東至于涇

安定郡涇陽云并頭山在西南禹貢涇水所出東南至陽陵入渭過郡三行千六百里雍州川○師古曰此山在今靈州東南

說文水部曰涇水出安定涇陽并頭山東南入渭離州

之川也

案史記作又東北至于涇漢書作又東至于涇此今
文三家尙書之不同也梅賾本作又東會于涇釋文
不言馬鄭王同異此又古文尙書之不同也段玉裁
曰鄭云自道弱水已下言過言會皆是水名言至于
者或山或澤皆非水名則古文尙書爲體例畫一也
喬樞攷毛詩正義引鄭注云涇水渭水發源皆幾二
千里然而涇小渭大屬于渭而入于河地理志云涇
水出今安定涇陽西開頭山東南至京兆陽陵行千
六百里入渭續志無涇陽縣劉昭注於朝那下引郭

璞山海經注曰涇水出縣西升頭山入渭蓋東漢時
涇陽併入朝那故與鄭所引志不同也水經無涇水
之目僅於渭水篇注中附見一語云東過霸陵縣北
左則涇水注之卽此經所云又東會于涇也寰宇記
云原州平高縣笄頭山一名崆峒山水經云蓋大隴
山之異名涇水下引水經涇水出涇陽縣高山注云
山海經曰高山涇水出焉東流注于渭入關謂之八
水彈箏峽下引水經注云涇水逕都廬山山路之內
常有如彈箏之聲又云絃歌之山峽口水流風吹滴
崖響如彈箏之韻因名耀州雲陽縣涇水下引水經

注云涇水東流歷峽謂之涇峽是水經原有涇水篇
朱初尙存後乃亡之耳

又東過漆沮入于河

夏本紀曰東過漆沮入于河

地理志曰又東過漆沮入于河

右扶風漆縣云漆水在縣西

北地郡直路云沮水東入洛

歸德云洛水出北蠻夷中入河

左馮翊襄德云洛水東南入渭

案說文水部云漆水出右扶風杜陵岐山東入渭一

曰入洛又云洛水出左馮翊歸德北夷畛中東南入渭水經云漆水出扶風杜陽縣俞山東北入于渭沮水出北地直路縣東過馮翊殺榭縣北東入于洛攷漆沮二水竝入于洛洛復入渭故闕駟十三州記以洛水爲卽漆沮之水也漢志歸德下洛水入河河字當爲渭之誤馮翊襄德下言洛水入渭是其證也又漢書匈奴傳云武王居鎬放逐戎夷涇洛之北師古云此洛卽漆沮水也本出上郡雕陰秦晉山東南入渭亦卽此經所謂東過漆沮也水經渭水篇云又東過華陰縣北東入于河案華陰縣北卽襄德縣南船

司空故城亦在今華陰縣東北五十里渭水入河之處是曰渭口漢爲船司空界也

淮南墜形訓曰洛出獵山○注云獵山在北地西北夷中洛東南流入渭

道雒自熊耳

夏本紀曰道雒自熊耳○正義曰括地志云洛水出商州洛南縣西冢嶺山東北流入河熊耳山在虢州盧氏縣南五十里洛所經

地理志曰道洛自熊耳

宏農郡上雒云禹貢雒水出冢嶺山東北至鞏入河過

郡二行千七十里豫州川

案續志上雒侯國有冢領山雒水出故屬宏農劉昭
注引山海經曰雒水出護舉之山案史記云雒水出
熊耳山山海經曰雒出王城南至相谷西東北流去
虎牢城西四十里注河口謂之雒汭又宏農郡盧氏
有熊耳山劉昭注引山海經曰其上多漆其下多櫟
浮豪之水出焉西北流注于雒其中多美玉多人魚
今攷河圖括地象曰熊耳山地門也其精上爲壁附
耳星太平御覽地部水經注引地說曰熊耳之山地門也雒
水出其間與括地象說合又山海經海內東經云雒

水出上雒西山又中山經云謹舉之山雒水出焉水
經亦云雒水出京兆上雒縣謹舉山東逕熊耳山北
諸說雖小不同揔之皆在上雒無非熊耳之枝幹耳
山海經所云西山當卽指冢領惟雒之始源實出冢
領山故地說於熊耳之山言雒水出其間也

淮南墜形訓曰雒出熊耳○注云熊耳在上雒西北

東北會于澗瀍

夏本紀曰東北會于澗瀍○正義曰括地志云澗水出
洛州新安縣東白石山之陰地理志云瀍水出河南穀
縣潛亭北東南入于洛

地理志曰東北會于澗瀍

安農郡新安云禹貢澗水在東南入雒

河南郡穀成云禹貢廛水出偃亭北東南入雒

案續漢志云河南穀城縣瀍水出劉昭注引博物志

曰出偃亭山水經瀍水出河南穀城縣瀍水東與千金

渠合又東過雒陽縣南又東過偃師縣又東入于雒

注云縣北有潛亭瀍水出其北梓澤中厯澤東而南

水西有一原其上平敞卽古偃亭之處瀍水又東南

注于穀穀水自千金塢東注謂之千金渠也水經注

又曰澗水出新安縣南白石山山海經曰白石之山

澗水出其陰北流注于穀世謂是山曰廣陽山水曰
赤岸水亦曰石子澗舊穀水亂流南入于雒今穀水
東入千金渠澗水與之俱東入雒矣胡渭曰雒誥周
公曰我乃卜澗水東瀍水西惟雒食謂王城也我又
卜瀍水東亦惟雒食謂下都也按王城卽邾邑漢爲
河南縣其故城在今洛陽縣西北下都卽成周漢爲
雒陽縣河南郡治其故城在今洛陽縣二十里二城
東西相去四十里而今洛陽縣居其中古時澗水經
河南故城西入雒瀍水經河南故城東入雒故澗水
東瀍水西爲王城而瀍水東爲下都雒誥之文甚明

也自周靈王壅穀水使東出於王城之北則必入于
瀍水而合流歷王城之東以南注于雒迨東漢建都
於此自河南縣東十五里之千金塢引水繞都城南
北以通漕而瀍始與穀水俱東注矣古時瀍不合澗
澗亦不過雒陽縣南而東至偃師也王鳴盛曰水經
注引地記曰洛水東北過五零倍尾與澗瀍合是二
水東入于金渠故瀆存焉以今輿地言之雒水自雒
縣北又東逕河南府盧氏縣南又東北逕永甯縣南
又東北逕宜陽縣北又東入洛陽縣界逕南河故城
南經所謂會于澗瀍也自周靈王壅穀水使東出王

城合澠水南入雒而城西之澠水遂爲死穀及漢明
帝復竭澠澠之水使出雒陽故城北爲千金渠又東
過偃師縣南入于雒而禹貢東會澠澠之舊迹無復
有存焉者矣

又東會于伊又東北入于河

夏本紀曰又東會于伊東北入于河

地理志曰又東會于伊又東北入于河

宏農郡盧氏云熊耳山在東伊水出東北入雒過郡一
行四百五十里

案續志宏農郡盧氏縣有熊耳山伊水出劉昭注引

晉地道志曰伊水東北入雒水經洛水東北過廬氏縣南又東北過蠡城邑之南又東北過宜陽縣南又東北過河南縣南又東過洛陽縣南伊水自西來注之又東北過鞏縣東又北入於河酈注引山海經曰洛水成臯西入河是也謂之洛汭卽什谷也王鳴盛曰以今輿地言之雒水自雒陽故城南會伊水又東逕偃師縣南鞏縣故城南又東北至洛口入河所謂又東北入于河也今雒水自鞏界東過汜水縣北又東從滿家溝入河洛口乃移于東非古之什谷矣

九州攸同

夏本紀曰於是九州攸同

九州道同

地理志曰九州道同

又曰堯遭洪水襄山襄陵天下分絕爲十二州使禹治之水土旣平更制九州列五服任土作貢○師古曰九州之外有并州幽州營州故曰十二水中可居者曰州洪水汎大各就高陸人之所居凡十二處五服其數在下也任土作貢任其土地所有以定貢賦之差也

案帝王世紀云堯遭洪水分爲十二州今虞書是也及禹平水土還爲九州今禹貢是也說文川部曰水

中可居曰州周遶其旁从重川昔堯遭洪水民居水中高土故曰九州一曰州疇也各疇其土而生之許君所言當亦本今文尙書說卽禹平水土更制九州之事各疇其土而生之卽禹貢所載土壤田賦及草木物生是也地理志又云黃帝畫野分州得百里之國萬區經典釋文引周公職錄曰黃帝受命風后授圖割地布九州帝王世紀曰顓頊帝嚳建萬國而制九州是自黃帝以來已有九州但其疆理容或損益故顓頊帝嚳以迄堯舜亦稱建置鄒衍書說九州之外有瀛海環之是九州皆居水內故以州爲名其在

一州之上分之爲九耳

漢書王莽傳曰堯典十有二州後定爲九州

四奧旣度

夏本紀曰四奧旣居

地理志曰四奧旣宅○師古曰奧讀曰墺謂土之可居者也宅亦居也言四方之土亦可定居也墺音於六反案說文土部曰墺四方之土可定居者也从土奧聲墺古文墺墺爲古文則墺乃今文矣史記漢書並作四奧奧卽墺字之消借今文尙書作隩非是段玉裁曰玉篇土部墺字云於報於六一切四方之土可居

引夏書四墠既宅此古文尙書作墠之明證也尙書
釋文云墠於六反引玉篇於報反蓋陸所據玉篇祇
有於報一反今本於六一切陳彭年輩增之也說文
卽訓釋禹貢徐鍇繫傳引尙書四墠既宅此據未改
釋文也廣韻去聲三十七號曰四墠四方土此必陸
法言孫恂舊文也作正義者所據經文作粵乃曲爲
之說曰室隅爲奧奧是內也衛包遂改奧字爲墠尤
非周語宅爲九墠韋注墠內也九州之內皆可宅居
也此用爾雅厓內爲墠之訓周語字從自與尙書字
从土不同不必牽合奧墠字易識墠字罕見後人多

以其所知改所不知文選西都賦天地之塙區李注
引說文塙四方之土可定居者也今本文選皆改作
隩今本後漢書班固傳則作奧而文選吳都賦都輦
殷而四奧來暨奧字正亦塙之誤耳夏本紀地理志
皆作四奧此今文尙書作奧與古文尙書作塙不同
也尙書大傳唐傳曰壇四奧鄭注奧內也安也四方
之內人所安居也此今文尙書有奧無塙之證也又
古文尙書宅字今文尙書多作度夏本紀曰四奧既
居此必經文作四奧既度也地理志四奧既宅宅字
恐亦本是度字史記集解引孔安國曰四方之邑已

可居也不作宅字此可證予說非繆

九山栞旅

夏本紀曰九山栞旅

地理志曰九山栞旅○師古曰九州之山皆已栞木通
道而旅祭也

案段玉裁云栞唐石經已下作刊非是又延光二年
開母廟石闕銘曰九山甄旅此九山栞旅之駁文也
九川滌原

夏本紀曰九川滌原

地理志曰九川滌原

案說文云潁水泉本也从潁出厂下重文原云篆文从泉據史記漢書竝作原今本尙書作源非是

周禮地官序官注川流水也禹貢曰九川滌原

案段玉裁云河渠書溝洫志皆作九川旣疏此滌原之詰訓也

九澤旣陂

夏本紀曰九澤旣陂

地理志曰九澤旣陂

溝洫志曰九川旣疏九澤旣陂諸夏以安功施乎三代地官序官注澤水所鍾也禹貢曰九澤旣陂

案周語云禹高高下下疏流導滯鍾水豐物封崇九
山決汨九川陂障九澤卽禹貢九山棐旅九川滌原
九澤旣陂之謂也河渠書作九澤旣灑段玉裁云灑
音所宜切在古音十六部陂从皮聲在古音十七部
音轉最近陂者障其外灑者泄其中其義相成也

四海會同六府孔修

夏本紀曰四海會同六府甚修

地理志曰四海會同六府孔修

說苑辨物篇曰八荒之內有四海四海之內有九州天
子處中州而制八方耳山川汙澤陵陸卽阜五土之宜

聖王就其勢因其便不失其性高者黍中者稷下者稻
蒲葦菅蒯之用不乏麻麥黍粱亦不盡山林禽獸川澤
魚鱉滋殖王者京師四通而致之

案爾雅釋地九夷八蠻七戎五狄謂之四海孫炎注
曰海之言晦晦闇於禮儀也古書所稱四海皆以地
言不以水言故爾雅四海繫釋地不繫釋水禹貢九
州之外卽是四海四海之人皆會同于帝都則非特
東方之鳥夷西方之昆侖析支渠搜而已矣段玉裁
云玉篇人部修字下引書云六府三事孔修不與今
本同史記孔字作甚詰訓字也

庶土交正底慎財賦咸則三壤成賦

夏本紀曰庶土交正致慎財賦咸則三壤成賦○集解
鄭元曰庶土美惡及高下得其正矣亦致其貢惟慎奉
其財物之稅皆法定制而入之也三壤上中下各三等
也

底慎財賦

地理志曰庶土交正底慎財賦咸則三壤成賦中國○
師古曰言庶土各以其所出交易有無而不失正致慎
貨財以供貢賦皆隨其土田上中下三品而成其賦於
中國中國京師也

案史記庶字作𡗗底字作致皆訓詰字也

中國錫土姓祇台德先不距朕行

夏本紀曰中國賜土姓祇台德先不距朕行○集解鄭元曰中卽九州也天子建其國諸侯祚之土賜之姓命之氏其敬悅天下之德旣先又不距違我天子政教所行

地理志曰錫土姓祇台德先不距朕行○師古曰台養也言封諸侯賜之土田因以爲姓所敬養者惟德爲先故無距我之行也台音怡

案據史記集解所引鄭注是鄭讀中邦下屬也段玉

曰鄭釋祗台爲敬悅說文台說也今文尙書不台正
同中邦紀志皆作國下男邦同此今文尙書也又紀
入賜大龜中國賜土姓錫皆作賜而兩言錫貢皆作
錫似鄭注錫所以柔金之諧可信也喬樞謂顏注漢
書訓台爲養與鄭注誼異又與僞孔傳以台訓我不
同疑是襲漢人音義舊說其訓亦本於三家解詁之
異誼也

國語周語曰昔共工上棄此道也虞於湛樂淫失其身壅
防百川墜高堙庫以害天下皇天弗福庶民弗助禍亂
並作一用滅其在有虞有密伯鯀播其淫心稱逐其

上之過堯用殛之於羽山其後伯禹念前之非度釐改
制量象物天地比類百則儀之於民而度之於羣生其
之從孫四岳佐之胙四岳國命爲侯伯賜姓曰姜氏曰
有呂謂其能爲禹股肱心膂以養物豐民人也○韋昭
曰賈侍中云其工諸侯炎帝之後姜姓也顓頊氏衰其
工氏侵陵諸侯與高辛氏爭而王也或曰其工堯時諸
侯爲高辛所滅昭謂爲高辛所滅安得爲堯諸侯又堯
時其工與此異也堙塞也高謂山陵庫謂池澤有虞舜
也鯀禹父密鯀國伯爵也堯時在位而言有虞者鯀之
誅舜爲之也殛誅也舜臣堯殛鯀于羽山羽山今在東

海祝其縣其其工也從孫昆弟之孫也四岳官名王四
岳之祭爲諸侯伯佐助也言其工從孫爲四岳之官掌
帥諸侯助禹治水堯以四岳佐禹治水有功封於呂命
爲侯伯使長諸侯姜四岳之先炎帝之姓也炎帝世衰
其後變易至四岳有德帝復賜之祖姓使紹炎帝之後
案經於水土旣平後言錫土姓今據國語所云四岳
佐禹治水有功堯胙四岳國命爲侯伯賜姓曰姜氏
曰有呂是亦當日錫土姓之一證也韋注國語蓋亦
採尙書今文家說

五百里甸服百里賦納總二百里納銍三百里納秸服四

百里 五百里

夏本紀曰令天子之國以外五百里甸服百里賦納總
二百里納銍三百里納秸服四百里粟五百里米○索
隱曰總聚束草也說文云銍穫禾短鎌也禮郊特牲云
蒲越彙秸之美則秸是彙之類也

百里賦內總二百里內銍三百里內甸服

地理志曰五百里甸服百里賦內總二百里內銍三百
里內甸服四百里粟五百里米○師古曰自此以下說
甸服之內以差言之也總禾彙總入也內讀曰納銍謂
所刈卽禾穗也彙彙也言服者謂有役則服之耳粟米

精者納少麤者納多

案詩齊譜正義引尙書鄭注曰甸服者堯制賦其田使入穀禹弼其外百里者賦入總謂入所刈禾也二百里銍銍謂刈禾斷去稊也三百里秸秸又去穎也四百里入粟五百里入米遠彌輕也甸服之制本自內總禹爲之差使百里從之爾堯之五服服五百里禹平水土之後每服更以五百輔之是五服服別千里故一面而爲差至于五千里相距爲方萬里也每言五百里一服者是堯舊服每服之外更言三百里二百里者是禹所弼之殘數也甸服比周爲王畿其

粥當侯服在千里之內段玉裁曰禮器莞簟之安而
橐鞬之設鄭注穗去實曰鞬禹貢三百里納鞬服按結
从禾吉聲鞬从禾革聲地理志作三百里內夏服又
說文禾部史記封禪書有稽字異字而同物也革聲
在古音第一部吉聲在第十二部皆聲夏聲在第十一
五部異部而雙聲字皆同紐入刈禾者并穗橐全入
之斷去橐者去橐留穎而入穗也又去穎者又去穗
之穎而入穀實也粟者糲米也米者精米也粟對已
去糠者言之則去糠者爲米未去者爲粟對精米言
之則精米爲米糲米爲粟尙書五者節次自然而後

儒多不曉矣尙書釋文云結本或作稽馬云去其穎
音𦰩按馬說與鄭同音𦰩二字不辭蓋馬本作𦰩馬
云去其穎曰𦰩音乃字之誤據禮器注則鄭本亦作
𦰩也漢志作𦰩是假借字說文𦰩讀若棘按𦰩从革
聲古音革同棘在弟一部結服連文服事也結服猶
結事也觀禮器注引禹貢不割去服字可證訓詁之
法渾言析言不同析言則穎與稊別如毛傳穎垂穎
也說文穎禾末也書注結穗去穎也是也渾言之則
穗亦呼穎如書序唐叔得禾異畝同穎謂異畝同穗
也

國語周語韋昭注曰夏書曰五百里甸服甸王田也服服其職業也

百里侯服百里采二百里任服三百里諸侯

夏本紀曰甸服外五百里侯服百里采二百里任國二百里諸侯○集解馬融曰采事也各受王事者

百里男國

地理志曰五百里侯服百里采二百里男國二百里諸侯○師古曰此次甸服之外方五百里也侯侯也王斥侯而服事也又說侯服內之差次采事也王事則供之不主一也男之言任任王事者三百里同王斥侯故合

而言之爲一等

春秋緯曰侯之言候候逆順兼司候王命者

白虎通爵篇曰侯者候也候逆順也

禮記王制千里之外曰采鄭注云九州之內取其美物以當穀稅

案史記集解引馬注采訓事也與鄭誼異疑馬从古文尙書說鄭解王制用今文尙書說也

釋名釋長幼曰男任也典任事也

案詩齊風正義引鄭注曰侯服于周爲甸服其弼當男服在二千里之內段玉裁曰夏本紀二百里任國此

今文尙書也非以故訓易字也白虎通爵篇引酒誥
侯甸男衛邦伯作侯甸任衛作國伯此可見今文尙
書作任古文尙書作男漢書王莽傳封王氏女皆爲
任莽用今文尙書制爵也觀白虎通此章上下文皆
作男知今文尙書獨作任不同春秋傳王制作男周
語鄭伯南也先鄭司農云南謂子男左氏昭十三年
傳子產云鄭伯男也王肅家語載子產語作南注云
南左氏作男古字作男亦多有作此南十字一句連
近一不解言之猶言公侯也是則子男亦作子南古男南任三
字同音互訓而亦通用也地理志二百里男國當是

本作任或用古文尙書改之耳

五百里綏服三百里揆文教二百里奮武衛

夏本紀曰侯服外五百里綏服三百里揆文教二百里
奮武衛

地理志曰五百里綏服三百里揆文教二百里奮武衛
○師古曰此又次侯服外之五百里也綏安也言其安
服王者之政教也揆度王者文教而行之三百里皆同
奮其武力以衛王者二百里皆同

案詩齊譜正義引鄭注曰綏服于周爲采服其弼當
衛服在三千里之內也

三

地理志曰五百里要服三百里要二百里要蔡○師古曰此又次綏服外之五百里也要以文教要來之也夷易也言行平易之法也三百里皆同蔡法也遵刑法而已二百里皆同

案詩齊譜正義引鄭注曰要服于周爲蠻服其弼當夷服在四千里之內蔡之言殺滅殺其賦據史記集解引馬注蔡訓爲法與鄭誼異知鄭用今尙書說故

與馬古尙書說不同也段玉裁曰按左氏傳蔡蔡叔
說者謂上蔡字卽蔡字也古音蔡同殺滅殺字亦讀
入聲

後漢書南夷列傳曰其在唐虞與之要質故曰要服

五百里荒服三百里蠻二百里流

夏本紀曰要服外五百里荒服三百里蠻二百里流

集解馬融曰政教荒忽因其故俗而治之蠻慢也禮記
怠慢來不距去不禁流流行無城郭常居

史記匈奴列傳曰逐水草遷徙無城郭常處武王居鄠
鄠放逐戎夷以時入貢命曰荒服

地理志曰五百里荒服三百里蠻二百里流○師古曰
又次要服外五百里此五服之最在外者也荒言其荒
忽各因本俗蠻謂以文德蠻慕而覆之三百里皆同流
任其流移不考詰也二百里皆同

漢書蕭望之傳書曰戎狄荒服言其來服荒忽無常
國語周語戎翟荒服韋昭注曰荒者荒忽無常之言

案齊譜正義引鄭注云荒服于周爲鎮服其弼當蕃
服在五千里之內攷鄭注王制云禹貢荒服之外三
百里蠻二百里流段玉裁曰云荒服之外者鄭自用
其弼成之說也尚書正義引鄭注云蠻者聽從其俗

羈縻其人爾故云蠻蠻之言縉也按縉縉雙聲詩大雅曰荏染柔木言縉之絲毛傳縉被也方言曰縉綿施也秦曰縉吳越之間脫衣相被謂之縉綿郭注云相覆及之名也喬樅謂師古注漢書云蠻謂以文德蠻幕而覆之蠻幕卽縉被覆及之誼小顏蓋襲音義舊說其解詁當亦本於今文尙書也

又案許慎五經異義曰今尙書歐陽夏侯說中國方五千里古尙書說五服方五千里相距萬里許慎謹案以今漢地攷之自黑水至東海衡山之陽至於朔方經畧萬里從古尙書說史記集解引馬融云甸服

之外每百里爲差所納總銓秸粟米者是甸服之外
特爲此數其侯服之外每言三百里二百里者還就
其服之內別爲各耳非是服外更有其地也甸服之
外五百里至王城千里其侯綏要荒各五百里是面
三千里相距爲方六千里尙書釋文至于五千下引
馬云面五千里爲方萬里與史記集解所引馬融說
不合今攷尙書正義云賈逵馬融以爲甸服之外百
里至五百里米特有此數去王城千里其侯綏要荒
各五百里是面三千里相距爲方六千里鄭元以爲
五服服別五百里是堯時之舊制及禹弼之每服之

間更增五百里而別至于五千里相距爲方萬里是
賈馬雖治古文尙書而其釋禹貢皆從今尙書說與
歐陽夏侯同何以明之歐陽說中國方五千里內以
王畿千里言之王城四面各五百里數其一面爲
五百里故曰五百里甸服謂距王城五百里之外名
爲甸服也自甸至荒皆數其一面每服面各五百里
五服共爲二千五百里并王畿千里計之面盈五百
里是面三千里相距爲方六千里要服之內分布九
州謂之中國是爲中國方五千里賈馬所云方六千
里者併荒服數之歐陽夏侯所云方五千里者就由

國言之也史記夏本紀載禹貢文而以訓詁增成之
曰令天子之國以外五百里甸服天子之國卽王畿
之內方千里者天子之國以外五百里甸服卽甸服
自百里賦納總至五百里納米距王城千里者是其
說本今文尙書歐陽等義也易祓以禹貢五服帝畿在內職方九服王畿在外其說非是觀史記言令天子之國以外五百里甸服天子之國卽帝畿千里者是此甸服在帝畿外之確證所謂中國止就要服以內言之不數荒服也王制多言夏殷之制千里
之內曰甸亦卽禹貢五百里甸服去王城千里者千
里之外曰采曰流亦卽禹貢五百里侯服始於百里
采及五百里荒服迄於二百里流者舉首尾以該侯

綏要荒四服也鄭君王制注以采爲九州之內取其
美物以當穀稅流爲九州之外夷狄流移或貢或否
引禹貢此文爲證是鄭亦用今文尙書說故解流字
與馬融訓合然則陸德明釋文所引馬云面五千里
五字乃三之譌其爲方萬里句萬字蓋亦陸之所改
陸見譌本馬注三字作五故改六千里爲萬里以同
於鄭耳鄭君以禹弼成五服爲周制所昉故援周官
職方氏以釋禹貢以合古尙書五服方五千里相距
萬里之數也史記夏本紀又於禹貢後載咎繇謨之
文曰帝舜朝禹伯夷皋陶相與語帝前禹曰予辛壬

娶塗山癸甲生啟予不子以故能成水土功輔成五服至于五千里州十有二師外薄四海咸建五長各道有功是禹輔成五服而廣之至于五千里實在帝舜時事尙書虞夏書二十篇舜典之後有汨作九共稟飫等篇在禹貢之前尙書敘曰帝釐下土方設居方別生分類作汨作九共九篇稟飫薛季宣書古文訓云伏生稱九共以諸侯來朝各述其土地美惡人民好惡爲之貢賦政教畧能記其語曰予辯下土使民平平使民無敖此汨作至稟飫十一篇者伏生今文所無而孔子國所得壁中古文有汨作九共在增

多十六篇中自子國遞傳至衛宏賈逵馬融鄭元所
注古文亦僅二十九篇其十六篇無注則以今文亡
佚無師說之相承故也然據書敘言帝釐下土方向
書釋文引馬融云釐賜也理也則卽禹貢所云奠山
川及錫土姓之事也說文云汨治水土也从水曰聲則
汨作名篇正言治水敷土之事其設居方及別生分
類諸事皆具於九其九篇及彙飮篇中釋文引馬融
王肅云其法也則九其所言大率皆建萬國制九州
之事古文家猶及見孔氏壁中增多十六篇故釋皇
陶甗成五服至于五千以爲禹平水土功成彌而廣

之五服方五千里相距爲方萬里萬里之地本自黃
帝以來所有幅員漢書地理志言黃帝畫野分州得
百里之國萬區帝王世紀言顓頊帝嚳建萬國而制
九州若無萬里之廣九州之內豈足以容萬國惟其
分州疆域之廣狹每代亦有沿革所因所損益五帝
豈必盡同史記帝舜紀稱唯禹之功爲大定九州方
五千里至于荒服四海之內咸戴帝舜之功地理志
云水土既平更置九州皆言禹弼五服而廣之之事
今文家不見汨作九其各篇故釋禹貢祇就堯時舊
制中國方五千里言之古文家如賈馬等雖孔氏壁

所得汨作九其名篇以無師傳舊說故釋禹貢亦仍
从今文家說至鄭君始援周官職方氏以證明臯陶
謨故於弼成五服之訓言之特詳也

史記五帝紀曰唯禹之功爲大披九山通九澤決九河
定九州各以其職來貢不失厥宜方五千里至于荒服

南撫交趾北發

索隱云當作北戶

西戎

胡渭云戎字疑衍

析支渠廋氏

羌北山戎發息慎東長夷島夷

索隱曰長下少夷字

四

海之內咸戴帝舜之功

漢書嚴助傳淮南王安上書曰古者封內甸服封外侯
服侯衛蠻夷要服戎狄荒服遠近異勢也○服虔

又有衞服賓服賓見於王也侯衛二服同
為賓也

王莽傳曰聖人序天文定地理因山川民俗以制州界
漢家地廣二帝三王凡十二州○服虔曰唐虞及周要
服之內方七千里夏殷三千里漢地南北萬三千里也
案夏殷三千里者指衰世言之大禹盛時邾成五服
之數幅輦固有萬里也

東漸於海西被於流沙朔南暨聲教訖於四海

夏本紀曰東漸於海西被於流沙朔南暨聲教訖於四
海○集解鄭元曰朔北方

朔南風

地理志曰東漸於海西被於流沙朔南風聲教訖於四海○師古曰漸入也被加也朔北方也訖盡也言東入於海西加流沙北方南方皆及聲教盡於四海也一曰漸浸風及也

迄于四海

賈捐之傳捐之請奔珠崖議曰臣聞堯舜德之盛也禹入聖域而不優故孔子稱堯曰大哉韶曰盡善禹曰無間以三聖之德地方不過數千里西被流沙東漸於海朔南暨聲教迄於四海欲與聲教則治之不欲與者不

彊治也故君臣歌德含氣之物各得其宜

案胡渭曰凡禹貢疆理之所及皆東海也故曰東漸於海吳語晉侯令董褐復命於吳王曰今君掩王東海以淫名聞于天子越語范蠡對王孫雄曰昔吾先君固周室之不成子也故濱於東海之濱漢書惠帝紀帝立閩越君搖爲東海王師古曰今泉州是其地然則吳越閩所濱之海皆東海也至嶺南揭陽始爲南海而禹時不在九州之域故止於東境言之流沙一在張掖漢志居延澤在居延縣東北古文以爲流沙是也一在燉煌通典云燉煌卽古流沙地其沙風

吹流行在郡西八十里是也經云西被於流沙而居
延澤乃在張掖之東北則固王燉煌矣沙漠自西而
東且迤北居延澤雖非禹貢之流沙亦卽此沙漠之
地爾疋朔北方也舍人曰朔盡也萬物盡故言朔也
李巡曰萬物盡於此方蘇而復生故北稱朔也朔南
與上東西對非有一地之可指也王鳴盛曰尙書正
義及史記集解引鄭曰朔北方也南北不言所至容
踰之禹時東西縮而南北贏蓋帝都在北冀之北境
直踰大漠其地最廣故分爲幽并營南則至於南海
其遠可知若東則沈青徐不過踰海西亦不逾流沙

故鄭云南北逾之耳攷史記言顓頊之地已云北至幽陵南至交阯西至流沙東至蟠木其稱禹功則言南撫交阯北戶西析支渠廋氏羌北山戎息慎東長夷鳥夷四海之內咸戴帝舜之功蓋南北長於東西也江聲曰說文云暨頗見也言日所照臨之處皆聲教之所及猶中庸言日月所照也東西日所還繞故以地言之南北當兩極之下日或不及故以日見爲言天文家有周髀之說以爲天似覆盆斗極居中中高而四邊下日月傍行繞之日近而見之爲晝日遠而不見爲夜是據南北極之所見言也秋分以後春

分以前日遠在南北極之下不見日皆半歲爲晝半
歲爲夜是南北兩極之下日有不及照之時故經云
暨就日所常見處言之其聲教固已遠矣

大戴禮少閒篇子曰舜有禹代興禹卒受命乃遷姚姓
於陳作物配天修德使力民明教通於四海海之外肅
慎北發渠搜氏羌來服

論衡談天篇曰禹貢東漸於海西被於流沙東西之際
也相去萬里案周時九州東西五千里南北亦五千里
後漢書杜篤傳論都賦曰朔南暨聲諸夏是和

禹錫元圭告厥成功

夏本紀曰於是帝錫禹元圭以告成功於天下○正義
曰帝堯也元水也以禹理水功成故錫元圭以表顯之
自此已上竝尙書禹貢文

地理志曰禹錫元圭告厥成功○師古曰元天色也堯
以禹治水功成故賜元圭以表之也自此以上皆禹貢
之文

又王莽傳曰伯禹錫元圭

尙書旋璣鈴曰禹開龍門導積石山元珪出刻石延喜
王受德天錫佩

案據尙書說則元圭乃錫自天非堯錫也江藩曰漢

武梁祠堂石刻畫像祥瑞圖云元圭水泉疏通四海
會同則至是元圭乃治水功成之瑞應天所以龍錫
禹者據此則史記言帝錫元圭亦謂天帝不謂堯矣
周書鴻範曰天乃錫禹鴻範九疇天人相感理有固
然也

潛夫論五德志篇曰修己見流星意感生白帝文命夏
禹其耳參漏爲堯司空王平水土命山川畫九州制九
貢功成賜元圭以告勳于天舜乃禪位命如堯詔禹乃
卽位作樂大夏世號夏后

後漢書何敞傳敞奏紀由曰明君賜賚宜有品制忠臣

受賞亦應有度是以夏禹元圭周公束帛

案据何敞說是以禹錫元圭爲帝堯所賜也攷本傳
言敞六世祖比干學尙書於晁錯注引何氏家傳云
比干字少卿經明行修兼通法律敞傳家學正伏生
所授晁錯之今文尙書然則三家師說或以元圭爲
天賜或以元圭爲帝錫固有不同者矣其以爲帝錫
者蓋元圭之出本爲治水功成之瑞應禹得之以獻
帝堯帝卽以之錫禹也